

D E
CHALCANTHO
Medica Disputatio.

AVCTORE
AETIO CLETO
SIGNINO
MEDICO, ET PHILOSOPHO.



ROMÆ, Apud Hæredem Bartholomæi Zennetti. 1623.

Superiorum Permissu.





*Imprimatur , si videbitur Reuerendissimo
Patri Magistro Sacri Palatij Apo-
stolici ,*

A. Episc. Hierac. Vicesg.



E Go Tiberius à Fonte medicus , phi-
losophus Eugubinus , ex commissio-
ne Reuerendissimi Patris Fratris Ni-
colai Rodulfsii Sacri Palatij Magistri ,
legi ea diligentia qua potui opusculum
doctissimi Viri Aetij Cleti medici Si-
gnini , quod inscribitur , De Chalcantio
medica Disputatio , Et nihil in eo in-
ueni quod Sanctæ Romanæ Ecclesiæ re-

A 2 pugnet,

*pugnet, neque quod sit contra bonos mo-
res. Datum Romæ, 15. Decembris
1622.*

Ego idem qui supra manu pro-
pria.

Imprimatur,

Fr. Vincentius Martinellus Socius Re-
uerendissimi P. Fr. Nicolaj Rodulfij
Ord. Præd. Sac. Apost. Pal. Mag.

5
ILLVSTRISS. ET REVERENDISS.
P R I N C I P I
MARCO ANTONIO
GOZADINO
S. R. E. C A R D I N A L I
EPISCOPO TIBVRTINO,
& Patrono Colendissimo.
AETIVS CLETVS F.



VRE quidem optimo,
Cardinalis Illustrissi-
me, opus meum de
Chalcantho amplitu-
dini tuæ dicare con-
stitui; simul tuorum


erga me meritorum perspicuum, ac
perpetuum memoriæ meæ argumen-
tum; simul etiam, vt sub tanto patro-
cinio ab obtrektatorum calumnijs red-
datur tutissimum. Tenue quidem mu-
nus est. Id verò me non ab instituto de-

terrui, memoria tenentem, ab Artaxerſe illo Perſarum Rege opulentiffimo, vel aquam manibus hauſtam, volaquè allatam (inſimæ conditionis donum) libenter, & grato animo fuiſſe acceptam. Siquidem certum probatumq. verbum eſt: In muneribus mentem eſſe præſtantiffimam. Vtq. in artificis officina picta, ſcultauè tabella cuiuſuis iniuriæ poteſt eſſe obnoxia; ſacto verò patrieti votiua ſuſpenſa omnibus venerabilis, intactaq. ſuſpicitur; ita fore confido, fietquè proſectò, vt hæ lucubrationes meæ, Eruditiffimo Præſtantiffimoquè Patrono dicatæ, vſquequaque inuiolatæ ſeruentur. Vale, mequè benigne amplectere, & foue. Signiæ ix. kalen. Decembris 1622.

7
AETII CLETI
SIGNINI

MEDICI, ET PHILOSOPHI,

DE CHALCANTHO
Medica Disputatio.



EXORDIUM:

BONORVM omnium in re medica auctor Hip. fixius contemplatus quæ bona pariat, & à quibus ærumnis medicina, ægrotantes liberet, ita protulit lib. de flat. artis beneficio à maximis malis liberantur, à morbis, à doloribus, à tristitia, à morte. in immensum æquidem cresceret oratio longius vagando, & ex auctoribus recensendo quas sibi laudes medicina adepta est, sua dignitate impares & longè minores: verum artificum nonnunquam inscitia, aliàs cura nimis intelligendi, & propriæ opinionis ostentatio effecit, ut ridicula nonnullis euas-

A 4 ferit,

serit, multiq. eandem flocci faciendam censuerint. Quamobrem factum est, vt in medicos inuehr complures haud dubitauerint; eosq. redarguere, insectariq. operam dederint. quem sibi dicēdi campum arripuit Plin. lib. 29. cap. 1. & sequitur Quintil. declamationum suarum 8. vbi ex ficto sibi casu occasione arrepta medicos reprehendit & taxat acerrimè. Sed hanc calamitatem agnouit & confessus est Hip. lib. de lege, cum perhibuit medicina omnium artium præclarissima est; verum propter eorum, qui exercent, ignorantiam, eorumq. qui temerè, de his iudicant, omnibus artibus iam longe inferior habetur. Cæterum hæc sapienti viro neque fidem neque auctoritatem à medicina abrogare debent. quoniam crimen artis non est, quod professoris est. hæc verò minime præfatus sum, quasi velim medicorum inscitiam redarguere, quin potius, si pateretur occasio, horum ingens acumen, & incomparabilem eruditionem extollere in animo esset. Sed vna opinionum ostentatio me sola mouit, qua multi, quod est à veritate longinquum, suadere, & fucatis rationibus, orantis magis, quam philosophantis more, medentium animos in propriam sententiam allicere conantur.

tur . exemplis per quam multis istud com-
probare nō esset arduum. suppetat illud oleū
chalcantinum, cuius laudes illuc deuenere ,
vt dixerit Gesnerus, eum medici persona, ti-
tulo, nomine, vel fama dignum non esse, qui
inter medicandum oleo vitrioli se carere pos-
se temerè existimauerit . & adiecit Raymun-
dus Minder. cap. 10. lib. de chalcant. ego sa-
nè adhuc à medicina discederem , nomenq.
meum potius militiæ darem aut opus quod-
dam mechanicum affectarem , si vsu vitrioli
priuatus forem , vel mihi chalcanthini olei
exhibitio interdiceretur . planè illuc deuenit
dicendi licentia , vt contrariæ opinionis au-
ctores, quos non valent rationibus conuelle-
re, iurgijs tentent, verbisq. contumeliosis &
affirmantibus, eruditissimos viros, quiq. ma-
gna cum laude medicinam fecerunt, presi-
dium istud alto silentio donasse , conscios
prorsus illud reprobandum; obuiam itur, Hip.
rabarbarum, mannam, & cassiam non agno-
uisse, & licere nihilominus ijs vti magno cum
commodo . quæ responsio , & si veritatem
complectitur , non tamen argumento par
est, quod ostentat à medicis hisce iunioribus
agnitū & prætermisum chalcāthi olei vsum:
cum re vera contineat responsio , quo nos
vtimur

vtimur rhabarbaro, manna, & cassia minime cognita ab Hip. eaq. de causa præterminissa . efficaciam enim sortiretur solutio si agnouisset illa Hip. & prætermisisset vsum . Cæterum hac in prefatione rationes pro chalcanti oleo perpendendas non duxi : sed occasionem solummodo indicandam , quæ me impulit ad scribendum , amicis etiam multis efflagitantibus : ne scilicet res tanti momenti patrono sui carere videatur : licet non ignorem multos fama & eruditione clarissimos onus istud congruentius suscipere potuisse . at veritas , & iuuandi cupiditas ad scribendum inuitauit . quæ in trattatione multa prætermittenda duxi quæ de chalcantho inquiri possent nimirum, quid illud sit, quale sit natium, quod factitium, quibus in locis excellat , qua coniectura optimum assequi possimus : an illud metallum sit ; & alia his similia . quæ eò libentius prætermitto quòd exactè à viris doctissimis exarata scio, quaecunque verò hoc erit opus, te candide lector benignè suscipias oratum velim : vtq. non adeò meum scribendi attendas stylum , quàm iuuandi magis (quo ad scribendum impulsus fui) studium, ipsamq. veritatem .

An chalcanthum sit calidum. Cap. I.

Dissentio orta est inter iuniores medicos,
 an vitriolum calidum sit vel potius
 frigidum. Minder. cap. 3. lib. de chalcanto, ^{1^a opinio}
 hac de re nactus occasionem dicere, in vi-
 triolo, scribebat, reperitur summa caliditas,
 que causticam vim exercet, atque insuper
 summa frigiditas, que totum corporis habi-
 tum super calefactum ad symetriad, ac com-
 moderationem iustam reducit. Alijs visum ^{2^a opinio}
 est, chalcanthū crudū & etherogeneum esse,
 & cum aliquot particulis calidis, à prædomi-
 nio frigidū, astringens & siccans. quæ disser-
 tatio omnino refragatur classicis auctoribus:
 quorum sententia est calidum à prædominio
 chalcanthū esse. hoc sibi voluit Diosc. c. 74. ^{remota}
lib. 5. cum de chalcanto perhibuit. ^{1^a opinio} valet
 astringere calfacere, crustas inducere. & asti-
 pulatur Gal. lib. 1. de simpl. cap. 33. ^{2^a} vbi me-
 moriæ mandauit, chalcanthum caliditatem
 tantam assecutum, vt nos etiam exurat. &
 clariora eiusdē verba sunt lib. 9. operis eius- ^{3^a}
dem dicentis, mirari subit de hoc medica-
 mento, quo pacto vehementissimæ adstrictio-
 ni admixta est caliditas non inextrema. con-
 stat

stat ergo quòd omnium maxime condire
 feruareq. carnes humidas potest, nimirum
 caliditate humiditatem absumēs, atque astri-
 ctione substantiam contrahens, constipansq.
 quibus consona scripsit Aëtius lib. 2. cap. 74.
 4a
 5a
 6a
Oribas. lib. 14. coll. cap. 18. in fine. & con-
firmant Pauli verba lib. 4. cap. 53. dicentis :
 Scopus crustam generantium medicamento-
 rum erit calor cum adstrictione, quemadmo-
 dum in chalcithide, mysi, & atramento suto-
 rio habetur. imo Auic. lib. 2. tract. 2. cap. 170.
 7a
 8a
 quem sequutus est Arnal. Villanouanus spa-
gyricæ artis non ignarus (quantum eius pa-
 tiebantur tempora) lib. de simpl. cap. 7. ad
quartum vsque gradum vitrioli caliditatem
extendi memoriæ mandauit. quinimo atra-
 mentum sutorium à prædominio calidum,
 neque etiam negauit Minder. ipse, quando
 9a ex
 aduersariis
cap. 12. citati libri, aiebat, insunt ei plurima
refrigerantia, & multo plura calefacientia, &
cap. 12. lib. eiusdem occasione arrepta exa-
randi varias facultates vitriolo inesse, quas
subiecit ille, etiam Gal. suspexit, & admira-
tus est, quando calori vitrioli non leuem ad-
strictionem inesse fassus est.

Quanquam neque illud est condonandum
 Minder. vt chalcantho summa insit caliditas,
 summaq.

summaq. frigiditas. namq. vti mixtorum,
 nullum actu summas hasce qualitates eodem
 in tempore sortiri potest, teste Arist. lib. 2.
de gener. text. 16. pari pacto neque etiam
 potentia. quo enim tempore miscibilia inui-
 cem alterantur ad mixtum conficiendum,
 altera earum qualitatū superet est necesse,
 vnde sequitur vt illud à predominio magis
 calidum sit, vel magis frigidum, quamobrem
 caliditas & frigiditas inesse minime potest in
 summo mixto iam completo, & elaborato.
Itaq. Gal. lib. 1. de temper. cap. 8. cum rerū
 omnium temperamenta indagatur, animan-
 tium scilicet stirpium, & inanimatorum, octo
 temperies solas enumerat, in quibus quali-
 tates à predominio excedunt, calidam nem-
 pe, vel frigidam, siccam, vel humidam: cali-
 dam, & siccam, frigidam & humidam, frigi-
 dam & siccam; neque inter has reperire est
 frigidam & calidam in summo, certior factus,
 mixta qualitates has summas simul copula-
 tas adipisci minime posse. &, quemadmo-
 dum octo qualitatū exuperantias ab intem-
 perie prodeuntium morborum causas idem,
Gal. statuit lib. de caus. morb. cap. 1. inter
 quas locum non sortitur summa caliditas, &
 frigiditas summa, que simul morbū pariant;

ita

ita qualitatū exuperantiæ in medicamento
à quorū dominio nomen sortitur vti lib. 4.

4^o Meth. cap. 2. luculenter Fernel. indicauit,
octonarium numerum non excedent neque
reperire contigerit quod summam habeat ca-
liditatem cum summa frigiditate, quemad-
modum de vitriolo depredicauit Minder.

impugnare Sed est insuper arbitratus Minder. illud ef-
*alibi mo-*ficere summam frigiditatem in chalcanto vt
duo dicendi. illud ipsum supercalefactum refrigeret, &

ad symmetriam, & cōmodationem iustam
reduceret. Quæ equidem si adesset symme-
tria, & iusta commodatio, non illi inesset
summa caliditas cum frigiditate summa;
sique hæ adessent qualitates in summo, ad
symmetriam non esset reductum, iustamq.
commodationem. Quamquam si ex se-

6^o cundis qualitatibus de vitrioli temperie sit
ferendum iudicium, summè calidum omnino
statuendum est. quod indicat illius sapor
quem acrem esse litteris scriptum reliquit
Gal. lib. 4. catatop. cap. 4. cum perhibuit,
chalcantum quod astringēdo vna cum acre-
dine vehementissimum pharmacum existit.

2^o *con-* cui consensit Actuar. lib. 6. Meth. cap. 5. &
trina- hoc sibi voluit Cæsal. lib. 1. de metall. cap. 6.
ones in hunc modum scribens. Chalcantum

cum

cum acerbitate, etiam acrimoniam vehemē-
tem habet adiunctam, ideo aquas reddit
mordentes, & corrodescentes, & enucleatius in-
dicauit Agricola lib. 3. de natura fossil. cap.
16. dum voluit, atramentū sutorium, quæque
sub illius genere complectuntur acria esse
omnia. Fert suffragium Minder. ipse qui
cap. 1. lib. citati de vitrioli delectu verba fa-
ciens, illud à se probari dixit, quod acrius
linguam stimulat, aut acore quodam astrin-
gente fauces non sine aliquo fædæ stimu-
lo in ima penetrante conuellit. Iste vero
chalcanti sapor acris prædominantis calidi-
tatis certum indicium esse omnino consen-
siendum videtur. in quam sententiam locutus
est Gal. cap. 18. lib. 4. de simpl. cum litteris
scriptum reliquit, scire oportet acres sapes
omnes summè esse calidos, post illos esse
amaros, deinde vero dulces. Igitur cap. 3.
lib. eiusdem vbi mixta medicamentis quali-
tas apparuerit cum acrimonia, caliditatem,
quoque inesse coniiciendum esse, tradidit. à
Gal. sententia ne latum vnguem recessit Aet.
apud quem cap. 1. lib. 1. scriptum reperitur,
ad acrem iam sermonem conuertamus, eosq.
primum calidos exacte esse dicamus, deinde
erosiuos, vstosios, crustamq. inducentes, &
colli-

conuenit
ipsum ex
ponis.

alia confir-
mano.

alia

colliquatorios forinsecus cuti impositos. Sapore ergo acri quoniam præditum est chalcantum, ideo summè etiam calidum esse pronunciatum est. & cōfirmat summa illius corroderendi potentia, quam illud adeptum est,

conuincit ex ppter vel ipso Minder. teste cap. 3. lib. præallegat. cui enim medicaminum inest corroderendi facultas, summa quoque inest caliditas, quemadmodum indicauit Dinus Florent. & Gen.

*confir-
matio* til. Auic. interpretes lib. 2. t. 1. cap. 4. quo in loco de corrosiuis medicamentis differentes, docent omnia calorem fortem (vtque verbis eorum utar) & acutum participare. &

alia astipulatur Arhal. Villanou. lib. de simpl. cap. 21. vbi, facto cathalogo corroderentium,

medicamentorum, in eo vitriolum reponit, eiusq. generis omnia valde calida esse affirmat. Enimuero huius classis sunt ea me-

dicamenta, quæ Græci catheretica appellant, quibus eximiam inesse calefaciendi facultatem, locupletissimus auctor est Gal. 5.

alia de simpl. med. cap. 15. illiq. se subscribit Fernel. lib. 6. Meth. cap. 17. vbi atramentum,

sutorium catheriticum medicamentum esse affirmat, & catheriticum illud statuit, quod vehementer & iam quarto ordine calidū est.

Quercet. lib. inscripto pestis alexicacus

cap. 3.

cap. 3. circa medium, & Minder. lib. toties
 repetito cap. 10. hisq. astipulatus Cæsal.
 lib. 1. de metallicis cap. 28. posteritati scri-
 ptum reliquere, tum chalcantum tum vero
 ipsius oleum ad sulphuris naturam, & olei il-
 lius propius accedere. apud classici verò
 auctores ratum est sulphur calidum esse, ca-
 lidum quoque atramentum sutorium decer-
 nendum est. Calida facultate præditum
 esse sulphur testes habemus Diosc. lib. 5.
 cap. 33. Gal. lib. 9. de simp. lib. 3. de com-
 pos. med. per genera cap. 2. & lib. 5. operis
 eiusdem cap. pariter secundo, quo in loco de
 emplastro è scylla confecto edisserit, affirmã-
 do sulphur tanto calore præditum esse, vt
 vlcus faciat si diutius adheferit. calidam,
 quoque sulphuris facultatem agnouit Auer.
 lib. 5. coll. cum de mineralibus verba facit &
 Auic. lib. 2. ~~cap. 61~~ cap. 615. qui adeo calidū,
 & siccum esse illud memoriæ mandauit, vt
 ad quartum gradum perueniat. fauet etiam
 ratio: quæ enim facile inflammantur, siue
 igniuntur, ceteris paribus, calidiora semper
 sunt, vt Gal. affirmauit lib. 3. de tempera-
 mentis cap. 1. quem deinceps sequutus est
 Auic. fen. proxime deducta ~~lib. 1.~~ cap. 3. fa-
 cillime flammam suscipit sulphur, idcirco ca-
 lidum

aggravari
 quod ex
 est peccatis
 ad sulphuris
 naturam

quod sulphu-
 ris calidum
 habet

quævis calor
 præditum

rat^o

lidum illud esse statuendum est. Res combustibiles inquit Auer. lib. mox citato c. 26. sunt de necessitate igneæ, sicut sulphur. hac pari ratione motus Arnald. Vill. lib. 1. rosarij cap. 3. eo quod sulphur (sic ille loquitur) inflammabili substantia constat, & quoniam hoc metallis inest, in causa est cur illa comburantur. itaque sulphur cum facile inflammetur calefaciendi potentia præditum esse, asseuerandum est quanquam aliæ multæ non deessent rationes, si de illo differere pateretur occasio, quibus facile comprobari posset, illud calidum esse. igitur quia atramentum, futorium parem habet agendi efficaciam, quam sulphur sortitum est, quod apud omnes calidum esse est receptum, calidum quoque chalcantum decernendum est.

deductio
 Animaduertit hanc difficultatem Querc.
resp. lib. cit. cap. 4. obseruat. prima quam diluit
Querciam ad diffi-
cultatem in hunc modum. Si ea solum de causa sulphuri calidam inesse qualitatem colligeremus quod ad ignem ardeat & flammæ facile concipiat: non dispari, immo vero fortiori argumento camphora callidior concludi debet, quæ nihilominus proprietate frigida donata, à peritionibus asseritur. Eoque magis assertio corroboratur, quod eadem gustui aceri-

acerrima, & quasi corrosiua sentitur, cum
 tamen sulphur plane sit insipidum, & nullam
 palato exhibeat molestiam. sic ille. Cuius <sup>impugnata
 non acce-
 ptum
 rationes</sup> argumentatio nullius prorsus momenti est,
 siquidem camphora suapte natura omnino
 calida est. Credidere Serapio, & Auic. (in-
 quit Matthiol. lib. 1. ad Diosc. cap. 75.) cam- <sup>camphora
 calida p^a</sup>
 phoram terrio abscessu, & siccare, & refrige-
 rare: quæ tamen, cum vehementer etiam in ^{rationes}
aqua proiecta conflagret, sit per quam odo- ^{2^a 2^a}
rata, & adeò tenuium partium, vt sæpe ^{3^a}
per se in auram euanescat, illis reclamare
videtur. Quo fit, vt quis suspicari possit, aut
legitimam camphoram ad nos non adheui,
aut hoc loco Arabum monumenta (vt in alijs
per quam multis) esse vitiata. Sed hac de re
erudita adest Agric. dissertatio lib. 4. de nat.
fossil. cap. 2. comprobantis calida facultate
prædixam esse camphoram, non illam refri-
gerare, vti inter Arabes auctores conuenit
opinio. & confirmat illius sententiam Manar. ^{confirmat}
suis in annotationibus ad Mesuem, cum dis-
feritur de trociscis, de camphora, sic perhi-
bens, res noua quam gummi arborum di-
cunt, & putant valde frigidam, ego eam,
quæ ad nos defertur, rem factitiã puto, &
calidam. Astipulatur Vidijs Senior lib. 4.

de medic. cap. 4. apud quem sic scriptum re-
peritur; camphora paratur arte, pertinetq.
ad bitumen, eandemq. vim habet. nec fri-
gida est, vt nonnulli crediderunt, sed secun-

*occurrit
dub: videtur
et paulo
infra per
dilectum*

do gradu calefacit, & siccat: nec coercet ve-
neris impetum quod refrigeret, sed quod
(non sæcus quam mentha) semen extinguat

ob siccandi vim, quam habet, ~~ob~~ quam vi-

giliae causa quoque est. His consona dixit

Fallop. lib. de vlcerebus cap. 31. Auic. in-

quiens, vtitur bolo armena officinarum (de

ambustis sermo est) & camphora tanquam

medicamento refrigerante: ego quoque cam-

phora vtor, & ei multum fido, sed non vtor

tanquam medicamento frigido, sed calefa-

ciente: credo enim ego camphoram calefa-

cere, licet Auic. oppositum sensiat. His con-

sistentanea in hunc modum scripsit Rondel.

*fundit
occurrit
oblatione
bus*

lib. de officina pharmacopolarum, in sua vn-

guenti citrini enarratione. De eius tempe-

ratura certo possum affirmare (in tractatio-

nem enim inciderat de camphora) calidam

esse, eo quod odorata sit, & quodammodo

ex aërea substantia, & tenui ob quam tenui-

tatem ignem facile concipit etiam in aqua,

quod forsan aliquos decepit quod semen ab-

lumeret, inde ab effectu colligunt summè re-

frige-

frigerare . Verum est illa secunda operatio,
 non prima , per accidens , non per se . nam
 si quando seminis spiritum dissoluit , ob id
 venerem extinguit, semine absumpto, vt ru-
 ta , agnus , menta sicca , & alia calida . Te-
 stem etiam assero Leonardum Iacchinum suis
in commentarijs lib. 9. ad Almanfor. cap. 4.
 in hunc modum scribentē . postremum cam-
 phora est , quam extimant odore frigidam ,
 & frigidaē temperaturæ . Sed ego puto vete-
 res de alio succo , vel gummi locutos . quam
 nos modo habemus . neque mirum , sunt
 enim innumera huiusmodi , quæ sub alieno
 nomine venduntur; vt assa laferis loco ; casia
 loco cinamomi , & quæ mirrha vocatur , &
 therebyntina , resina , & sandaraca sandix ,
 chalcites . quod vero me mouet est . quoniam
 quocunque modo ratione discurras , & exa-
 mines, calidam inuenies . Odor enim primum
acris , & penetrans maxime id monstrat : mox
sapor qui admodum acris est , fere piperi
æqualis : quæ sanè duo non modò igneum
 elementum dominari , sed valde dominari si-
 gnificant . Scio equidem frigida quoque
 odora esse aliqua ob partium diuersitatem ,
 sed odore ignauo , & tenui , non acri , & vali-
 do , vt rosa est , & viola ; sed sapor multo cer-

rationes
 charac-
 terum
 librum

pa
 2a

occurrit
 obsecrationi

tior nuncius: nam ipsa rei substantiam attingit ubi odor solum quasi corticem. Quod si ratione discurras quod maxime & velocissime ignibile est, ignis naturæ est proximum ut de sulphure naphta patet. At nihil est æque ignibile ac camphura. Vnde ex ea inextinguibilem ferè ignis materiam ad bellum parant. præterea vigilias inducere fatentur, quod non esset si ad tertium frigiditatis ordinem perueniret. Libeat deniq. Costeum audire, in suis notis ad Mesuem, quo loci de diamanna sermo habetur, apud quem sic de camphora proditum reperitur. De huius quoque temperamento dubitare licet, consensunt omnes tertio ordine esse frigidam, & siccam, nam inflammationibus, ac calidis affectibus, & doloribus ex calore admota confert, quod frigiditatis argumentum præbet. Contra tamen cum odore caput feriat, gustu sit acris, ignem prope admota, facillime concipiat, & retineat (nam & in aquis ardet) ad hæc exposita aëri, aquæ ardentis instar euanescat, cuius rei gratia, seruatur in vitro psyllij, aut millij semine obruta inesse illi insigna caloris seminaria, persuademur. Quamobrem (quicquid illi sentiant viri grauissimi, quorum ego auctoritatem

3^a4^acostei
disquisitionerari
purissimi
naturasumma
ratione
getisicali
da

ritatem maximi semper faciam) camphoram
summè esse calidam ipse quidem suspicor.
neque tamen frigiditatis producere effectus
à ratione alienum puto. Cum enim partium
suarum tenuitate, & calore meatus corporis
citissime permeat, & rarefaciat, vt calidio-
res diffilent vapores, atque subeunti frigido
aëri locus detur probabile est, atque hoc pa-
cto per accidens à calido frigus inducatur.
Sed & eodem modo medicamentis adiun-
ctam frigidis (cum enim seorsum in refrige-
randi vsum adhibetur) præstare frigiditatis
opus existimo. Dum enim sui tenuitate fri-
gidis viam parat, facitq. vt alte penetrent
quid mirum quod calida ipsa refrigerij ta-
men vsum afferat. hætenus ille. Conclu-
ditur ergo camphoram, sulphur, &
atramentum sutorium calidum es-

occurrit
Objection
magne.

conclus

se: neque illis rationibus
contrarium demon-
strari posse: adeò,
vt veterum
de
chalcanti facultate
opinionem dese-
ramus.

De chalcanthi astringenti, & purganti
facultate. Cap. II.

difficultas **I** Vre merito, mea sententia, lib. 9. de
simpl. med. miratur Gal. quo pacto chal-
canthi vehementissime astrictioni admixta
sit caliditas non ignaua. Sortitum quippe
illud est astringentem facultatem: quemad-
modum, & præallegato loco testatus est Gal.
& 4. catatop. cap. 4. & cap. 1. lib. 4. de com-
pos. med. per genera, & 3. de simpl. med.
cap. 16. vbi atramentum sutorium summè
astringens esse perhibuit. cui accedit Diosc.
testimonium lib. 5. cap. 74. & Plin. lib. 34.
cap. 12. scribentis nuper inuentum (de chal-
cantho dicere orationem aggressus erat)
vrsorum in arena & Leonum ora aspergere
illo: tantaq. est vis in astringendo, vt non
queant mordere. Inest etiam chalcantho
eximia calefaciendi facultas; vti capite præ-
cedenti comprobauimus fusè. Quamobrem
ex his statim oritur dubium, quo nam pacto
id contingere queat. Diserta enim Gal. sen-
ratio dubium tentia est lib. 6. de simpl. med. cum de balau-
stico verba facit astringens omne esse frigi-
dum, & famulatur Aetius lib. 6. cap. 56. dum
exara-

exarauit, quæ valde astringunt omnino etiã frigefacere . Ideo quia in eorum censu medicamentorum atramentum sutorium reponitur, quæ valde astringunt, omnino frigefacere illud videtur consensendum : vel constituto illud calefacere illud idem non astringere .

Sed est notandum medicamentis facultates nonnunquam diuersas, quinimo contrarias, inesse aliquando, quemadmodum Gal. memoriæ mandauit non longe ab initio lib. 1. de alimentorum facultatibus, & 3. de simpl. cap. 14. & hisce verbis indicauit Orib. lib. 14. coll. cap. 9. ac ne illud quidem mirum videri debet, in huiusmodi facultatibus cum vni, & eidem medicamento vim calefaciendi, & refrigerandi inesse appareat, aut exiccandi, aut humectandi, aut tenuium partium, aut crassarum : siquidem nisi primæ hoc modo complicarentur, ex quæ ex illis sequuntur neutiquam essent similiter complicatæ . Nam quemadmodum (vt Gal. ait citato cap. 16. lib. 3. de simpl.) in ijs, quæ nos componimus, ac commiscemus, iterum si ita visum est, plus astringentis succi indimus: interim plus dulcis, aut amari, aut falsi aut acris, aut alterius cuiuspiam contrariorum :
nonnun-

nonnunquam verò utrosq. partibus paribus :
ita quoque naturam in arboribus , fructibus ,
animalibus , & in ipsa quoque terra contra-
rios temperare succos , paribus aut portioni-
bus, aut viribus alienum non est: potest etiam
quandoq. alterum vincentem efficere . Itaq.
actiones eorum in mixturis paribus similes
euadunt in imparibus autem diuersæ . Quod
decreuit ratiocinio Gal. naturæ operibus cō-
gruum , mixtum ex diuersis , vel etiam con-
trarijs partibus nonnunquam cōflari . Quam
contrarietatem chalcanthum nactum profi-
teri est , à qua euenit vt cum calidum sit ,
etiam astringat . Enimuero tametsi Gal.
lib.6. de simpl. loco antea deducto , visus sit
indicasse astringens omne esse frigidum , il-
lud accipiendum est de astringente , quod
tantummodo terrestre sit , neque intra se
alias qualitates, astringentibus prorsus con-
rarias , contineat . Quas comprehendere
chalcanthum , ipsa acrimonia docet , quæ
caliditatis non ignauæ est argumentum ,
quamuis astringenti mixta sit . Hac ratione
motus Gal. lib.5. de simpl. cap.14. eorum,
perhibuit, quæ aperientibus aduersatur sub-
stantia, cum sit crassarum partium, & frigida
astringentium est omnium , quæ quidem ad-
mixtam

accusari
de sub
usu

corollar
ium

mixtam non habeant acrimoniam. Certo sciens acrimoniam facultatem astringenti contrariam omnino arguere, quodq. acrimoniam habet, frigidas partes solummodo continere minime posse. Vnde est ut chalcanthum acre cum sit, & astringens contrarias qualitates in se completi decernendum videatur, & ex his caliditatem non infimum locum habere. Arrisit hæc solutio Hyer.

Merc. apud quem lib. 1. de compos. med. cap. 8. in hunc modum scriptum reperitur.

*confirmat
ex
nihil*

Dubitatio est de chalcantho de quo Gal. 9. de simpl. miratur, quo modo maxime astringat, & generose calefaciat. Si quid enim, est medicamentum quod valde obstruat, & astringat, est chalcanthum: est tamen calidissimum, non igitur videtur quod hæc facultas sequatur frigiditatem, & siccitatem: respondeo, inquit ille, de chalcantho; id quod nuperrime dixi, esse corpus ex contrarijs naturis omnino conflatum, cum enim habeat partes igneas, & terrestres frigidas, ratione partis terrestris frigidæ astringit valde, ratione vero ignearum valde calefacit. Hactenus ille.

Iam satis docui chalcantho astringentem facultatem inesse, quæ toto cœlo cum se opponat

ponat purganti, indagine videtur dignum
cur contingat, purgandi quoque facultatem
obtinuisse illud. de hac enim dubitandum

non est. Etenim ciere vomitū testis est Diosc.
loco antea deducto, & Agric. lib. 1. de natur.

fossil. cap. 12. infernam euacuationem ciere
perhibuit. Vidius Senior lib. 4. de med. c. 3.

scribendo, atramentum sutorum si ad drag-
mam vnam ex mulsa bibatur aluum laxare:

& confirmavit Ludou. Merca lib. 2. de indi-
cat. cap. 4. quo loco cum demonstrasset chal-

canthum astringens esse, & calidum, pur-
gandi insuper facultatem obtinuisse, memo-

riæ mandavit. quæ eadem Agric. sententia
fuit lib. 3. citati operis cap. 17. quibus con-

sona recensuit Minder. cap. 1. præallegati
lib. de chalcanto, ubi probi, ac laudati vi-

trioli signum hoc esse, litteris scriptum reli-
quit, si crudum per os exhibitum vehemen-

tissime tam infernè, quam supernè purget.
potest insuper facultatem hæc contrarietas

falis exëplo demonstrari, quod planè astring-
gens esse traditum est à Diosc. lib. 5. cap. 85.

& Gal. lib. 9. de simpl. med. & nihilominus
aluum ciere illud, proditum est ab auctori-

bus huc tendit illud Hipp. lib. de affect. fal-
sa, perhibentis, aluum, & vrinam cient, &

lib. 2.

phurones
1^a
2^a

3^a

4^a

5^a

6^a

phurones
1^a
2^a
3^a
4^a
5^a
6^a

lib. 2. de diæta, falfamenta aluum leuiter mouent; & rursus, vbi soluere aluum quis voluerit, plurimo tempore cibis immorari confert, & acribus, ac falsis & pinguibus ac dulcibus cum cibis, tum potibus vti; pari ratione lib. 3. de alimētorum facultatibus cap. 15. de sero dixit Gal. quāto magis optamus aluū soluere, tantò plus debemus salis addere. quæ omnia cōprobauit Mef. theor. 2. cano. 3. cum protulit. Salsa medicamenta purgantem vim debilem, ac tardam celerant, & perficiunt: ob id salem gemmam, & alias salis species recte agarico miscuerunt, & epithymo, & alijs purgantibus permultis. Quibus liquet sal, & salsa, astringentia, cum sint, aluum deijcere: & vitriolum ipsum pares, simillimasq. facultates sortitum; quorum caussa omnium inquirenda est.

Sed facilis dubij enodatio est, si eorum fuerimus memores, quæ Gal. docuit 3. de simpl. cap. 14. & 15. vbi medicamentorum nonnulla ita à natura conflata, memoriæ mandauit, vt cum sistendi facultate, excernendi etiam potentia prædita sint. Et ne à fossilibus discedamus, in æris squama, inquit, *exemplum* ficut duplex qualitas, ita gemina quoque facultas inest: nam & astringit, & mordicat: quare

quare astringione quidem ficcitas vlceratarum carniū cicatrice obducit: mordicatione vero præhumidas colliquat. Quod si intra corpus sumatur, purgat quidem ventrem, verum non cohibet; vincitur enim astringendi facultas ab acri, purgatoriaq. potentia. Inest sali pars terrestris, & astringens: inest & ignea, cum qua est acrimonia, quæ eadem insunt vitriolo facultates, quibus illa ventrem laxant. Quamquam de chalcantho dicere etiam possumus venenum illud esse, & ideo non tantum acredine, verum etiam tota substantia calori nativo aduersari, vnde cum primum suscipit illud ventriculus mordicat, & venefica vi laceffit; quo fit vt contra illud insurgens expultrix facultas, & ad vomendum irritetur, & aluum infernam exonerandam: quo fit vt vomitum cieat, & aluum relaxet, quamuis astringens sit.

resp. 2^a
quest. 3^a Et quoniam vitriolo facultas inest supernam, infernamq. aluum proritare, ea vi, ac potentia qua lapis lazzuli, si Minder. habenda fides est, qui cap. 1. lib. de chalcantho hoc memoriæ mandauit, posset quispiam facile quærere, an chalcantho expurganda sint corpora. Planè si de lapide lazzuli proponatur quæstio (hic enim vitriolum adæqua-

obiter de lapide lazzuli

re cre-

re creditur) non facile esset illam diluere .
 quandoquidem ex medicis sunt , qui vsum
 illius respuunt , alij qui admittunt . Ipse ve-
 ro illi sententiæ libentissime inhereo , vt la-
 pidis lazzuli vsum , ad expurganda corpora
 omnino reiiciendum censeam . Etenim hunc
 vehementis , & timorosa purgationis decre-
 uit Auer. 5. coll. cum de mineralibus loqui-
tur, & idipsum de atramento futorio pronun-
ciandum videtur, quod parem cum illo pur-
gandi potentiam obtinet . Et confirmauit
Vid. citato lib. 4. de remed. cap. 3. cum di-
 xit ; atramentum futorium si ad dragmam
 vnam ex mulsa bibatur aluum laxat , licet
 non sine periculo excoriationis ; quibus adij-
 cio , purgationis vehementiam , & partium
 contrarietatem , quibus euacuat (supernè
 enim, & infernè educit) quæ dum efficit me-
 dicamentum , & accedit purgationis vehe-
 mentia , euacuationem reddit suspectam , &
 periculi plenam . Siquidem in tota tractatio-
ne medica illo nullū salubrius est præceptum,
ad praxim spectans, quod ab Hip. fuit tradi-
tum 2.aphor. 51. multum, & repente euacua-
 re , & replere perniciosum esse : quodq. pau-
 latim fit , illud turum . quo theoremate has,
 & huic simillimas euacuationes damnauit .

Simus .

*deciſio de
lapide lazzuli*

*amplius de
excitacionem
ad calchar
chum.*

*ratio deciſio
nis.*

S. p. aph. 23 Simus memores alibi dictum ab illo, euacuationes multitudine non esse extimandas, sed si talia purgentur qualia purgari oportet. Non enim copiosa, & violenta euacuatio est, quæ morbum extirpat. sed cum votis ita respondet, vt morbifica morbi causa excernatur. ratiō alia Quibus adde imprudentis medici esse lapide lazzuli, vitriolo, & ceteris huiusce classis velle vti, cum mitiora adsint pharmaca, omni suspicione carentia. Ergo Petrus Forest. lib. 9. obseruat. schol. ad cap. 23. de pilulis conf. mario. è lapide lazzuli dicere sermonem aggressus, has, inquit ille, non ignobiles auctores reijciunt, ab alijs vero, vt dicitur, atro colore notantur. Etenim Leonicens op. scrva hunc lapidem non minus venenatū censuit, quam minium. Atque ego in ea sententia fui semper, ratio cique hærere constitui, nusquam experiri talia (vt hoc tempore nostri medici iuniores quidam faciunt, ad paracelsica remedia sine ratione sæpe inclinati) cum meliorum copia suppetat. Quod quidem temerarium, & insignis stultitiæ argumentum, in ancipiti medicamine periculum facere, cum id nulla cogat necessitas. sic ille: Par, ni fortè grauius, periculum impendat ex chalcantho, & id circo illud velle propinare ad expur-

expurganda corpora noxium, & temerarium
 cenſeo . Nam, præter quam quod violentam
 ſupernè, & infernè euacuationem inritat, hoc
 non trahendo ducit noxium humorem : ſed
 extimulando, & inritando, quod venenis
 quam multis eſt commune, venefica vi eua-
 cuationem proritantia; vnde ſequitur, vt vo-
 tis illa non reſpondeat . qua de cauſſa vi-
 triolum propinare pro expurgandis corpori-
 bus, temerarium, & periculi plenam auda-
 ciam ipſe opinor .

Chalcantum vſtione an mitius fiat .
 et an veteres uſi Cap. III. *ſuſcipere ipſo crudo*

Semetipſum, & nos ſefellit Minder. cum
lib. de chalcantio cap. 3. memoria mandauit,
 veteres vix vnquam vitriolo crudo
 uſos fuiſſe, ſed uſto tantummodo, vel prius
 cremato, ac fermè in cholcotar redacto .
 Etenim perſuaſum habeo, cum uſto, tum
 etiam crudo veteres chalcantio uſos fuiſſe .
 Nam Gal. qui frequentiffime chalcantum
 uſurpat in componendis medicamentis, &
 interdum chalcantum uſtum commemorat,
 alias chalcantum ſolum abſque adiectione,
 vt videre eſt lib. 5. de compoſ. med. per ge-
 nera

- 2^a nera cap. 14. & lib. 3. catatop. cap. 3. hoc non inconlulto feciffe exiftimandum eft; fed vt indicaret cum vltum, tum vero crudum, vlturpatum chalcanthum in conficiendis medicamentis: alias fi vltio femper vltus fuiffet, frustra locis citatis fuiffet monitum, vltum nonnunquam admifcendum chalcanthum.
- 3^a fed eft clarius locutus ipfe Gal. 4. catatop. cap. 4. vbi in astringentium ordine chalcanthum reponit, & multo moderatius reddi, fubiecit, vltum, & lotum, vt infinuaret, & vltum, & crudum apud illum chalcanthum vlturpari. quod ipfum dilucide eiuſdem oratio demonſtrat lib. 4. de compoſ. med. per genera cap. 5. diſtinguentis facultatem chalcanthi ignem non experti, combuſti, & loti, quæ ſane diſtinctio, & animaduerſio inanis fuiffet, ſi combuſto ſolummodo ſeniores vlti fuiffent chalcantho. Et accedit Gal. eiuſdem
- 5^a teſtimonium lib. 5. meth. cap. 4. aſſerentis, ad cruſtam efficiendam chalcanthum vltum, & crudum valere. Quibus clare infinuauit crudi vitrioli vltum minime illum abhorruiffe.
- 6^a ſe. pari conſilio Paul. lib. 7. cap. 13. cum de aridis medicamentis orationem exorditur, non longe ab initio, in reprimentium ordine atramentum ſutorium reponit ignem non

non expertum, & paulo inferius quo loco de medicamento flauo loquitur, ad illud conficiendum inter cætera medicamina, dragmas viginti atramenti futorij vsti admiscendas consulit. Ex quo certiores reddimur vsum, & crudum vsurpasse veteres chalcanthum, non autem combustum solum, vt docuit Minder. quibus pugnancia tradidit cap. 6. lib. cit. cum Dioscor. laudat auctorem, qui vitriolum crudum vsurpauit, apud illum hæc legantur. Dioscor. vitriolum crudum assumptum pro necandis ascaridibus probat; illudq. commendat his, qui fungis venenatis pasti sunt. Sic ille. Veritas enim, quæ tractu temporis suum semper locum sortitur, compulit virum fateri, crudo etiam veteres vsos fuisse chalcantho.

Sed hæc missa faciamus, & propositam quæstionem enodandam prosequamur. Porro si ex Minder. quæramus mitius ne fiat, an violentius vitriolum dum comburitur: hic cap. 2. & 6. lib. cit. in eam sententiam inclinasse visus est, vt violentius fiat, quando combustione venenum effici notauit, & crudum venenatum adeò non esse. Quamquam cap. 10. obijcientibus vitrioli vim, chymica præparatione exaltari, & intendi; respondet

deducit
ipsum in
contradictionem.
7. ex Aluer
suo

per quæstionem

sententia Minder

deducit ipsum
in contradictionem

nescire illos quædam mineralia vſtione miteſcere; aliqua vero exaſperari, & acria euadere. Quæ argumenti ſolutio, nullam fortiretur efficaciam, niſi chalcanthum in eorum mineralium numero reponendum concedat, quæ vſtione miteſcunt. Sed viri huius narrationes ſilētio donemus, & ex Gal. quæſtionem proſtigemus, qui loco proximè citato lib. 4. de compoſ. med, per genera eam ſententiam ſecutus eſt, vt atramentum ſutorium omnino mitius reddatur vſtione. Eius etenim verba hæc traduntur; nulli dubium eſt mitia pharmaca mihi dici diaphrings, ſarcocollam chalcitidem vſtam, item combuſtum æs, eruginem, & chalcanthum, quæ ignem non expertia acria omnia ſunt: combuſta moderata, lota poſt combuſtionem leuia, mordicacitatique fiunt expertia: quibus famulantur, quæ decreuit Auic. lib. 2. tract. 1. cap. 5. cum voluit inter cæteras, eam ob cauſam medicamentum aduri, vt frangatur acuitas illius. hocq. atramenti exemplo, & colchotar ſ declarat. quibus vſus eſt tanquam renotiſſima, vt chalcanthum aduſtione mitius reddatur.

Obiectiones At ſubcreſcit dubium quanam id ratione contingere quærat. ſiquidem Dioſcor. lib. 5. cap. 78.

cap. 78. expedita tractatione de chalcantho
 chalcitide, misy, melanteria, & sory subie-
 cit, hæc omnia cruda remissiora esse, com-
 busta vero viribus efficaciora reddi; quibus
 docuit vstione violentius, non mitius effici
 chalcanthum: & astipulatur Halliab. lib. 2. 2^a
 pract. cap. 47. vbi in eam opinionem euectus
 est, vt cholcotaris subtilitas vstione augea-
 tur. & adurendi efficacia fortior fiat. accedit
 ratio. quoniam vt Arist. auctor est lib. 2. de 3^a
 part. anim. cap. 2. adusta ferè omnia aliquid
 acquirunt caliditatis: namquè feruore nimio
 cum exaruerint aliquid caliditatis relictum,
 continent; in quam sententiam est locutus
 Gal. lib. 2. de compos. med. per genera cap. 2. 4^a
 cum voluit, combusta omnia ignis commer-
 cio nonnihil mordacitatis (quæ est calidita-
 tis argumentum) proseruare. Quibus ex om-
 nibus deducendum videtur, eo quod com-
 busta caliditatis quippiam acquirunt, atra-
 mentum quoque sutorium vstione seipso ca-
 lidius, fieri, & ex consequenti violentius non
 mitius reddi.

Pendet dubij solutio, ex ijs quæ Gal. habet
 lib. 9. de simpl. cap. 1. dum asseruit, acris
 caloris multum amittere adusta; quæq. eius-
 modi nō sunt assumere. & confirmauit Aetius

resp. ad
 obiectiones.

lib. 2. cap. 1. & 78. de chalcitide in hunc modum edisserens . quæ natura acria sunt , vsta mitiora sunt ; reliqua acriora . Itaque atramentum sutorium in acrium medicamento-
rum ordine, quoniam locum sortitur, mitius effici rationi consentaneum est . Cæterum
distinctio
combustio-
nis aliqua habenda est etiam combustionis di-
ad tri-
stallia
stinctio . Nam vt mitius fiat chalcanthum ,
ad perfectam calcinationem perueniat opus
est. Metallica enim dum præparantur ad sic-
candum sine vllo morfu (Gal. teste 4. de com-
pos. med. per genera cap. 6.) coquere diutius
oportet . Ex hoc etenim mitiora redduntur.
Si vero ita comburantur, vt ad assationem
perueniant quam chymici appellant rube-
factionem , violentiora fieri necesse est . In
quam sententiam loquutum arbitror Diosc.
& Halliab. dum voluerunt, illud viribus red-
di efficacioribus combustum . quamuis vsta
caliditatis aliquid semper acquirant : nihilo-
minus in ijs quæ acria sunt (quale est chal-
canthum) calidarum partium plus consumi-
tur , quam ignitionis , seu empireumatis ac-
quiratur . Vnde sequitur , vt ad perfectam
calcinationem redacta , & si empireumatis
quippiam adipiscantur, mitiora tamen se ip-
sis reddantur .

Oleum chalcantinum quo artificio fiat,
quæq. illud propinandi sit dosis.

Cap. IV.

Sublimandi artificium antiquis ignotum,
subodoratum fuisse Aristot. 13. publ. 6.
opinatus est Merc. suis ad lib. 3. acut. com.
ment. tex. 37. quæ viri assertio vt probatio-
ne caret, sic de sublimatione auctores Ara-
bes clarius locutos in confesso est. Etenim
Auic. f. 2. p. sum. p. doct. 2. cap. 15. sublima-
tione, ac destillatione aquas prauas rectifi-
cari dixit; & f. 6. 4. t. 2. cap. 2. & 9. argenti
viui, & arsenici sublimati meminit. at clario-
ra apud Mesuem habentur testimonia, qui-
bus in locis de rosa edisserit, deque absyn-
thio, de oleo iuniperi, & philosophorum
oleo loquitur. Verum hoc artificium ad cul-
men perduxere Arabibus posteriores, à qui-
bus oleum vitrioli conficere fuit inventum,
de quo agentes, non omnium placita recen-
sere operam dedimus: sed non nullorum
conficiendi modum, tanquam exemplar ap-
ponere, vt ex eo artificio facultates illius,
quantum destillandi ars, patitur, venari
possimus.

an subli-
maretur
anquis

55 *526* *modus* Ambrosius Paræus lib. 26. cap. 16. Oleum
 vitrioli in hunc modum conficit. Cape
 vitrioli libras decem, quas in pollinem reda-
 ctas fictili include, carbonibus candentibus
 impone, vt calcis consistentiam adipiscatur.
 quod, tum contingit, cum rubescunt: post
 quinque vel sex horas, cum fictile refrigerit,
 confringetur: rursusq. chalcanthum in
 pollinem comminuatur, vt iterum in calcem
 eat: idque tamdiu, & toties iterabis quoad
 perfectè calcinatum apparuerit; nempe cum
 exactè rubuerit: tum igitur denuo in polli-
 nem redigetur, & in retortam figulinam im-
 mittetur ei similem ex qua aqua fortis elici-
 tur, addito in singulas chalcanthi in calcem
 excocti libras signini lateritij quartarium
 vnum. Hinc retorta excipulo suo instructa
 imponatur fornaci, reuerberationis igne
 flammante semper suscitato, ideoq. per spa-
 tium quadraginta octo horarū plus minusuè,
 pro aquæ stillantis modo, & copia. Destilla-
 tionem vero tum perfectam intelliges, cum
 excipulus natiua perspicuitate nitere cepe-
 rit, haud iam plenus spiritibus vaporosis,
 quibus quamdiu humor stillat oblitus est sub-
 albicat. Quod vero ad excipulum attinet,
duo tibi sunt notanda, Primum vt magnus
 sit &

fit & valde capax : ne scilicet confertim affluentium vaporosorum , spirituum copia distendatur , & rumpatur , vt non raro contingit . alterum vt in cupa frigida aqua plena collocetur , ne si nimium incalescat dissoluatur , & diffringatur .

De oleo vitrioli conficiendi artificio in 25
hunc modum loquitur Fallop. lib. de caut-
rijs cap.4. Vitriolum in olla exuritur in fornace donec rubeum reddatur , tunc refrigeratum molitur in mortario , deinde in cucurbita vel pomo vitreo optime luto sapientum , incrustato (hæc sunt vasa quibus quandoq. vtuntur Chymistæ) in furno chymistarum , quem vocant de reuerbero , ponitur . Additur ignis primò lentus , non ex carbonibus ; sed lignis opportunis primò tenuioribus , deinde solidioribus , donec omnis humiditas sicce-
tur : quod notum erit si deterfum gladiolum
& siccatum ori cucurbitæ appones : nam si adhuc humiditas exalat superficies gladioli humida reddetur : si siccatum erit , sicca & ipsa permanet : tunc apponatur recipiens vas dictum optimeq. rimæ stipentur . Ignis au-
geatur , vt fumus & spiritus ex chalcantio in recipiens transmittantur : & cum egredi ceperit spiritus , statim recipiens est regen-
dum

dum linteo aqua frigidissima madēte, & cum
 siccatum fuerit replicandum donec egredi
 desierit spiritus. Potest etiam dimitti vsus
 huius lintei madentis, si timemus ne vas re-
 cipiens ob tenuitatem frangatur. Quare
 huius rei loco nos exigemus furnum in loco
 humido, & subdiū, vt ambiens aēr finē fra-
 cturæ periculo illud agat, quod linteum age-
 ret, ac spiritus denset ac cogat. Tunc aufe-
 rendus est ignis, dimittendo omnia, vt re-
 frigerentur: deinde summa diligentia disjun-
 genda sunt vasa, & oleum colligendum.

3 Vidius Senior lib. 8. de med. cap. 12. hanc
 præscribit conficiendi illud rationem. Acci-
 pito vitrioli Romani quantum volueris, vasi
 vitreo luto obducto inditur, ex igne phlegma
 destilletur, deinde illud eximatur, contun-
 daturq. & phlegmate rursus perfundatur,
 idemq. euocetur, vt antea vsque dum nihil
 amplius emanet, & spiritus persiliant, postea
 ab igne remoueatur, & calx rubicundam in
 puluerem redacta, vel per se sola, vel laterum
 frustulis adiectis, ampullæ incuruatae, impo-
 natur, & vase amplo quod excepit adapta-
 to, commissurisq. diligentissimè luto obfera-
 tis noctu dieq. luculētissimè igne vrgendo oleū
 destilletur. Vbi omnia refrixerint, totus li-
 quor

quor eximatur, infundaturq. ampullæ vitreæ, vt ex arena calida primum aqua insipida, deinde acida, acrisq. quam oleum appellant, separetur purgeturq. à sedimento.

Operam dedit Querc. docere quo artificio oleum è vitriolo eliciendum sit, in suo sclopetario, circa libri finem, in hunc modum scribendo. Vitriolum contusum imponatur in cucurbitam, & subijciendo ignem secundi gradus exhibit aqua acida quæ phlegma vitrioli dicitur. Recipe feces siue caput mortuum quod residet in fundo vasis, quod colcothar dicitur: ipso contuso silices permiscueris igne violentissimo oleum rubicundum emanabit. Fiet etiam cum simplici colcothere pulso igne violentissimo, trium dierum spatio: ac prodit oleum feruentissimum, quod dulcificatur circulatione, cum vini spiritu tartarificato.

Libeat denique Minder. audire cap. 9. lib. de chalcant^{ho} hæc dictantem. Sumito colcotheris ad rubedinem exusti quantum volueris, id in parua frustula diffractum, vel grosso (vt loquuntur) modo puluerizatum. Cæterum si in tenuem pollinem redigatur, non ita prompte succedit negocium) in retortam capacem ac amplam, ex optima terra figulina con-

na confectam , quæ vim ignis sufferre queat ,
 intusq. vitreatam , inde adiectis frustulis co-
 ctorum laterum , qui vna cum colcothere
 hoc igniuntur : cauendum tamen ne retorta
 ultra tertiam partem repleatur , huic amplif-
 simum vas recipiens applica , luto philoso-
 phico , aut pasta hermetica ex albumine oui ,
 calce viua , scoria ferri , bolo armeno , sate ,
 argilla , glutine dissoluto , & similibus con-
 fecta rostro retortæ tenaciter agglutinato :
 deinde igne aperto à secundo caloris gradu ,
 ad intensissimum vsque , & extremum oleum
 colcotheris vrge , cauendo ne recipulum
 rumpatur , aut fissum diffiliat , ignis hunc in-
 tensum gradum largo tempore protrahere ,
 vsque dum nihil amplius olei stillare , vel fu-
 mosi vaporis in excipulum euomi notaueris .
 Tum vero in vtre vasis recipientis oleum
 habebis vitrioli perfectum , illudq. acidissi-
 mum , quod , vt à fecibus repurgetur , cucur-
 bitæ inditum ex arena calente per alembi-
 cum pellatur , & sic reddatur prius : quod
 enim in fundo remanet chymicis magis vsi-
 bus ad metallorum opera deseruit , tu nobile
 illud quod alembicum transcendit in vsum
 medicum reserua , ac eo fidenter vttere .

Hos , & simillimos tradunt auctores oleū
 ex chal-

ex chalcantho conficiendi modos, illudque. ^{2^m de dosi}
 cum deuorandum censent, à tribus, ad sex
 vsque guttas propinant. Pondere, quam
 mensuram definijt Claudin. lib. 2. de ingressu
ad infirmos sect. 2. cap. 19. vbi scrupulum il-
 lius medium præberi dixit, & adiecit dosim
 augendam pro maiori, & minori materiæ le-
 sione: vnde cap. 28. sect. eiusdem à scrupu-
 lo medio, vsque ad scrupulum integrum præ-
 bendum dixit. A quo non recessit Merca-
tus, cum lib. 3. de morbis inter cap. 16. ileo
 laborantibus vsque ad scrupulum vnum pro-
 pinari posse asseuerauit,

Oleum chalcanthinum an sit calidum,

Cap. V.

A Deo figmentis inuoluere Chymici oleū
 chalcanthinū, vt ad frigidam tandem
 temperiem perduxerint, acriter contendendo
 non illud calefacere, sed omnino refrigera-
 re. Inter quos est Querc. in suo pestis ale-
xicaco cap. 3. Minder. vero lib. de chalcanto
cap. 10. causticum quidem, & summe cali-
 dum esse profitetur, attamen diuersimode
 accommodatum, & debite correctum maxi-
 mopere refrigerare: quippe qui paulo ante
 tradiderat refrigerare cum infrigidantibus,
 & cum

*Quercus
 scabra
 Minderer*

& cum calefacientibus calefacere. Qua in parte Ioannem Cratonem secutus videtur, qui, vt loco præallegato Querc. memorat, illam sententiam secutus est, vt oleum vitrioli cum refrigerantibus datum refrigeret, cum calefacientibus calorem augeat. Sed rectius, me iudice, ij locuti sunt, qui oleum chalcantimum calidum esse decreuerunt. Cui sententiae inhaerisse Manardum opinor, dum lib. 18. Epist. 2. in oleo vitrioli vim igneam inesse, arbitratus est, qua procul dubio caret, ni illud esset calidum. Confirmat hanc opinionem Vidius Senior de cur. gener. part. 2. lib. 12. cap. 10. cum inter septica medicamenta, pro debellandis strumis, oleum atramenti sutorij reponit. Septica vero, seu putrescentia medicamenta in calore excedere, testis est idem Vidius lib. 1. de med. cap. 15. quare, cum septicum faciat oleum chalcantimum, illud quoque calidum esse omnino profitetur. Quibus cohærent quæ idem auctor perhibuit, cum lib. 12. de morb. gener. cap. 3. adurens medicamentum esse illud confessus est necnon adurentia medicamenta, vehementer calida testatus est lib. 15. cit. operis cap. 11. adeo vt, quia adurens est medicamentum, calidum quoque esse, ex illius

senten-

apparent
confirmu
tiones pa

2^a

sententia decernendum sit. Fert suffragium
Hyer. Capiuac. lib. 1. meth. cur. corp. affect. 3^a
cap. 43. vbi nactus occasionem de causticis
dicere, quæ calida esse comprobat, in ea
classe oleum chalcanthinum reponit. Asti-
pulatur Mercur. lib. 1. de compos. med. c. 20. 4^a
quo in loco oleum vitrioli, adeò calidum esse
affirmat, vt etiam exurat. Ab hac senten-
tia ne latum vnguem recessit Fallop. cum
lib. de cauterijs cap. 3. oleum sulphuris di- 5^a
xit, & vitrioli vehementissime igniuntur, &
comburunt. & cap. 11. eiusdem lib. in catha-
logo medicamentorum calidissimorum, idem
oleum reponit, vt comprehendamus non
tantum calidum illud esse. sed summe cali-
dum. & suam hanc sententiam repetit lib. de
vlceribus cap. 13. de causticis medicamentis
verba faciens, quæ calida statuit in quarto
gradu, eaque distinguit in escharotica, se-
ptica, & chateretica: & descharoticis rursus
orationem exorsus, vitrioli oleum collocat,
certo sciens illud summe calidum esse. ad hæc
Card. interpretes aphor. illius postremi, quæ- 6^a
cunque medicamenta non sanant, ea ferrum
sanat: quæ ferrum non sanat, ea ignis sanat:
quæ ignis non sanat, incurabilia existimare
oportet. Ignis nomine, vel ignem ipsum in-
terpre-

terpretatus est, vel quod igneam habeat ca-
 liditatem: cumq. ea recenset medicamina,
 quæ potentia caliditatem igneam sortiuntur,
 oleum vitrioli ~~et~~ commemorat, vt significet
 caliditate ignea illud præditum esse, & cali-
 dum esse, idem auctor testatus est, ~~dicitur~~
dum primo de venenis cap. 19. chalcanthinum
oleum calidum venenum esse arbitratus est.
 Opinionis eiusdem auctorem laudare est Lu-
7^a douicum Mercat. quando operum suorum,
romæ tract. 1. lib. part. & class. 3. quæst. 211. olea
recensēbat, quæ thoracem calefaciunt, & in
eo censu vitrioli oleum connumerat. & lib. 1.
de morb. inter cap. 13. apoplecticis vtilia af-
ferens præsidia, cum ad eam partem perue-
nit, quæ adimpletur vi pollentibus calefa-
ciendi, & exiccandi, vitrioli oleum affert, &
lib. 3. operis eiusdem cap. 16. inter cætera,
oleum vitrioli præsidium censuit, quo pitui-
ta diffecari possit. quæ quia caloris opus sunt
omnia, & chalcanthino oleo perfici posse,
opinio est, argumentum præbent, illud cali-
dum esse. Claud. denique lib. 2. de ingressu
8^a ad infirmos sect. 2. cap. 27. vbi decreuit
escharotica calidissima esse medicamenta, &
finem quartæ gradus attingere, in eorum or-
dine sulphuris oleum, & chalcanthi reponi,
 dixit.

dixit . adeo vt , nobilium medicorum testi-
monio fulti , vitrioli oleum calidum esse ,
affirmare possimus .

Ratio etiam non ignaua demonstrat, chal-
canti oleum calidum esse . Enimuero citra
controuerfiam istud causticum est , quæ ca-
lori soli debetur facultas . In quam senten-
tiam sect. vlt. canticæ num. 46. dixit Auic. *conuer-
ra prepo*
omnis medicina vstica est magni , & fortis
caloris , & vltimæ grossitie : & astipulatur
Halliab. lib. 2. Pratt. cap. 17. *2^o* conburentia
medicamina, inquit, sunt quorum est in vl-
timo caloris cōplexio. & famulatur Auerr. 5. *3^o*
coll. cum de causticis verba facit , istæ , per-
hibens , medicinæ debent esse in fine calidi-
tatis cum grossitie, & tunc facient opus , quod
facit carbo . Igitur Mesues dans præcepta
theor. 1. quibus medicaminum temperiem *4^o*
dignoscere possimus , vbi ad summe calida
peruenit, hæc, inflammatione, & vstione cau-
terij modo discerni, memoriæ mādauit : adeo
vt compertum sit, ex auctorum iam deducto-
rum sententia , quæ caustica sunt medicami-
na, quale est chalcanthinum oleum , eadem
summe calida esse . Quam sententiam Gal. *5^o*
ipsum secutum persuasum habeo , dum lib. 5.
de simpl. med. cap. 15. vrentia, à non vren-

tibus medicamentis, caloris excessu distinguit: & confirmavit vstionem caloris opus esse lib. 4. operis eiusdem cap. 19. quando scribebat. Ad acres orationem vertamus, ac primum exacte ipsos calidos dicimus, deinde exedentes, vrentes, crustam molientes, ac denique etiam colliquantes. eosque omnes, vel cuti impositos esse huiusmodi. Quibus consona posteritati scripta reliquit Aetius lib. & cap. 1. vbi gradus calefacientium medicamentorum recitans, tertium, inquit, qui fortiter calefaciat, non dum tamen vrat. Post hunc quartum, & vltimum, qui vltterius est. & paulo inferius; rursus, ait, in calidis anhetum fœnu græcum primo ordine ponamus, in secundo, quæ secunda apparent, ita & tertia, & quarta, donec ad vltiora deueniamus. Annuens cum ad vltiora ventum est, vltimum caloris gradum affecta, medicamenta. Quam suam sententiam repetijt lib. 2. cap. 119. cum dixit, omnia quæ caustica appellantur, quarto ordine calefacere. Ergo illius opinionem non facile admiserim, qui docere conatus est exiccantis facultatis opus esse, combustionem, quæque potentia vltiora sunt siccitate sola, quemadmodum, quæ actu, vt ignis, comburere, namq.

+ vltiora
+ vltiora

+ vltiora
+ vltiora
+ vltiora

+ vltiora

namq. vti probatum est medicamina caloris
 vi comburere ; ita quæ energia comburunt , ^{62 phus}
 vt ignis , vi calefacientis qualitatis exurere ;
 testem affero Arist. qui lib. 2. de ortu & inte-
ritu t. 21. scribebat , est ignis caloris exces-
 sus , veluti glacies frigoris . nam congelatio
 & vstio excessus sunt ^{illa} quidem frigoris , ~~ille~~ ^{hæc}
 vero caloris . & comprobat hanc veritatem .
Arist. eiusdē elocutio prima problematū 56.
 dilucide asserentis calorem ambusta facere .
Itaq. lib. 2. de part. animalium cap. 2. ex mul-
tis distinctionibus quas affert ad declaran-
 dum , quo pacto vna res , alia calidior dica-
 tur , inter cæteras hanc affert , vt amplius
 vrat , quod per se calidum est , vt flamma ,
 quam aqua feruens . quibus consensunt , quæ
 memoriæ mandauit 3. probl. 25. cum exara-
 uit , nihil prohibere rem eandem ex contra-
 rijs causis effici , dummodo eodem modo nō
 agant ; sed diuerse , vt e. g. inquit ille , vritur
 à gelu , & à calore . Quo in loco prætermi-
 tendum non est , monitum ab Arist. diuersi- ^{remedium}
mode à frigore , & calore effici vstionem :
 quoniam ipse calor primo & per se adurit ; fri-
 gus vero methaphoricè & improprie , quod
 inter ceteros indicauit Cagnat. lib. 1. variar. ^{2a}
obser. cap. 6. dum scribebat . Vri herbas à
 D 2 frigo-

frigore dixerim non propriè (esset enim pro-
quibus modis
frigus adiu-
 prie si à circumstante frigore calor augere-
 tur) sed translatione propter euentus simili-
 tudinem: quoniam vel alimento transirum
 prohibendo (quamobrem necessum est calo-
 rem marcescere) vel calorem ipsum extin-
 guendo frigus ita herbas arefacit, sicut ignis
 auctor vstionis proprius consuevit. Neque
Aristotelicæ sententiæ se opponit Gal. 1. de
occurrit
obiectioni
simpl. cap. 18. quasi voluerit escaræ genera-
 tionem non effici à calore ignis sed ab alia
 facultate; quæ non est nisi exiccans: adeo
 vt adurendi potentia à ficcitate pendeat,
 non à calore. Gal. ipsius verba hæc tradun-
 tur. Neque sanè ignis ex sua ratione, aut
 quod calefaciet ipsum sistere potest: verum
 idcirco, quia cum vrat, quæ contigerit quod
 exustione reliquum est operculum subiectis
 partibus relinquat, id quod Græcis appella-
 ri consuevit escara. Hæc ille. qua oratione
 minime substulit vstionem à calore ignis: sed
 explanauit caloris opus non esse sanguinem
 sistere, qua de re illi sermo erat, sed crustæ,
 seu escaræ ab vstione prouenientis, quæ oper-
 culi instar sanguinem fluentem reprimit.
 Liquet ergo ex his calore nō ficcitate ignem
 adurere: Enimuero vt Halliab. tradebat lo-
 co an-

co antea deducto, ignis si semel obuiet cor-
pori vrit fortitudine sui caloris. quæ omnia,
cōfirmavit Iacob. de part. f. 2. 1. sum 2. doct. 2. 4^a
cap. 1. cum protulit, adustio fit à sola extrin-
seca vehementi caliditate, & ideo est motus
merè violentus. Hoc sibi voluit Petrus Ap- 5^a
ponensis conciliatoris sui differ. 15. cū adu-
rere caloris opus esse dixit: Igitur medici de
cauterijs agentes, vstionem calori referunt,
non siccitati. Hoc indicauit Vgo Senens. 6^a
f. 4. 1. cap. 29. apud quem scriptum reperitur.
cauterizatio, quæ non est aliud quam vehe-
mentia calidi, est duplex. quædam fit à cau-
terio actuali, quædam potenti. Vnde cum 7^a
Petrus Apponen. citati operis diff. 208. de-
creuit cauterium fieri ex medicamentis po-
tentia vstorijs calidis, & siccis in quarto ma-
xime gradu, adurens facultas non exiccanti
qualitati referenda est, sed calori ipsi, cui
exiccans facultas copulata sit. Hoc visus est
indicasse Gal. 5. meth. cap. 3. cum perhi- 8^a
buit, escaram efficiunt tum ignis ipse, tum
quædam medicamenta, quibus vis ignea
inest. at ignea vis non siccitate sola, nec ca-
lore solo efficitur, sed ambabus simul copula-
tis qualitatibus, quamuis adurendi efficacia
à calore potissimum pendeat, cuius actionem

contemplati auctores, ab hac proficisci adu-
 stionem protulerunt, siccitate omiſſa. & quā-
occurrit *obiectioni* quam Gal. lib. 5. de simpl. cap. postremo quæ
 summe ſiccantia ſunt medicamina adurere
 dixit, ſic perhibens. nullum inuenire eſt quod
 quarto ordine exiccet, quod non etiam vrat.
 Attamen locus ille hunc ſortitur intellectum,
 vt caleſcientibus medicaminibus in quarto
 gradu nonnunquam copuletur ſiccitas ſum-
 ma, & in gradu quarto pariter, aliàs remiſ-
 ſior, & in gradu tertio: cumque calori iun-
 gitur ſiccitas ſumma, & in gradu quarto adu-
 rere illud ſit neceſſe; vbi vero hanc remiſſio-
 rem obtinet, neceſſario iſtud non contingere.
comprobat quod ſenſiſſe Gal. admonet Iacob de part.
f. 2. 1. ſum. 1. doct. 2. cap. 15. hæc ſcribendo.
 Inter medicinas ſiccas nulla reperitur ſicca
 in quarto, niſi ſua ſiccitas coniuncta fuerit
 caliditati adurenti, ſed in tertio gradu ſiccæ
 plures inueniuntur non aduſtiæ. iuxta illud
 Gal. vbi ſupra, caput enim iſtud Gal. quod
 præ manibus examinandum habemus, ſu-
 pra attulerat.

obiectioni Verum obijciunt nobis acetum, de quo
Archigenes apud Gal. 8. de compoſ. med.
ſecundum loc. cap. 4. ſic ſcriptum reliquit,
ſpongiam acerrimo aceto imbutam pedibus,
 ac brac-

ac brachijis imposito, vsque quo bullæ excitentur, præcipue si cibos reiecerint. Excitat enim bullas acetum (deinceps adijcitur) non vt acre, sed vt acidum, immo vt ficcum: sapor enim solum gustum mouet. Explanare scilicet operam dederunt, acetum dum bullas efficit non alia qualitate, quàm exiccante illas excitare: quamobrem iure optimo ad ficcitatem vsus referenda est, non ad calorem. At notabam ipse de Galen. sententia *respo* mixtas in se partes acetum continere, quarum nonnullæ frigæfaciunt, calfaciunt aliæ. *de acri qualitatib;* Et quemadmodum mixtas partes ex calefacientibus, & refrigerantibus sortitum est: pari ratione compositum habet saporem ex acido, & acri conflatum, vt Gal. ipse innuauit 4. de simpl. med. cap. 3. *composo* dum tradebat, acetum ad vnguem vnum non est, neque tantum acidum, sed alium quendam saporem acrem admixtum habet. Qui eo quod caloris soboles est, vbi is inest, acris sapor, coniectandum est, caliditatem quoque inesse, quemadmodum Gal. ipse affirmauit in calce cap. cit. in hunc modum scribens. porro vbi mixta tibi qualitas appareat cum acrimonia, coniectandum est caliditatem quoque inesse: vnde, cum Gal. in aceto acrimoniam

esse fateatur, calida facultate etiam præditum apud illum in confesso est. Et hoc ipsum

confirmatio
aliter

asseuerabat clarius cap. 3. lib. 4. de simpl. cū dictabat, aceto acrimoniam quandam ex calefacientem inesse. & 2. catatop. quo loco de ijs fermocinatur, quæ Apollon. proponebat ad capitis dolorem ex ebrietate, eo nomine aquoso magis, quam acerrimo aceto opus esse significabat, quoniam quod acerrimum est caliditatem aliquam in se complectitur.

admonitio
de specie
aceti

His adde, posse acrimoniam aceti adeo augeri, vt maiorem caliditatis quam frigiditatis gradum complectatur. Quod appositè expressit Matthiol. lib. 5. in Diosc. cap. 13. cum perhibuit, fieri potest vt reperiat acetum adeo vetustate acerrimum. vt plus habeat caliditatis, quam frigiditatis. Agnouit, vt opinor, etiam Arist. frigiditate maiorem caliditatis gradum sortiri posse acetum, vbi 33. probl. 5. memoriæ mandauit, singul-

compositio
nes aliter

tum idcirco sedari aceto, quia humor circumstans, ac prohibens eructandi licentiam in spiritum, per vim aceti calefactoriam extenuatur. Et clarius expressit probl. 17. sect. eiusdem, cum dixit; Vis aceti calefactoria est. Acetum ergo quamuis partes sortitum sit, frigefaciendi potentia præditas, calefaciendi

alia

ciendi etiam facultate fultum est, & cum acido acrem saporem admixtum habet . Quæ verò acria sunt illa adurere , testem affero

Gal.4. de simpl. cap.18. vbi cum declarasset, acres sapes omnes summè esse calidos,

subiecit, terminum saporis acris esse combustionem . & perbelle confirmavit lib.9. de

simpl. chalcithis exemplo , quæ & si astringendi vim admixtam habet cum acredine,

nihilominus quia illud , quod inest acerrimi superat, merito etiam comburit, escharamque efficit .

Itaq. si acerrimi facultates aceti contemplerur , quo opus esse dicebat Archigenes ad ampullas efficiendas, caliditatem exuperantem compræhendemus : quæ, vbi acimoniam habet adiunctam (qua sanè non caret acetum, & si acidum sit) cum partium tenuitate, pustulas inducere valet : quarum efflorescentia non in siccitatem est referenda , sed eius caliditatem , tenuitati partium copulatam .

Caustica igitur vis quæ chalcantino oleo inest , illius demonstrat summā calefaciendi potentiam . & rursus eam declarat si perscrutati fuerimus secerni illud in destillatione

(quod est commune oleis quam multis arte Chymica elaboratis ex mixti parte calidior-

re, &

subiecit
testem affero
Gal.4. de simpl. cap.18.

exemplum

summa
respondens
omni

applicatio
proposita

ratio
causæ

confir-
matio-
ne

2^a

3^a

ap-
p-
p-
p-

re, & magis ignea. Quam veritatem nos do-
cuit Vidius lib. 3. de med. cap. 8. dum fatur.
in ijs quæ crassiora sunt (de destillatione lo-
quitur) exijt primo humor aquosus, qui in
superficie versatur, deinde oleum quod valde
glutinosum requiritur ad connectendum, col-
ligandumq. partes terrenas plurimas, in
quo versantur calidæ partes, atque igneæ,
quas par est vnà effluere. Hinc Ponsettus
p. 2. suæ philosophiæ lib. & tract. 4. cap. 8.
cum de metallis edifferebat, querens, quam-
obrem ex quouis corpore extrahi potest oleū,
nitrum, & aurum: vt rationem reddat; oleum
idcirco extrahi subiecit, quoniam in vno-
quoque reperitur pars vntuosa, & pinguis,
quæ in destillatione liquefacta exit sub forma
olei. Planè calidiorem mixti partem secerni
in oleum chymica arte elaboratum, eaque
de causa illud summe calidum effici, testem
habemus Manar. in suis notis ad Mesu. quo
loco de oleo philosophorum verba faciens,
illud sentire se profitetur, vt olea omnia arte
chymica elicita, adeo excalfaciant, vt ignem
ipsum adæquent, & superent. quod pronun-
ciandum de oleo chalcantino ex eo deduci-
tur, quod vis ignea illi insit, vti ex illius sen-
tentia antea retulimus. Et latè comprobatur
ex eo

ex eo quod cum secernatur illud ex chalcantho, quod admodum calidum est, etiam chalcinatum argumentum præbet, oleum vitriolo ipso esse calidius, & feruentius.

De olei Chalcanthini sapore. Cap. VI.

VT varia auctorum est opinio de olei chalcanthini facultate, pari ratione ad propriam comprobendam sententiam de illius sapore, varias sententias in medium attulere. Enimuero Lusit. enarrat. 74. ad Diosc. lib. 5. vitrioli, inquit, olei gutta in aquis cordialibus mersa acetosas reddit, cum quadam stipticitate. quo significauit acidum omnino saporem inesse illi. quibus consentanea memoriæ mandauit Querc. de med. spagyrica præpar. cap. 9. vbi acerbe in eos inuehitur, qui acrem illi saporem inesse arbitrati sunt, cum potius acidus ille sit. inquam sententiam est locutus Mercur. lib. 1. de compos. med. cap. 17. & 20. dum liquorem acidissimum eum esse testatus est, quem vitrioli oleum appellant. Econtrario noua litterarum commendatione nuper exaratum inuenimus, neque vitriolū, neque eius oleum aciditatem habere, sed acrimoniam, eamq.

non

2^a sententia
3^a
2^a sententia

non vulgarem . cui consentit Cæsalp. lib. 1.
 de metallicis cap. 22. cum perhibuit , hodie
 per destillationem extrahunt liquorem acer-
 rimum, quod oleum vitrioli appellant: à quo
 non discessit Card. cū lib. 1. de venenis c. 19.
 acri sapore oleum chalcanthinum, vti alia,
 nonnulla venena discerni, posteritati scriptū
 areliquit. Alij denique mixtum illi saporem
 inesse arbitrati sunt ex acri, acidoq. conflatum.
 quod indicauit Vidius lib. 8. de med.
 cap. postremo, quo loco acidam acremque
 aquam illud esse testatus est, cui vitrioli olei
 nomen inditum est. à quā sententia, ni fal-
 lor, minime secessit Minder. apud quem præ-
 dictos sapores vitrioli oleum sortitum, hisce
 verbis cap. 9. lib. de chalcantho expositum
 inuenitur. Duo sunt quæ olei vitrioli vsum
 in pulmonis, ac pectoris vitijs dissuadent.
Primum est acrimonia his locis infensa; Se-
cundum est acetositas ijsdem partibus inimi-
ca. & confirmauit cap. 10. lib. eiusdem dum
 scribebat: quid quæso est quod potentius pu-
 tredinē corrigat quam oleum vitrioli? quod
 non vna, sed diuersis qualitatibus eidem re-
 sistit, aciditate nimirum, falsedine, acrimo-
 nia, aperiendi, ac penetrationis virtute. aci-
 ditate, namq. suam bilem domat, ac repri-
 mit.

mit. acrimonia incidit, terget, attenuat. sic ille. Ipse vero ita sensio, vt vitrioli oleo acidus sapor insit acri copulatus. hic vero priore multo obscurior sit. sed statim istud emergit dubium. acidus sapor frigida temperiei est indicium, quem vitrioli oleum cum natum sit acri euentiore, rationem exhibet, illud à prædominio frigidum, non calidum esse. quibus pugnantia paulo ante decreuimus. Argumenti huius hæc est profligatio; nouisse expedit, absurdum non esse, quin imo rebus ipsis consentaneum, nonnulla reperiri, quæ acido sapore prædita calida etiam sint. hoc demonstrauit Auic. lib. 2. t. 1. cap. 3. quo loco cum explanasset, quam temperiem vnusquisque sapor consequatur: errorem interdum hac in re contingere subiecit; adeo vt reperiri queat mixtum frigida temperiei, cuius sapor caliditatem indicet: vti è conuerso, aliud reperiri, cuius temperies calida sit, & nihilominus eo sapore præditum, qui frigiditatem indicet. quamquam hoc rarius contingat: vnde concludit, vt plurimum euenire, vt ea quæ acida sunt frigida sint. contrarium vero, licet rarius, contingere etiam. rationem attulit Auer. 5. coll. cum de saporibus loquitur quo in loco quidam

4a sensu
6a
7a

Obiecti

respo

dam sapes sunt, inquit ille, qui non significant perfectam significationem super natura rei: & hoc potest esse in vna medicina composita ex pluribus partibus, quarum quaedam sunt saporabiles, quaedam insaporabiles. proptereaque non est necesse, ut vnumquodque mixtum sit saporitum, ut probatum est in naturali philosophia. Et si homo vellet iudicare totalitatem medicinae, non posset iudicare per saporem super ipsam totam: sic videmus multa ex gemmis quae sunt insipida, & tamen calida. exarare nempe voluit Auer. eo quod non omnibus mixti partibus sapor inditus est eorum nonnulla reperiri de quorum temperie ex sapore iudicium ferri nequit, eam ob causam, quoniam, exempli gratia insipida cum sint calida etiam sunt, quae eadem ratio aptari potest ceteris saporibus: adeo ut nonnulla extent interdum, quae acido sapore praedita calida etiam sunt. quod ipsum affirmandum esse de chalcanthino oleo nos docuit Merc. cit. cap. 20. cum perhibuit. mirum non est quo modo in chalcanthi oleo, & sulphuris sit maxima illa aciditas, cum tamen constet haec corpora vrere, adeo calida sunt. puto ego acorem in sulphure, & chalcantho innatum esse; sed, ut dicebam, non

perci-

*pyria
terpica
nd.*

percipitur huiusmodi acor, nisi quando per ignem separatae sunt partes terrestres, à succulentis; quo tempore acor ille, cum sit capulatus materiae acri? quamquam non sit multus, appareat tamen multis. Exemplum: si aceto addatur piper, proculdubio aciditas maior est, non alia ratione, nisi quia acrimonia illa piperis magis prodit, & magis manifestat aciditatem, haecenus ille. his adde acri sapore non omnino destitutum oleum chalcanthinum, qui, quamvis acido obscurior sit, nihilominus calidarum partium admixtionem arguit, & ex his calorem effectus ipsi adeò validum, & multum demonstrant, ut cæteras facultates efficacia longe magis antecellat. Vnde fit ut cum acido acriq. sapore calefaciendi potentiam obtineat, & hæc omnes superet.

exemplum

conclusio

An chalcanthum, & illius oleum sint venena. Cap. VII.

Chalcanthum iure merito inter venena collocandum, non ignobilis ratio ex Gal. deducitur, quando 13. meth. cap. 20. corruptrice facultate præditum esse testatus est, in hunc modum scribens; Neque absolute,

conclusio

p. 2. p. 60

lutè, si astringere incipientem phlegmonem
 est opus, quodlibet adstringens in ijs, quæ
 deuoranda sunt, adhibemus, sed ea, quibus
 nulla corruptrix admixta vis est. nam chal-
 canthus inter præcipua astringit, sicut etiam
 mysi, & sory, & chalcitis, & dyphringes, &
 æs vstum, & squama aris, & flos. Verum
 hæc medicamenta deuorata noxia. quo cir-
 ca sthomaticis ea admiscere tutum non est;
 defluit namq. ex his aliquid ad ventriculum
 hætenus ille. Hanc noxiam chalcanti fa-
 cultatem exactè contemplati illo posteriores
 medici, apertis verbis inter venena locum
 dedere illi. In quam classem venit Arnald.
 2^a Villanou. & Antonius Guain. eorum libris de
 3^a venenis, quo loco de vitriolo edisserunt; &
 4^a Ponzet. lib. 2. de venenis cap. & t. 4. quibus
 in locis veneficam illius vim declarant, effe-
 ctus & medelam. & confirmat hanc opinio-
 nem 5^a Forest. lib. 3. obseruat. cap. 40. vbi pro-
 pria, & Amati Lusitani obseruatione eorum,
 qui perierunt, vel ingentem ex chalcanto
 accepere noxam, veneficam illius vim de-
 monstrat. Cui non dissimili facultate polle-
 re vitrioli oleum, deprehenditur ex Schenkio
 6^a dum lib. 7. obseru. 218. exitialem illi facul-
 tatem inesse memorat, illudq. inter venena
 repo-

reponit. Et famulantur quæ in hunc modum
perhibuit Card. lib. 1. de venenis cap. 19. ve-
nenum calidum percipitur plerumq. sapore
acri, vt si sit euphorbium, & siliqua inda-
rubra, antequam maturescat, & chalcanti
oleum, & pleraq. ex his. quinimo eodem
cap. cum subiecit venena omnia elaborata,
igne calida fieri, & metallica in naturam
ignis abire, intelligitur chalcanti oleum ipso
atramento futorio violentius reddi, & ex
consequenti illo validius esse venenum. ca-
stiganda ergo illorum opinio est, qui à chal-
canto veneficam facultatem adimunt, le-
uibus rationibus, vt opinor, suasi.

Sed his prætermisissis. subcrefcit dubium, an
chalcantum illiusq. oleum excessu primarum
qualitatum exitiale sit, an potius (vt medi-
ci loquuntur) tota substantia : non ignoro
apud illos magna altercatione quæri, an cum-
cta venena totius substantiæ dissidio venefi-
ca sint, an potius qualitatum excessu : in qua
decernenda, illorum arrisit magis opinio,
quorum sententia est, à proprietate, & tota
substantia venefica esse, & qualitatum exu-
perantiam illorum vim acuere, non ipsa so-
la veneficam facultatem constituere. Nam
& si Auic. f. 6. 4. t. 1. cap. 2. venenorum spe-
cies

7^aquæstio in
question

conclusio

obiecto

cies distinxit in ea, quæ efficiunt (ita ille lo-
 quitur) operationem suam cum qualitate,
 quæ est in ipsis, & efficientia cum forma sua,
 & tota substantia: nihilominus Gentilis loci
 huius interpret, arbitratus est Auic. in am-
 pliore significatione de venenis locutum,
 prout includit omne quod potest interitum
 afferre, cuiusmodi est, exempli gratia, aqua
 frigida, vinum meracum, & huic similia,
 cum proprie venena tota substantia agant,
 & si manifestas qualitates habeant adiun-
 ctas. suadet hoc ratio. Etenim venena ali-
 mentis contraria sunt: quod enim mutatur à
 corpore, & in illud conuertitur alimentum,
 est, quodque à corpore nullo modo mutatur,
 & ipsum mutat venenum est, quemadmo-
 dum latè testatus est Auic. f. 2. 1. sum. 1.
doct. 2. cap. 15. cæterum alimenta nobiscum
 tota substantia conueniunt, & alito tota sub-
 stantia simillima sunt, vt ex Auerr. colligi-
tur 5. coll. cap. 24. ergo venena tota substan-
 tia aduersantur, & perniciem afferunt. do-
cet hoc etiam curandi ratio. siquidem omni
 veneno sua est anthidotus: quodq. magis est
 anthidotus vna cuiusmodi est, exempli gra-
 tia, theriaca venenis cunctis aduersatur, quod
 non nisi totius substantiæ dissidio continge-
 re po-

respo

ratio

confirmat

alia

2^a ratioaddidimus
num

re potest. unde, quia venenis aduersantur,
quæ tota substantia agunt, & ipsam tota sub-
stantia agere, argumento est. Astipulatur
alia ratio, qua obseruamus proprietate hac,
& totius substantiæ agendi potentia non-
nunquam spoliari venena, integra remanen-
te actione, quæ pendet à primis qualitati-
bus. sic persicam arborem obseruamus apud
Persas noxiam esse, & venenatam; in Aegy-
ptum translatam æsculentā fieri, quemadmo-
dum testati sunt Plin. lib. 15. cap. 13. Diosc.
lib. 1. cap. penultimo, & Gal. lib. 7. de ali-
mentorum facult. cap. 36. pari quoq. ratio-
ne scorpiones, vti memorat Arist. lib. 8. hist.
anim. cap. 29. in pharo; locisq. nonnullis
minime lædunt; in Scythia multi & magni, &
nocui sunt. quibus ex omnibus argumentum
efficitur, illæsis facultatibus, quæ pendent à
qualitatibus primis, sola agendi potentia,
quæ à tota substantia proficiscitur spoliatis
venenis, veneficam facultatē exuere. & ideo
apparet non nisi tota substantia exitialia es-
se. Itaq. Auic. lib. 2. t. 1. cap. 4. venenum;
ait, est medicina quæ corrumpit complexio-
nem non cum contrarietate tantum; sed cum
proprietate quæ est in ipso. & lib. de viribus
cordis t. 2. cap. 1. in fine, medicina, inquit,

3.^a ratio

exemplum

+2.

exemplum
alterum.

confirmatio

alio.

quæ propriè appellatur venenum, est illa, quæ corrumpit complexionem spiritus per contrarietatem substantiæ speciei suæ, ad substantias, & speciem spiritus. Non dubito quin hoc senserit Halliab. lib. 2. theor. c. 24.

alia
cum eorum, quæ comeduntur nonnulla reperiri dixit, quæ læthifera sunt medicamina, quæq. corpus immutant, & superant, neque corpus immutat illa, illiq. totalitate substantiæ contraria existunt. Guainer. ergo lib. de venenis cap. 1. nostram confirmando sententiam,

responsio Guaineri ad Auic.
ijs, quæ possent ex Auic. obijci, in hunc modum respondet. Si Auic. & plurimi auctores de venenis tractantes dixerūt, opium, & euphorbium, & plurima alia venena operari à qualitate manifesta. Sciendum quod Auic. & alij sic ponentes, considerauerunt venenum quantum ad specificam formam, qua vna species differt ab alia. & secundum hanc considerationem dixerunt, quod venenorum quoddam operatur, non quod calidum, aut frigidum: sed quod tale, habens scilicet virtutē humanæ vitæ, & sanitati contrariam. Aliud est, quod etsi à virtute, seu à proprietate agat contra hoc etiam agit, quod frigidum, aut calidum, &c. vt opium, Euphorbium, & similia. Et propter hoc orta est

ta est talis venenorum distinctio; hoc est venenorum quoddam operatur à qualitate manifesta, & quoddam ab occulta: cum qua tamen stat, vt patet, quod omne venenum, agat à proprietate. Et latè eidem dubio respondet Mercur. lib. i. de venenis cap. 8. apud quem scriptum reperitur, quod porro dicebatur ex Auic. venena aliqua operari qualitate, aliqua proprietate, id sano modo intelligendum est: siquidem hoc perpetuum debet esse fundamentum, omnia venena operari per proprietatem hanc, & formam specificam: veruntamen interdum contingere, vt hæc forma vtatur qualitatibus eidentibus tanquam organis: interdum vero illis non vtatur, aut saltem obscuro modo, & illud venenum esse hoc vno exemplo liceat intelligere. quia si solæ qualitates nimirum caliditas, aut frigiditas possent absque proprietate specifica naturam euertere, proculdubio id efficerent corpora calidissima, & frigidissima. Vnde cum aqua sit primum frigidorum: cum piper sit corpus calidissimum, necessarium esset, vt interimerent tanquam venena, sed cum hoc minime faciant proculdubio existimandum est, huiusmodi qualitates non posse solas venenum facere: sed ne-

respo. Mercur.
nihil

venenum
non à forma
non à qualitate
nisi, & tunc
ut ponitur
ad rationem

cessarium est, vt sequantur alteram formam,
& proprietatem. Id quod intelligere voluit

confirmat Auer. lib. de theriaca, loquens de venenis
calidis, & frigidis (quod etiam ponderatum
fuit à Gentile loco antea deducto) dixit, hæc
interimere cum frigiditate, & caliditate mi-
rabili, quasi non sola caliditas, aut frigidi-
tas; sed mirabilis caliditas, idest iuncta ad-
mirabili virtuti, hoc efficiat. Ita vt consti-
tutum esse debeat, huiusmodi naturam, na-
turæ nostræ inimicam, esse vim superiorem,
ipsis elementis. sic ille. Decreuere ergo Mer-

*summa
sensu* cur. & Guainer. inter cæteros, venena tota
substantia agere. qui iidem auctores cum
reponant chalcanthum inter venena, vt prior
indicaui citato lib. 1. de venenis cap. 13. &
Guainer. præallegato lib. de venenis, quo ca-
pite de ære viride, & speciebus atramenti
edisserit, fateri igitur opus est, voluisse illos
chalcanthum tota substantia veneficum esse.

confirmat quod ipsum disertis verbis promulgauit Fer-
nel. lib. 2. de abditis rer. caus. cap. 15. qui
cum tradidisset, inter cætera metallica, atra-
mentum sutorium venenum esse, adiecit. in-
super. hæc putant nonnulli sola quæalitatum
exuperantia, priora quidem caustica, vel se-
ptica, idest vrente, vel putrefaciente vi, po-
steriora

steriora vero astringente , & præfocante nobis infensa . proinde non simpliciter venena , sed venenata medicamenta appellari . At quanquã manifestis omnia qualitatibus ob- *conclusio*
sunt , totius tamen substantiæ diffidio nonni-
hil etiam veneni reconditum habeant . huc-
usque Fernel . Liquet ergo venenum esse
chalcantium , illudq. tota substantia infen-
sum esse . quo cum violentius existat illius *corollarium*
oleum , ipsum inter venena collocandum as-
seuerare est .

Admixtione aquarum refrigerantium
vel cæterorum liquorum an chal-
canthini olei vis refringa-
tur . Cap. VIII.

Proposita quæstio isthac à doctissimis vi-
ris in hunc modum definitur . Oleum *determina*
chalcantini nõ nisi gustu refringi posse aqua ,
vel simplicium decoctis , succis , syrupisq.
admixtis . Non enim proportio est inter aquã , *rat. cui*
& hoc acetum minerale (ita appellant liquo- *respondet*
rem quem oleum vitrioli nomenclantur alij) *fr.*
vt fiat actio , & passio , & reactio , quæ requi-
ritur ad perfectam mixtionem , & vnionem :

quo fit, vt oleum vitrioli agere non possit in
 aquam, aliumuè liquorem, & illum in suam
 naturam vertere: & è contrario aqua ipsa
 vitrioli oleum vnquam vertere in aqueam
 humiditatem. Manebunt igitur simul sine
 mutua passione, & actione, cum sint inuicem
 impatibilia. Quibus indicatur in cassum
 aquis, succis, syrupis, alijsque his similibus
 chalcanthinum oleum admisceri, vt malefica
 & noxia vis illius refringatur, atque hebetetur.
 Cæterum, si libeat inquirere quid faciant
 reliqui medicinæ auctores famæ non
 contemnendæ, inuenire est minime repro-
 basse aquarum hanc admixtionem, atque
 prædictorum liquorum oleum chalcâthinum
 propinaturi vulgari ratione ducti, vt opinor,
 vim illius aliqua ex parte refringi, adeò vt
 minus noxium reddatur. Hinc Amat. Lusit.
 enar. 74. ad lib. 5. Diosc. cum cordialibus
 aquis exhibet illud. & centur. 2. curat. 27.
 bibendum porrigit illud cum aqua acetosæ,
 & borraginis. Capiuac. lib. 2. meth. curan-
 dor. corporis affect. cap. 6. sanguinem ex-
 puentibus dat cum aqua plâtagnis, & cap. 7.
 lib. eiusdem cum rosacea aqua propinat ta-
 bidis, & plantagnis ~~succo~~, modico saccaro
 addito, ad penetrationem augendam. Cæ-
 salp.

*Alij
 præter*

p^o

2^o

salp. lib. 1. de metallicis cap. 22. morbos pe-
 stilentes aqua hausta cum eius gutta corrigi
 credidit. Hyer. Merc. lib. 2. de cognoscent. &
 curan. humani corp. affect. cap. 3. in sputo
 sanguinis cum plantaginis aqua, siue rosacea
 propinandum laudat. Heur. lib. de feb. c. 19.
 in pestilentium febrium curatione tum cum
 syrupis, tum vero cum refrigerantibus aquis
 illud hauriendum porrigit. In immensum
 cresceret oratio, commemorando omnes
 quos, consulto omittens, rationes perpenden-
 das assumo: quibus nullo pacto factum erit
 satis, ni illa diluta fuerit quaestio, quæ con-
 tinet, an venenorum actio aliqua ex par-
 te refringi possit. Planè, si à medicamen-
 tis ad venena ratio verri potest, omni procul
 dubio istud contingere affirmandum est. Hoc
 sibi voluit Mesu. theor. 2. cano. 3. cum per-
 hibuit. medicamenti purgantis temperiem
 immodice calidam, vel frigidam, vel humi-
 dam, vel siccam, vel harum coniugatione,
 aliqua noxiam, contrario aliquo valentiori,
 imbecilliore, æquali pro scopis, & indicatio-
 nibus varijs permutamus. & Gal. 3. de tem-
 per. cap. 3. cum declarasset ex medicamen-
 tis, quæ inhæsumuntur, nonnulla esse, quæ
 nisi fuerint admixta ijs, quæ vim retundunt,
 lædere,

3°

4°

5°

questio in
questionep. parva
affirmatio

p. p. p. p.

2a

lædere, nihil miri esse, subiecit, medicamen-
 aliquod adeò calidum esse potestate, vt, si
multum sumatur; & in vacuum; corpus ero-
 dat prorsus, vratq. si vero exiguum assuma-
tur, cum ijs quæ vehementiam retundunt,
 non modo nihil incommodi afferre, verum
 etiam calefaciendo iuuare. quo indicasse vi-
sus est eorum medicaminum quibus facultas
ineducit inest erodendi, retundi, refringiq. posse.
 Sed, ne à venenis discedamus, quorum
 facultatem agendiq. robur retundi, hæbeta-
 riq. posse alexipharmaca declarant, dum ve-
 nenatis morbis medentur, quorum vim ma-
 nifesta, & occulta qualitate refringunt, &
 domant. Dinus ergo Florent. lib. 2. t. 1.
cap. 4. quo loco Auic. ex bezaarticis medi-
4^a camentis nocumentum venenorum expelli,
dixit; ille & manifesta, & occulta qualitate
hoc fieri, interpretatus est, quibus bezaarti-
ca venenis contrariantur. & clarius patet ex
ijs, quæ ipse Auic. t. 3. canticis num. 51. in
hunc modum scripsit. bezaar confert cum,
& immutantis, aut ex sui propria natura.
5^a cuius libri, & loci interpretes Auer. nec non 5.
coll. cap. 23. apertis verbis testatus est, hæc
medicamina venenis aduersari, aut ratione
 prima

primarum qualitatum , vt calidi , frigidi , & his similibus; vel specifica proprietate, quam totam substantiam appellant . In quam sententiam ante omnes locutus est Gal. 5. de 6a
simpl. med. cap. 18. vbi late disputat alexipharmaca aduersus venena adiuumentum asferre , aut alterando vna , vel duarum qualitatum coniugatione , vel tota substantia . quibus apparet venenorum actionem refringi , atque corrigi posse .

Hæc, quæ hucusq. diximus nemo profecto sane mentis inficiabitur . Verum contendet Obiectio
hac potestate refrigerantes aquas , aliosq. liquores haud præditos , vt chalcanthino oleo admixti , illius vim refringant . Cæterum è resp.
conuerso cogitanti mihi Gal. 2. acut. 12. dum interpretatur illa verba, quibus decernit Hip. cum quis medicamentum ebiberit protinus ptisanam sorbendam, memoriæ mandasse, illud commodi præstare ptisanam vt qualitatem medicamenti tum contemperet , tum permutet, posse æquali ratione refrigerantes aquas , succos , & cætera huic similia chalcanthini olei qualitates , tum contemperare, tum vero permutare, si admixta simul assumantur , quod est vim illius refringi ac retundi posse . Sed in promptu est obiectio: intra

vegeta-

resp^o vegetabilium, ac mineralium parem non esse
 rationem. Cui obuiam itur primo in medi-
 camentorum purgantium ordine non nulla
 existere, quæ vegetabilia nō sunt, & nihilomi-
 nus vniuerse pronunciauit Gal. ptisanā me-
 dicamentorū vim permutare, atque contem-
 perare. Secunda responsio est ijs, quæ mi-
 neralia sunt, deuoratis pari remediorum ge-
 nere succurri: quibus negatum est minera-
 lium facultates non refringi. sic Diosc. lib. 5.
2^a cap. 70. potato argento viuo remedio esse,
3^a litteris scriptum reliquit, vinum cum absin-
 thio, aut apij decoctum. & cap. 29. lib. 6.
 quo tempore calx, sandaracha, aut auri pig-
 mentum deuoratum fuerit, cuncta præbenda
 esse præcepit, quæ suo admixtu illorum acri-
 moniam hebetent, ac solutam & facilem lu-
 bricamq. aluum reddant. quæ, protinus de-
 scribens medicamina, cuiusmodi est, adiecit,
ibisci aut maluæ succus. dandum, pergit, de-
 coctum seminis lini, vel semen tragi herbæ,
 vel orizæ lacq. cum aqua mulsa copiosum,
 iura pingua, & boni succi. pari argumento
ga Petrus Apponen. lib. de venenis cap. 8. cui
 propinata fuerit potanda æris scoria, succur-
 ri tradidit, cum alijs remedijs, tum vero in
 potu exhibito succo menthæ: & bezoar il-
 lius.

lius esse, dixit acori succus 3. i 11. pondere,
cum vino austus. Et cap. 14. lib. eiusdem
cenissæ bezoar esse, memoriæ mandavit vini
albi prope ebrietatem austus. Et ipsi chal-
cantio deuorato, nonne pari remediorum
genere opem ferimus? Ponzettus loco antea
deducto curationem traditurus, quæ chal-
cantio debetur, cum deuoratum fuerit, ra-
tione siccitatis, dixit ille, debent dari humi-
da permixta solutiuis, & in quantum acuta,
pinguia. & licet (sic deinceps adiecit) om-
nibus speciebus conferat Mirrha cum pulue-
re cancrorum fluuialium, & vino potenti: dum
tamen percipiuntur punctiones, debent con-
tinuè dari, lac, butyrum, & brodium, & si
quidam dent in potu sanguinem fasiani. Ha-
tænus ille. Quibus ex omnibus docemur mi-
neralia, quæq. ex mineralibus constantur,
succis aquis & his similibus refringi, obtundi,
atque hebetari: alias hæc quæ hucusq. attu-
limus remedia morbis, quæ ex illis pendent
iuuamen non afferrent. quod ipsum chalcant-
rhino oleo contingere aquis succis, & classis
eiusdem alijs admixto, quibus refrigerandi il-
lius efficaciam vis inest, affirmandum est.
Etsi emergat difficultas, refrigerantia cale-
faciendi vim dumtaxat reprimere, quæ chal-
canti-

9^a

10^a

conflantur

intra

canthino oleo inest maxima, non tamen, quæ à forma specifica nocumenta eueniunt, castigare: & proinde hæc, quæ retulimus, minime videntur satis ad refringendam olei chalcantini malitiam. Planè si cui persuasum est omnia nocumenta corrigi olei chalcantini, adeo vt ex admixtione corrigentium reddatur, innoxium longè latèq. ab experientia aberrat. Verum aliqua ex parte eius malitiam retundi, non est omnino negandum. & quanquam ea, quibus admiscetur caliditatem solummodo corrigant, non autem nocumenta quæ pendent à forma specifica. nihilominus sciendum est uti ex Auer. notauit Mercur. lib. 2. de compos. med. c. 11. formas específicas consequi proprias temperaturas, & propterea vbi retunduntur temperaturæ propriæ, diminuitur etiam facultas formæ specificæ. Vnde compertum fit quamuis calefaciendi potentia chalcantini olei castigetur, aliqua ex parte agendi vis reprimitur, quæ pendet à tota substantia.

Obijcienti, inter oleum vitrioli, & corrigentia, nullam consequi actionem, & proinde neque refringi illius malitiam, dixerim, hanc distinguendam esse rationem: potest enim fortiri sensum vt cōtingat actio ijs admixtis,

ante-

resp.

ad puncta

modus explicare

cordiazia

occurni-
rationi
posita in
principio
huius cap.

antequam assumantur : vel ijs admixtis , & deuoratis : quo posteriori modo vt contingit actio : ita nunquam priori . non enim inter medicamenta consequitur actio, nisi illorum qualitates ad actum redactæ fuerint, cuius actuationis opifex natiuus calor solus existit, & ideo iam ingestis mutua fit actio, non autē antequam illa assumantur . Quo circa non facile admiserim nouæ formæ inductionem, quam ex foermentatione resultare profitentur non pauci . Medicò enim philosopho indigna vox est, vt asseueret, ex non vera admixtione, mixti formam resultare, & in aggregato per accidentis, (vti contingit, dum medicamenta conficiuntur) aliam resultare formam ab ea, quam suapte natura habent mixta, ex quibus conflatur aggregatum . Itaq; Auer. lib. 5. coll. cap. postremo, eorum opinionem redarguit, quorum sententia est, theriacæ operationes prodire ex toto composito, eaque de caussa illi nihil addendum esse . Hanc enim ex eo reiicit opinionem, quia multa arbitratus est illi adijci posse medicamina, quorum vnumquodq. suam efficiat operationem . Igitur si medicamento rum vnumquodq. operationem suam efficit, agendi facultas ascribenda non est toto composito,

corollarium
que casique
opinionem
guardam.

obseruatio

ratio

posito, & formæ illius per fermentationem
 acquisitæ. Sed hoc clarius expressit Halliab.
 lib. 10. pract. cap. 5. ubi explanatis iam com-
 modis theriacæ, quibusque profit morbis, ex
 eo insuper, dixit, multa iuuamina contin-
 gere: quoniam ex medicamentis multis con-
 flatur. Minuere quippe voluit, ipsi medi-
 caminibus, quæ theriacæ compositionem
 ingrediuntur ascribendam agendi facultatē,
 non autem opinatæ formæ mixti totius. qui-
 bus luculenter astipulatur Gal. lib. 1. de an-
thidotis cap. 5. ubi compositorum medica-
 minum virtutem ex simplicium vigore con-
 surgere, dixit. Ex simplicium quippe vigo-
 re, quandoquidem ea sunt, quæ operantur
 in composito, non autem forma quam ex il-
 lo resultare prædicant. Ratum sit ergò, no-
 uam formam ex fermentatione nullo pacto
 fortiri medicamenta. & quam efficiunt inter
 se actionem, & reactionem non suscitari nisi
 reactis ad actum. qualitatibus à calore nati-
 uo, & ideo optima ratione concludi, non, nisi
 deuorato chalcanthino oleo, corrigentibus
 admixto, consequi actionem, & refractionem.
Non quidem adeò ingentem, vt tutius
 usurpetur illud, quam saccharum, & manna:
 quemadmodum promulgauit Minder. c. 10.
 lib. ci.

56u²²

56u³²

conclusionis

admoni-
no

lib. citati . sed vt aliqua ex parte minus violentum sit , quam si assumatur solum .

Oleum chalcanthinum, an medicamentorum omnium vires intendat . Cap. IX.

A Perte medicamentorum omnium vires augere, ac intendere chalcāthi oleum promulgauit *Minder. cap. 10. sui libri de chalcanto, cum protulit, oleum chalcanthi omnium medicamentorum vires , ac facultates intendit, vigorat, & expēdit. & rursus. Oleum vitrioli , inquit , est omnium medicamentorum stimulus, acetositatem habens, & acridinem penetratiuam , aliorum medicamentorum vires ad loca destinata deducentem, eorundemq. energias intendentem, vigorantem, ac deniq. proficientem , quæ alioquin mira fatuitate inania deprehenderentur. Sed de chalcantho ipso eodem cap. 9. deprædicantur dotes, in quo dicitur, cum vitriolum omnium aliorum remediorum auxilia non modo intendat, augeat, vigoret, ac perficiat, quæ huius beneficio destituta vanescunt, aut languent, aut segnia torpescunt. Quo ex Minder. depræhenditur duplicem sortitum præ-*
cipuam

$2m$

m. euerz.
p.^o
2^o
3^o
 Medicamentorum facultates omnium,
 hoc oleo non intendi, illa manifesta docet
 ratio, qua communiter decernunt medici, si-
 millibus augeri medicaminum vires: quod
 sentit Auic. lib. 5. cap. 1. cum exarauit sti-
 pticitatem medicamenti corroborari alio me-
 dicamento, facultate eadem prædito, sicuti
 & quod calefacit medicamentum, alio calefaciē-
 te acui. Ratio est etenim quemadmodum
medicamenti facultas frangitur aduersario,
vt Halliab. testatus est lib. 10. Pratt. cap. 1.
pari ratione eiusdem facultas augetur, atque
intenditur à simili. Sed est clarius locutus
Auer. lib. 5. coll. cap. antepenultimo. cum
 perhibuit, si quando volumus fortificare, non
 fiet hoc nisi vna via, hoc est, vt misceatur cum
 ea medicina suæ speciei, & sit fortior ea. qua
 dissertatione decreuit Auer. medicamento-
 rum vires similibus, eiusdemq. facultatis præ-
 ditis augeri, ac intendi. Quamobrem quia
 chalcanti oleum simillimam non sortitur
 poten-

potentiam , qua cætera medicamenta , non est cur vires illorum intendere queat, cum potius facultates eorum , quibus est contrarium, remittat, retundatq. Verum uti ea quæ *amplius ratione* diximus manifestò elucent in medicamento- rum facultatibus primi ordinis, sic evidentius appàrent in secundis , tertijs , & quartis eorundē facultatibus . Nam quis dixerit exem- pli gratia medicamentorum vires , quæ lac gignunt , & exiccant intendi chalcanthino oleo , quemadmodum & eorum quæ vrinam citent, & supprimunt, & illorum omnium denique quorum à tota substantia agendi facultas pendet ? Sed hæc condonanda veniunt Minder. qui orantis more chalcanthini olei vires extulit , philosophicis dissimulatis rationibus .

An verò (quod erat secundum dubium) ^{2^m} oleum vitrioli , penetrando , cæterorum medicaminum vires introducat : aceti exemplo *exemplo ex aceto* à viris doctissimis hoc explanatum inuenio : cui etsi facultas insit penetrandi , nihilominus ijdem prodidere in affectibus frigidis requiri penetratium calidū , in calis verò frigidum, quale est acetū, quippe qui frigidum illud esse decreuerant . Verum hanc rationem ab aceto petitam subdistingue- dam

cenſeo, & ſeorſum querendum, utrum ace-
 tum cum medicaminibus deuoratum, tam in
 calidis, quam frigidis morborum cauſſis de-
 bellandis conducat ad penetrationem: & an
 illud ipſum exterius appoſitum in morbis, à
 cauſſa calida, vel frigida oriundis, alijs reme-
 dijs admixtum augeat penetrationem. Pla-
 nè ſi conſulamur, quæ paſſim ab auctoribus
 pronunciantur, reperiemus, tam in morbis à
 cauſſa calida, quam frigida originem ducen-
 tibus, acetum alijs remedijs admixtum, &
 deuoratum penetradi vim intendere. Teſtem
 afferre libeat Meſuem qui, cum pronuncial-
 ſet ſyrupum acetatum ſimplicem (quo loco
 de illo illi ſermo eſt) materias calidas, nec
 non craſſas, & glutinoſas ad expulſionem
 apparare, ſubiecit etiam, partibus remotis
 eſſentia ſua tenuitate alia medicamēta con-
 uehere. quod de aceto accipiendum eſſe no-
 tauit Coſteus loci eiufdem Interpres, adeò
 ut illud remedijs, tum pro craſſa, & glutinoſa
 materia, quibus calefacientia conducunt,
 tum etiam pro calida, quibus refrigerantia
 opem afferunt, admixtum penetrationem
 intendat, & acuat. Confirmant hanc opi-
 nionem quæ in hunc modum f. 1. 3. t. 1. c. 19.
 memoria mandauit Auic. dico, quod acetum
 eſt

1^a quæſtio2^a quæſtio

ad pan

paſſim

2^a3^a

est commune omnibus materijs . Eius enim
infrigidatio possibile est, vt leui causa franga-
tur : amplius remanet profundatio eius cum
medicinis, & ipsius incisio . Hoc quidem est
cum administratur in medicinis frigidis . In
maturatione autem materierum calidarum
non eligatur super ipsum . Quo loco Auic.
Interpretes, quemadmodum & ij, qui Me-
sues locum citatum explanant, admonent,
medicaminibus tam calidis, quam frigidis
acetum admixtum, penetrationem augere, &
ad loca destinata illa conuehere .

At, si contingat acetum exterius appo-
nendum, alijs remedijs admixtum tum ca-
lidis, tum vero huic oppositis ; augere pene-
trationem, & ex arte esse illis illud admisce-
re, compertum est . In refrigerantium ordi-
ne nulla dubitatio est . quando exiroidinis re-
pellentibus dictis medicaminibus, passim
adijcitur ad illorum augendam penetratio-
nem . Calidis verò medicaminibus, ex arte
illud admisceri, ex eo liquet, quod curantes
medici capitis dolores à frigida causa oriun-
dos aceti vsum non aborrent: immo illud non
rarò adijcitur. Hinc Auic. f. 1. 3. t. 2. cap. 12.
in capitis dolore ex intemperie frigida epi-
thema conficit ex cinere & aceto & cap. 13.

t. citati pharmaca multa describit calefaciē-
 tia in capitis dolore à causa frigida, quibus
 admiscet acetum. Et hoc ipsum videre est
 apud Mes. sum. 3. cap. 3. t. de ægritudinibus
 capitis, vbi calefacientibus medicaminibus
 acetum admiscet. Et illud tum alijs nomi-
 nibus præfati auctores addunt, tum verò ad
 augendam penetrationem. Nam acetum
 suapte natura obest potius, cum caput dolet,
 quam iuuamen afferat. quod sibi voluit Gal.
 lib. 2. catatop. cum exarauit, maxime con-
 trarium inflammationibus acetum esse, & ca-
 pitis doloribus vehemētioribus: vtpote quod
 neque mitigandi, neque leniendi vim aliquā
 in se complectatur. Igitur eo consilio illud
 admisceri credere reliquum est, scilicet vt cæ-
 tera medicamina in profundū ducat, acuatq.
 penetrationem. Quare, cum medici acetum
 admiscant etiam calefacientibus medicamē-
 tis ad capitis dolorem, à frigida caussa oriun-
 dum curandum, hoc ea de causa effici con-
 sensendum est, vt penetrandi facultatem
 adaugeat. Et, quamuis Gal. ipse loco præ-
 allegato lib. 2. de compos. med. sec. loc. ita
 curationem dirigendam præceperit, vt, cum
 frigefaciendum sit, acetum admiscendum
 veniat, cum verò calefaciendum, euphor-
 bium;

p. 6. n. 2^ap. 6. n. 3^aoccurrit
9^o

bium : hæc illius sententia ita interpretanda est , vt in capitis dolore , cum optamus medicamentis augeri penetrationem , acetum solum veniat admiscendum ; vbi verò & penetrandi vim , & calefaciendi potentiam , euphorbium . vtpote quod munus vtrumque egregiè exercere queat , quod in calefaciendi potentia non tam manifestè operatur acetum . Sed de aceto plus satis . Redeamus iam ad chalcanthinum oleum , de quo dum proponitur quæstio , an medicamenti admixtum , & deuoratum , illa acuat penetrando ; hæc facile tollitur , si memores erimus , nunquam illud salubriter propinari ad internos morbos tollendos . proinde , neque etiam quærendam ex illo penetrandi facultatem . Dum vero fit quæstio an medicamenti exterius apponendis chalcanthinum oleum admixtum illa vigoret , & introducat penetrando omnia . facile hæc quoque profligatur quæstio , si immemores non erimus morbis quam multis aduersari illud , & propterea ex illo petendam non esse penetrandi potentiam . Enimuero quia validum adeò est medicamentum , quibus morbis aduersatur sensibile adeò afferret detrimentum , vt expetita penetrandi facultas obscuraretur . Secun-

*de chalcantio
ubi penetratio
non dicitur*

*29 quæstio
non decisio*

20^o 2^a

20^o 2^a

do intelligitur ex arte non esse ab oleo chalcantino expetere penetrandi facultatem; quandoquidem causticum cū sit cutem densabit porius crustam inducendo, quam partem laxabit, adeo ut medicamentorum potentia acuat. Et ex his depræhenditur oleum chalcanthinum admiscendum non esse, ut cæterorum medicaminum vires introducat, acuatq. illa penetrando.

conclusio

Oleum chalcanthinum, an propinandum sit febricitantibus. Cap. X.

*Chimici
conu*

*Minder.
Bertram*

TRita opinio est, & multorum sane vulgata sententia pestilentibus febribus chalcanthinum oleum mederi, illisq. iuamen non contemnendum afferre. immo illuc deuenit dicendi libido, ut de illo protulerit Minder. cap. 9. lib. de chalcantio. inest oleo vitrioli plena facultas omnis generis febres curandi, & exterminandi. Sane innata multorum cupiditas cunctos antecellere, & cæteris plus sapere, effecit, ut tanquam arcanum depredicauerint remedium, & spem etiam ingentem conceperint illud daturi. sed tractu temporis experientia, iudex eorum, quæ rectè, vel improbè sunt, indicauit, satis

infi.

infidam spem esse , quæ illi præbetur in mendendis febribus . Etenim quid sibi vult illa admonitio , quam passim insinuant , per se solum , & inmixtum nocuum , & forte venenatum esse ? & addunt alij . magnum istud esse præsidium , & , nisi prudenter , & opportunè adhibeatur , sæpe perniciosum atque etiam exitiosum euadere . ista inquam admonitio nos dubios , seu potius certiores reddit ; perniciem latitare in illo , & exitium . Cur obsecro infido præsidio salus commit- tenda est , cum tot medicaminum medica- suppellectilis diues sit ? si illa medici prima cura est , vt tuto curet , iuuet , & nequicquam lædat , quomodo sancitum istud adimplebitur olei chalcanthini vsu , cuius sola administra- tio suspecta est ? sed age , vires illius perpen- damus vt iudicium asserre possimus quale adiuumentum febricitantibus asserre quæat . Inest oleo chalcantino calefaciendi facultas , exiccandi , astringendiq. indita illi potentia est , quibus omnibus obest potius , quam pro- fit febris laborantibus . Vtq. à calefaciendi fa- cultate exordiar . hæc in oleo chalcanthino illum gradum adepta est , vt , si conferamus cum ijs , quæ in pari gradu calefaciunt , com- perimus , accendere non extirpare febrem .

Auic.

conuincit
ex ipso
met dictisfalsi i. meth
c. uccus
i. c. uccus
i. c. uccus
i. c. uccussaccharum
luna rep
bucium
uires illiob omni
ob omni
ob omni
ob omni

60. 3. 3.

Auic. f. 3. 3. t. vnico cap. 7. castorei potu, & affa foetida febre[m] accendi arbitratus est, vt conuulsione detentis opem afferat: ceterum Auic. eodem auctore lib. 2. t. 2. cap. 53. affa foetida calida est in principio quarti gradus, & castoreum calidum est in fine tertij gradus vsque ad quartum cap. 126. t. citat. his non infimum calefaciendi gradum sortitum est oleum chalcanthinum, ergo pari passu febre[m] accendere valet. Et cōfirmat hanc opinionem Arnal. Villanon. lib. de simpl. cap. 7. vbi, facto cathalogo eorum medicaminum, quæ in quarto gradu calefacere arbitratus est (in quo collocauit etiam vitriolum; cui incalefaciendi potentia non cedit illius oleum) adiecit, istis medicamentis prouocari febres, nec non morbos ab intemperie simplici, vel cum materia admodum frigida curari. Vnde est (vt persuasum habeo ex hoc capite) non illud quod conducit moliri, qui oleum chalcanthi febricitantibus propinant, sed illud machinari, quod maxime obest.

^{2^a a faciliore} Inest rursus chalcanthino oleo astringendi facultas. quo ex capite quantum obsit febricitantibus probari facile potest. illo prius sublato scrupulo, quem iniecit Minder. qui
^{resp. quidam}
^{ustringe}
^{ni.}
 suo

suo libro de chalcantio cap. 10. illud astringendi facultate spoliare operam dedit. Sed ^{refellitur} quam rectè sensiat, testem audire est Querc. ⁶⁰ dum libro suo pestis alexycacus inscripto c. 3. iisdem viribus vitrioli spiritus pollere dixit, quæ de vitriolo tradidere veteres : quorum opinio fuit, astringendi vi præditum esse atramentum sutorium, & ex consequenti, illi pares obtinere facultates illius spiritus. & fert suffragium Mercur. lib. 2. de cur. hum. corp. ^{2º} affect. cap. 5. qui eo nomine expuentibus sanguinem oleum vitrioli propinari dixit, quoniam Gal. sententia est, chalcanthum in astringentium nemero repositum esse. quibus significare voluit, ea de causa oleum illius exhiberi, quia pares cum illo obtinet astringendi facultates. & enucleatius hoc declaravit ^{3º} Manard. lib. 18. epist. 2. vbi apertis verbis astringentiam facultatem oleo vitrioli inditam testatus est. Astipulatur idem Minder. cap. 9. ^{4º ex ipso mer.} citati libri dum inter cæteras causas, quæ olei vitrioli usum dissuadent in vitijis pectoris, ac pulmonum, illam reddit. quod astrictio illius enumeratas partes exasperat. & rursus eodem loco diarrhæas conceptis verbis astringere confessus est. cum quibus non stat, ut astringendi facultate spoliatum sit.

Ex isto ergo capite formatur ratio, obesse febricitantibus chalcanthinum oleum. atque hæc desumitur ex Gal. 1. acut. comm. 18. quo loco cum ptisane laudes recitasset ex Hipp. ille in hunc modum scribit. Non astringere autem quibusdam maxime bonum existit. nemo siquidem astringentibus utitur cibus, nisi vel propter symptoma, quod animi deliquium inducat, vel propter immoderatum ventris profluvium: cogunt siquidem, constringuntq. corpora vi absque tum distributionis tum alimoniae, tum eius quæ foras fit perspirationis conniuere faciunt: quas reclusas apertasque esse conducit. Qua oratione decrevit Gal. astringentia febricitantibus noxia, nisi ad occurrendum alicui symptomati ijs opus sit. Quam sententiam secutum Auic. affirmare non dubitauerim, quando f. 1. 4. t. 2. cap. 7. perhibuit. cum tamen infrigidas de istis febribus, tunc non infrigides eam cum eo in quo sunt stipticitas, & exiccatio. Quæ ratio magis militat contra eos, qui oleum vitrioli frigidum faciunt astringens, & siccans. quamquam, & si calidum statuatur, eo quod suapte natura etiam astringit, ideo reiiciendum est à putridarum febrium curatione. hisce enim febribus quæ

astrin-

5º

6º

astringunt aduersantur omnino. Hoc sibi voluit Massaria Auic. citati loci interpretes libro suo de febribus cap. 13. apud quem scriptum reperitur. velim vos memoriæ tenere, & obseruare, vt, in curandis omnibus febribus putridis, ab omni re astringente perpetuo abstineatis: vt quæ possint augere prohibitam traspirationem, & obstructions, cum quibus febres putridæ nunquam possunt auferri. hæc ille satis appositè memoriæ mandauit. quamuis præceptum istud seuerè nimis perstrinxerit, cum voluit etiam acida rejicere à putridarum febrium curatione. quo in errore versatur etiam Leonard. Iacch. lib. de acut. morb. curat. quo capite astringentia febricitantibus inimica esse disputat alijsq. nōnulli cum illo. Etenim tantum abest acida, astringere, vt potius incidant extenuent, & diuidant Gal. auctore lib. 5. de simpl. cap. 26. qua de causâ conducunt non noxia sunt febricitantibus, vt appositæ confirmauit Argenter. lib. de feb. quo loco de ratione nutriendi in febribus verba facit, & de qua agitur proposita sibi quæstione in hunc modum respondet. si Gal. legamus 4. de simpl. & penultimo scilicet vbi de acido sapore agit, inueniemus huiusmodi saporem aperiendi inciden-

70

Massaria non in alio obstat

vide notam Iacch.

per acida non

60

20

simili

cidendiq. facultatem habere: idq. sine calore. propterea miror quo nam modo illi astringere dicant. *rosso* quod si *quedam* prædicta dicant non solo sapore acido esse prædita, sed etiam austeritatem aliquam habere adiunctam, *imprimis* ^{1^o} ut negari potest, quando mala granata pura reperiuntur purè acida, tamen, si id etiam concedatur, ^{2^o} tantum abest, ut obfit ea levis adstrictio, ut etiam plurimum profit ad obstructions tollendas, ut Gal. est auctor lib. 5. de simpl. cap. 11. quoniam astrictoria ea vis roborat internos meatus, & propellit acidam, aperientemq. facultatem: quod ostendit etiã vsus. nam limones dicti tantam habent incidendi aperiendiq. vim, ut etiam calculos renum frangere dicantur, & ipsos renes obstructos aperiendi. quare non oberit acidorum vsus in febribus præsertim calidis, quibus nõ obest acidorum frigiditas: nam, ubi crassi viscidique sunt humores, requirimus aperientia, quæ una etiam calefaciant: in biliosis vero, & acutis febribus nihil commodius inuenias acidis. sic ille. *admonitio* quæ de vegetabilium acidis succis accipienda sunt: siquidem mineralium alia cõditio est. namq. ipsi oleo chalcanthino vehemēs adeò astringendi facultas copulata est, ut omnem aciditatis actionem obscuret.

Verum

Verum redarguit Minder. hanc differta-
 tionem exemplo eorum, quæ licet astringat,
 meatus tamen aperiunt. Rhabarbarum enim
 (ait ille) aperit & astringit, itemq. absinthiū,
 quod eodem modo operatur, & acetum, quod
 potenter incidit, ac penetrat; ac interim
 quādoque vehementer astringit ac cohibet.
pari ratione contrarios effectus parit oleum
vitrioli in quo quia maior est aperiendi vis,
 ac deobstruendi, quam sit astringendi, ideo
 ex hoc capite nullo modo videtur reiicien-
 dum in febrium curatione. Istud argumen-
 tum vt diluatur, notandum est priore loco,
 rationi & medicorum testimonio non omni-
 no consentaneum, acetum astringere: qua-
 de re audiamus Fernel. lib. 4. meth. cap. 3.
 dicentem. Acetum experimur & fluxiones
 repellere, & omnem sanguinis è naribus eru-
 ptionem, atque dysenteriam, tum vapore su-
 scitato, tum etiam fortu cohibere, ipsasque
 emorroidas, & immodicas vteri purgatio-
 nes suffitu incessuq. sistere, omnemq. sangui-
 nis reiectionem potum vel per se vel admixta
 aqua promptissime cohibere, neque idcirco
 inter astringentia numerandum. Longe
 enim ab his natura distat; sed vnius frigoris
 altè subeuntis beneficio fluxiones repellit,
 siccita-

Minder:
 impugnat
 Baltham.
 curationem
 inducit
 30

29

30

applicatio

repellitur 30
 inducit de
 aceto

30

ficcitate verò, quæ planè valida est, eas atque sanguinis eruptiones sistit ac cohibet. Hucusq. Fernel. quanquam illam, quam aceto donant auctores facultatem vndequaq. fluentem sanguinem sistere, non omnino recipiat

2^o Paræus operum suorum lib. 10. cap. 13. cum potius, exemplo vulnerum, contrarium contingere affirmet. qua de re quicquid decernendum sit, satis esto, illud non astringere.

3^o quæ Gal. opinio fuit lib. aduersus Lycum. cap. 4. vbi Lycum ipsum eo usque ignarum demiratur, vt existimauerit astringentem aceto inesse facultatem. Et, licet passim astringere asserant auctores, rationi huic respondet

4^o Fallop. lib. de vulner. cap. 7. arrepta enim eo loci hac, de qua agitur, questione disputando, sic edisserit. Nonne acetum incidit, aperitq. obstructions? quomodo ergo astringit? Dico, inquit ille, quod acetum non astringit per se, quia per se re vera aperit obstructions, sed astringit per accidens, quatenus scilicet siccat exasperatq. partibus autem exiccatis constringuntur: & hoc modo intelligatis quando reperietis apud Aetium, & apud alios auctores acetum astringere: intelligatis inquam ipsum id facere non per se sed per accidens.

Notabam secundo loco rhabarbaro astringendi quidem inesse facultatem : & hac de causa ijs morbis, quibus nocumento est obstructio, improbatum ab auctoribus è quorū numero est Capiuac. qui lib. 3. metho. curan. morb. cap. 20. in hepatis obstructione vsum illius reijecit, eò quod illam adaugeat, & vasa hepatis magis obstruantur. Et si non ignoro persuasum multis secutis Mesuem lib. de simpl. cap. 4. maceratione segregari rhabarbari facultates, adeo vt astringens cum substantia ipsius remaneat : purgatrix vero deobstruendiq. facultas cum eo, in quo maceratur, succo sine aqua. unde factum est, vt in curandis febribus, de quibus præcipue est sermo, vt infusionem illius approbarunt nonnulli, sic illud, in substantia (vt aiunt) datum reiecerunt. Hoc est secutus consilium Rondel. lib. de feb. cap. de causa sic perhibens. vulgus medicorum temere rheum, & myrabulanos vsurpat cum hæc biliosis morbis sint aduersissima nisi vi astrictoria, quam habent spolientur : vt si coquatur rhabarbarum in aqua endiuia, vel in eadem maceretur, & leuiter exprimatur, misceaturq. alijs detergentibus, ac lenientibus ; & sic præparato non incommode licebit uti. Hæc ille. Non

20

tamen defuit Massar. lib. de feb. cap. 17. qui
aduersus eos disputat quorum sententia fuit,
rhabarbarum exhibendum in tertiana exqui-
sita facta, vt aiunt, infusione. eosq. redarguit
tum alijs rationibus, tum vero quia quoquo
modo datum astringit. Perspicuum fit ergo
suspectam in febribus rhabarbari astringen-
di facultatem: & ideo pari ratione oleum
chalcanti suspectum esse magis, quod illo
valentius astringit, neque aliquo artificio,
dum propinatur, ea spoliari potest facultate.

*corollaria**refellitur
et inducitur**Abulcasis
et Auerroes*

Supereft vt de absinthio, quod est tertio
loco notandum, verba faciamus. Cui & si
aliqua insit astringendi facultas, illudq. cum
mellicrato & oximelite dare Gal. non dubi-
tauerit ad tertianam exquisitam, & notham
curandam, primo ad Glauc. cap. 9. & 10. at-
tamen à Gal. non inconsultò factum existi-
mandum est, Quoniam, licet astringentia,
aduersentur febribus ab humoribus putrescē-
tibus oriundis, nihilominus symptomatis ali-
cuius ratione illa præberi possunt, qua ratio-
ne fretus Gal. absinthij vsum præscripsit in
febribus, scilicet ad ventriculi vitia corrigenda.
quod ipse clarè indicauit, cum de tertiana
exquisita verba faciebat, quo loco, cum
affirmasset, apparentibus concoctionis signis
absin-

resp.

absinthium cum fiducia exhiberi, decreti rationem afferens, summum remedium esse dixit mordicationum stomachi à bile prouenientium. Et luculentius lib. eodem cap. 14. exarando affectus, qui stomachi vitio febribus copulantur, declarat quantum adiuuenti afferat absinthij vsus. Quasi non alia ratione illud præscribatur, quam ad occurrendum stomachi vitijs, cuius labores quo tempore febricitantes affligunt absinthio, & astringentibus uti non dedecet. nam à principio de Gal. sententia 1. acut. 18. decreuimus symptomatis alicuius ratione astringentibus uti, dum febres curamus, incongruum non esse. Caterum non hanc sortitur facultatem oleum vitrioli, quæ absinthio comparari queat, nam illud, uti astringendo febricitantibus obest, sic nulli symptomati occurrendo fert opem. Et propterea ex hoc capite omnino reiiciendum est à febriū curatione.

Inest postremo exiccandi facultas chalcantio oleo, qua pari de causa vsus illius reprobat in curandis febribus, Trita enim oratio est, quæ exiccant febribus aduersari; cum potius humectantia exiccantibus contraria prescribenda sint febricitantibus. hoc sibi voluit Gal. 1. de tu. Val. cap. 7. 1. aphor.

cordacini

7.º a facultate exiccandi repellunt

po

16. & 1. acut. 18. cum perhibuit . Si contraria contrariorum remedia existunt , sane febris peculiare remedium vt virtute tum refrigerante, tum humectante sit oportet: id namque febris naturæ , quæ calida & sicca est , contrarium erit : talis siquidem naturæ est ignis . ad hæc in febre tria sunt : contra quæ potissimum dirigitur curatio . Intemperies nimirum calida, & sicca ; putredo ; & succus putrescens . Intemperiei febrili inimica sunt quæ exiccant, tum quia ipsa febris calida, & sicca affectio est ; tum verò , quia siccitas calorem acuit ; quoniam illa , vt fertur , lima caloris est .

Putredini, & putrescenti humori exiccantia non occurrere , neque mederi , conijcere est ex eo, quod humores in febribus forte fortuna minime putrescunt . nam, si , quid ipsa putredo sit, contemplemur, reperiemus illa non affici humores, cum earum febrium causas subeunt, quas putridas appellant . De putredine sic memoriæ mandauit Arist. 4. Metheor. vulgato cap. 2. Putrefactio est corruptio eius, quæ in vnoquoque humido propriè & secundum naturam caliditatis ab aliena caliditate . Hæc autem est quæ ambientis , Et Gal. 11. Metho. cap. 8. Putredinis natu-

2a ratio
que uirga
mixta
est

putredine
Arist.

Gal.

naturam in eo consistere dixit, vt sit mutatio putrescentis corporis substantiæ ad corruptelam à calido externo . quibus definitionibus depræhendimus quæ putrescunt corrumpi, & mutationem substantialem suscipere. quod ipsum contingere putrescentibus succis, cum febrium causas subeunt, indicauit Aetius lib. 5. cap. 73. sic scribens. præter naturam, calor exoriens humores quidem primo, qui humidi sunt, putrefacit, & corrumpit: progressu verò temporis, & adipem & carnes, solidaq. ipsa corpora incendit . Putredo autem est totius substantiæ putrescentis corporis ad corruptionem mutatio à calore præter naturam illata | Cæterum mihi persuasum est non hanc mutationem quoad substantiam suscipere humores, cum fiunt causæ febrium: sed incalescere tantummodo. Hoc sibi voluit Hip. lib. 1. de morb. quando scribebat . Febris porro ab his fit, cum bilis ac pituita calefacta fuerit, totum reliquum corpus ab his calefcit, & vocatur hæc febris, scilicet significare voluit, humores incalescere, cum febris causæ fiunt, non autem putrescere . Et confirmauit eiusmodi illius verba libro eodem, cum de ardenti febre loquitur. Febris ardens corripit magis biliosos: corripit item pitui-

tosos : corripit autem hoc modo . Cum bilis commota fuerit per corpus , & contigerit vt venæ, & sanguis attrahant bilem, eamq. plurimam ex carnibus & ventriculo, ad eum qui prius inest : vtpote cum etiam natura calidissimus sanguis in corpore existat : cum itaq. percaluerit ex carnibus, & ventriculo supra eum qui iam inest, adhuc magis à bile percalefacit etiam reliquum corpus . Haftenus ille à quo nulla fit putredinis mentio sed incallescentis humoris solummodo . pari quoque elocutione Arist. vbi de febribus orationem aggressus est, succos dumtaxat incallescere, perhibuit, nō illos putrescere ^{supra probl. 20.} humores incallescences, protulit, febres accendunt. Superans enim caliditas totius corporis febris est . Forte fortuna Gal. ipse aliquando indicauit, putredine minimè labefactari humores ad efficiendas febres, sed incallescere solummodo : quando primo Epid. sect. 2. t. 73. in tertianis, ardentibusq. febribus bilem accendi, & efferuescere notauit . & clariora illius verba sunt 4. aphor. 59. tertiana febris ab ea, quæ ardens nominatur, humore faciente non differt : vtraque enim à flaua bile fit : differunt autem, quoniam febris ardens in venis vna cū sanguine flauam

bilem

2^a flaua

+

sic p^o ostendit: 1^a bile dicitur vna lumen
febris ardens inuenitur.3^a flaua4^a

bilem redundantem, & ebullientem habet.
 in tertiana verò in toto delatam, ac motam.
 Ebulliunt igitur, seu feruent humores cum
 febres accendunt. non ergò putrescunt. cum
 enim feruent humores ad efficiendas febres,
 non idem est, quod eosdem putrescere, con-
 scijs feruescentiam distingui à putredine.
 hoc colligo ex Aetio lib. 5. cap. 69. qui cum
 declarasset synochum, de qua erat illi sermo,
 consistere in calidi sanguinis nondum putre-
 facti copia, causas latius explanando, subie-
 cit. causa, quæ has febres incendit, multi-
 tudo feruorq. sanguinis est. Sanguinis in-
 quam feruor est, quoniam hic non putrescit
 ad illam synochum efficiendum. Sed est cla-
 rius locutus Paul. lib. 2. cap. 28. dum syno-
 chos effici protulit ex sanguine nunc effer-
 uescente, nunc putrefacto. Voluit nimirum
 putridam à non putrida synocho distingue-
 re: & in postrema sanguinem efferuescere,
 in priori putrescere dixit. vt indicaret, suc-
 cos efferuescentes nō putrescere, dum febres
 accendunt. quamobrem, vbi Gal. in arden-
 ti, & tertiana febre bilem efferuescere con-
 fessus est, putredinem substulisse affirmasse
 visus est, & indicasse succos verè non putre-
 scere, quo tempore febrium causas subeunt:

confirma-
tione

confirmat
alibi.

sed hæc vetus fuit opinio, quam retulit Alexander lib. 12. cap. 2. de qua suo loco fusius differemus. hac igitur recepta opinione, quo bono consilio vitrioli oleum summè calefaciens, exiccans febricitantibus propinatur? morbo alioquin detentis calido, & sicco, & ab humoribus effervescentibus suscitato. quibus tantum abest, vt afferat medelam oleum vitrioli, vt potius morbificam causam acuat magis siccitate, & caliditate accendat.

quæ inveniuntur communem sententiam impugnat
Gal. 1. 116.
 Sed demus aduersarijs, humores putrescere in febribus, ne rationes illorum aufugere velle videamur. nihilominus inutilia sunt febricitantibus quæ exiccant. Nam, vt inquit Aetius lib. 5. cap. 74. septem res occurrunt in febribus putridis præter naturam, à quibus indicationes colligimus: humorum nempe copia, crassities, lentor, obstructio, transpirationis detentio, putredo, & febris. Quibus indicationibus exiccantibus non satisfacimus, neque ipsi putredini occurrunt quæ exiccant. Enimuero hæc à putredine sumuntur indicationes Gal. teste. 11. meth. cap. 10. vt quod iam factum est lanet, quod in generatione est sistat, medicus: hos scopos adimplemus euacuatione, & concoctione. quod sibi voluit Gal. lib. artis med. cap. 89. & primo

mo acut. 18. cum decreuit, putredinem sanari, & euacuatione, & concoctione. Euacuatio efficitur sanguinis missione, purgatione, lotij prouocatione, & his similibus. quo vero tēpore has molimur euacuationes, tantum abest prodesse ea, quæ exiccant, vt potius eligamus illa, quæ, quantum fieri potest, minime exiccent. vt cit. lib. meth. cap. 9. apertis verbis Gal. memoriæ mandauit. Concoctio naturæ opus est: ad quam efficiendam, iuuamen non afferunt, quæ exiccant. Dices, *obiectio* cum fit putredo, lædit obstructio. fateor: proinde iuuat deobstructio; obstruit visciditas: ideo fert opem, quod incidit. adfert noxam crassities: iuuat ergò attenuare. hæc omnia vera sunt. Cæterum istud opus non *rego* molitur quod exiccat. exiccantia ergò nullo modo conferunt, cum febris adest ex putredine orta.

Obijcient forte nobis pestilentes febres, *instat* quibus exiccantia prodesse deprædicatur ab oppidò quam multis. Gal. fortè ductis testimonio, qui primo de differ. feb. cap. 4. cum *rego* obseruasset summam eorum, quæ concurrunt ad efficiendas febres pestilentes, in putredine consistere, illi vt occurreret, eo artificio vsus est, vt statim quæ corpora humida obser-

obseruabat, exiccaret ab initio; quæ verò sic-
 ciora, antiquum habitum conseruaret. Et
 videtur famulari Auic. quando f. 1. 4. t. 4. c. 3.
 statim ab initio capitis pestilentium febrium
 curationis summam esse dixit exiccationem,
 quasi hæc præcipuum locum habeat in cu-
 ratione, & summa cura illa inducenda sit,
 ad quam efficiendam exiccantibus opus esse
 videtur. Verum obseruanti mihi in pestilen-
 ti febre (si communio rem sententiam sequi
 velimus) duo reperiri, contra quæ præcipue
 dirigitur curatio, quorum primum est putre-
 do, alterum perniciofa, & praua qualitas.
 Putredo pestilentium febrium nihil magis in-
 dicat in pestilenti febre, quam in cæteris fe-
 bribus à putredine oriundis. quibus, vti non
 conducunt exiccantia, sic minimè opem af-
 ferunt in pestilentibus. perniciofa, & praua
 qualitas anthidotis curatur, quarum agen-
 di facultas potissimum pendet à tota substân-
 tia, cui suapte natura minime opitulantur,
 quæ exiccant: quemadmodum neque ijs, quo-
 rum actio proficiscitur à primis qualitatibus
 hæc inquam pensitans veni in sententiam,
 nec ipsis pestilentibus febribus iuuamen af-
 ferre, quæ exiccant. Vnde loco Auic. nu-
 per citato in quo videtur decerni vt exiccan-
 di

29

respo

sic causus
 ne re decet
 pias hic au-
 or. quoniam
 dicitur l. 6. pesti-
 lentiæ. vbi
 pestilentiæ
 diffundere à
 putredine exel-
 lantur. gradus
 putredinis.
 ut in l. 6. p. 1.
 facit. vbi
 vnde dicitur p. 1.
 melius.

ad 2am

di præcipua ratio habeatur in hisce febribus. Respondendum est, de ea illum locutum exiccatione quæ euacuatione efficitur, non autem exiccantibus medicamentis. Expresse hoc indicant illius verba isthæc. Summa curationis earum est exiccatio, & illud cum phlebothomia, & solutione ventris. voluit dicere. omni cura enitendum statim a principio corpus euacuare pharmaco, vel venæ sectione. Asolet enim Auic. prædictas euacuationes exiccationes appellare. Astipulatur *confirmatio responsionis* idem auctor f. citata t. 5. cap. 7. dum scribebat phlebotometur quantitate, qua exiccet. & hæc confirmant verba illius f. eiusdem t. 2. *alia confirmatio* cap. 7. oportet vt tu occuperis in digestionem, & euacuationem, quæ non est secundum semitam minerationis, & exiccationis. *alia* Hinc Gentil. omnibus citatis in locis interpres arbitratus est, exiccationis nomine accipiendum, minoratiuam, quam vocant, euacuationem, quippe qui illud consilium est secutus, euacuationum nonnullas minoratiuas esse, alias eradicatiuas: & priores exiccationes nomine complecti. *adferunt* Aperit solutio hæc sensum verbis Gal. citati lib. de differ. feb. vbi ad præcauendum corpora à peste, quæcunque humida obseruabat omni via exiccare conabatur.

batur. nam recepto, vt verè se res habet, verba facere illum de præseruatiua curatione, aduertendum est, qua via exiccabat corpora Gal. opinandum non esse factum exiccantibus medicamentis: sed qua via sana corpora exiccari mos est: scilicet exercitationibus, laboribus, frictionibus, potu, ciboq. parciori, & alijs his similibus: quibus exiccari corpora libris de diæta testatus est Hipp. & si quis est, cuius opinio sit, hoc factum exiccantibus medicamentis, toto cœlo illum aberrare opinor. Concludamus igitur, exiccantia, astringentia, quæq. nimium calefaciunt, obesse febricitantibus: & has dotes cunctas natum chalcanthinum oleum. ideò iustis de causis vsum illius reprobatur in februm curatione. quemadmodum ab Urbanis etiam medicis optimè notatum, & memoriæ traditum fuit; inter quos optimum laudare est insignem virum Vincentium Alzarium à Cruce S.D.N.D.PP. Gregorij XV. & Principis Illustriss. Ludouici Ludouisij Card. Camerarij, Medicum: nec non etiam in Almo Urbis Gymnasio medicinæ practicæ professorem eximium; de quo cum contigerit semper honorificè loquar. qui in ipsius disputationibus de chalcātho eiusq. oleo, ean-
dem

constantiū

dem conclusionem certis argumentis patrocinatus fuit : quæ breuitati consulentes, consultò omittimus .

Oleum chalcanthinum , an proſit tabidis , & ſanguinem expuentibus .

Cap. XI.

TAmetsi Gal. 7. aphor. 16. phtisim definierit totius corporis extenuationem ex vlcere pulmonum insanabili; nihilominus istud frequentissimè contingere accipiendum est . quando , etiam absque pulmonis vlcere phtisim procreari posse , certis argumentis constat , & aperte insinuauit Areteus lib. 1. tard. pass. cap. 8. sic scribens . Quin etiam quibuscunque quidem vlceratus pulmo non fuerit nihilominus tamen diuturnis febribus consumpti sunt , sæpiusq. duriter , & absque affectu vllo tussientes nihil reiſciunt: hos quoque phtisicos haud ita multum improprie nominarunt . simul verò, & his adest pectoris grauitas : pulmo enim infirmus est . Quæ vero sit hæc pulmonis infirmitas, docet Salus lib. 2. de morb. t. 106. cum explanauit, talem, de qua Hipp. sermo fuerat , non ex vlcere pulmonis prodire , sed ex illius putrescentia,

ex

ex qua tabem consequi affirmavit, Et hanc opinionem confirmavit Hier. Fracaf. lib. 2. de morb. contag. cap. 9. cum perhibuit. Illam

3^a accep-
tio.

quoque possimus phthisim satis propriè appellare, quæ corruptis putrefactisq. pituitis ita pulmonem affecit, vt, si non vlceratus est, at flaccidus tamen, & putridus iam reddatur, Quippe factis dissectionibus quorundam, vidimus interdum partem pulmonis sinceram, & nullatenus vitiatam, partem nondum exacte putridam, nondumq. vlceratam, sed tamen flaccidam, mollemq. atque in marcorem tendentem, quandoq. & totum pulmonem, & talem vidimus; quare, cum marcor ille in pulmonem serpit, phthisicum appellare merito hominem possimus. sic ille. Quæ ea

constant
pro con-
fione

de causa innotuisse volui, vt liqueat, infida ratione admitti oleum chalcanthinum ad curanda phthisis vlcera, cum iam satis comper- tum sit, omnem phthisim cum pulmonis vlcere non effici. quanquam omni phthisi peculiari ratione obesse illud persuasum habeo: & proinde ad medelam illius nullo pacto vsurpandum. Etenim, si à chalcantho ad illius oleum ratio formari potest; (similis quippe ambobus natura inest) illud, vt lib. de venen. Arnald. testatus est, & excicando pulmones, eosq.

non phthisi
sed omni
phthisi

per hunc

cosq. corrodendo necat, & tussim affert, quæ
ad phthisim perducit, quo fit, vt chalcanthum,
& oleum illius obsit, non profit tabidis. Sed
de oleo ipso præcipuè notatur à Schenk. lib. 7. 2^a
obseruat. 218. inter cætera detrimenta illud
vnum afferre, vt pulmones exulceret; vnde
tantum abest, vt opem afferat propinatum
tabidis, vt morbum potius augeat, & inte-
ritum acceleret. & quemadmodum emacia- 3^a
ti arcendi sunt ab vsu vitrioli, quibus præci-
puè infestum est, & noxium vti ex Rasi lib. 8.
ad Almanforem cap. 47. recepta sententia
est, pari quoque ratione tabidi (non enim
fit tabes absque corporis macie) ab oleo vi-
trioli arcendi sunt, eo quod istud cum vitrio-
lo parem, vel potius maiorem obtinet nocen-
di potentiam.

Non est perquirendum hoc loco qua ra-
tione oleum chalcanthinū obesse possit phti-
sicis alijsq. pulmonis morbis potatum etiam
cum ijs, quæ malitiam illius aliquo modo
retundunt. eò quod iam satis constat, potum
ad pulmonem non ferri: quemadmodum
lib. 4. de morb. fusè disputat Hipp. & Arist.
lib. & cap. 3. de part. animal. sed à ventri-
culo illum suscipi. quod sibi voluit Hipp. lib.
de alimento, cum dixit, principium alimen-
ti hu-

ti humidi, & sicci os, gula, & venter, & lib.
 de ofsibus, potus perfauces, & gulam. nam
 hoc non obstat. quin ea, quæ potu haeruntur,

que, potu
 sumuntur
 quomodo
 pulmones
 ad se age
 dore, tunc
 facilius
 velut di-
 caso.
 p. 2. q. 6. h. 1.

tur, aliquo modo pulmonem non adeant,
 ob consensum, & affinitatem magnam, quæ
 inter potum accedit, & pulmonem. hoc sibi
 voluit Aret. lib. 2. acut. pass. curan. qui de
 peripneumonia edisserens primo capite nul-
 lum ex ijs medicamentis. quæ ore sumuntur,
 despiciendum dixit. quoniam ea natura pul-
 monis est, vt, siue rectè valeat, siue ægro-
 tet, ad se semper humorem alliciat. Et rur-
 sus exarando. modicum potum assumendum,
 ideo consilio efficiendum mandauit, quòd
 madefactio pulmoni inimica est, quam à gu-
 la & ventriculo ille trahit. Pari consilio Hip.

2^a

lib. 3. de morb. de pleuritide illa verba fa-
 ciens, quam ipse dorsalem appellat, in po-
 tu vinum dulce exhibendum esse decreuit, il-
 ludq. non frigidum, ea de causa, vt pulmo
 humidior factus facilius, & citius reddat spu-
 tum. his consentanea sunt quæ idem memo-
 riæ mandauit. 3. acut. de mellicrato, cum
 3^a text. 10. minus siticulosum esse voluit quam
 vinum dulce, eo quod pulmonem mollit, &
 sputum mediocriter educit, & tusses mitigat.
 ad hæc t. 13. nulla, inquit, quæ aquosior est
 sputum

sputum educit magis, pulmonemq. mollit.
vnde lib. 2. prædictio. vniuerse dixit, qui ni- ^{4a}
 mium poti sunt difficilem habent respiratio-
 nem. quibus ex omnibus comprobatur, ea,
 quæ pro potu assumuntur, aliqua ex parte
 pulmones adire. & enucleatius istud confir-
 matur ex pulmonis morbis quos potus effi-
 cit. quamobrem lib. 2. de morb. Hipp. ex ^{5a}
 ebrietate erisypelas in pulmone nasci testa-
 tus est. & lib. de inter. affect. ex vinolentia
 in parte eadem inflammationem oriri. quo ^{6a}
citato libro hydropem ex eo potissimum fie-
 ri scribit, cum aliquis æstiuo tempore sitiens
 aquam multam potatus fuerit, fueritq. ex-
 pletus pulmo. simillima igitur ratione, ex
 olei vitrioli, cum aquis, vel etiam refrige-
 rantibus, alijsq. his similibus, ingurgitatio-
 ne ea quæ illi inest, vis corrodendi, pulmo-
 nes exulcerari verisimile est. ex quo sequi-
 tur nullum adiuumentum afferre illud posse
 tabidis. Sed est hac in re laudandus Minder.
dum cap. 9. lib. de chalcantho in pulmonis
 pectorisq. morbis chalcanthinū oleum pror-
 fus reprobatur; neque ijs accommodatum vlla
 ratione censet. Itaq. ex ipsis Spagyricis cō-
 stat, phtisi, alijsq. pectoris vitijs reprobā-
 dum vitrioli olei vsum.

*de lucis ad
spagyrum*

*est ex rebus
chalcanthi*

2^a quest

In sanguinis sputo non me latet arrisisse
nonnullis olei chalcanthini vsum. atramen
ex Orib. notabam ipse lib. 10. coll. cap. 22.

Quinque generibus præsidiorum sanguinis
sputum cohiberi scilicet refrigerantibus, ag-
glutinantibus, siccantibus, & adurentibus:
vt mysi, calcitide, atramento futorio, quæ
in adurentium numero reponuntur. cuius fa-
cultates cū emuletur oleum chalcanthinum,

& ipsum in adurentium numero collocan-
dum est. Cæterum adurentia duplici nomi-
ne reijcientur in sanguinis sputo, primò quia

illud agglutinātibus cohibendum est eodem
Orib. teste præallegat. loco & hinc factum
est, vt exiccantia, & adurentia (quale est
oleum chalcanthinum) reprobauerit ille.

Secundò quia idem auctor ex agglutinantibus
suspectum habuit gypsum, cærussam,

dyphringes, & cadmiam, quæ veneni vim
habent, qua pari ratione reijciendum est
oleum chalcanthinum, quod veneni suspicio-
ne non caret. Dicit quispiam, ideo vitrioli
oleum vsurpandum in sputo sanguinis, quo-
niam vehementer astringit, & exiccat: qui-
bus medicaminibus sanguinis reiectionem
compesci in confesso est. Huic obuiam eun-
dum est, eò, quòd eximie illud astringit, &
exic-

adurentia
reijcienda
in sanguinis
sputo
parato

2^a ratio

obiciendo

resp^o

exic-

exiccat, euitandū in sanguinis sputo. Etenim
fugienda sunt (inquit Aetius lib. 8. cap. 63.) *quæ resp.*
in omnibus sanguinē expuentibus vehemen-
ter astringentia, & excellenter inspissantia.
Et exiccantium, dixit Aret. lib. 2. acut. pass.
cur. cap. 2. aut crassarum mediocritates con-
iectura assequi oportet id genus namq. tuf-
sim mouent, siccitatis quoque excellentia,
nonnullis venas lacerauit. quæ allati aucto-
res tradidere præcepta, vt discamus, vehe-
menter astringentia, & exiccantia reijcien-
da in sputi sanguinis curatione. Quam fa-
cultatem quoniam chalcanthinum oleum af-
secutum est, ideo reprobandum illud est in
illius curatione. *cordharium*
deductio

Oleum chalcanthinum, an cardiacum
sit medicamentum. Cap. XII.

Quemadmodum medicamentorū non-
nulla sunt, quæ propria dote hanc,
vel illam corporis partem præcipuè lædunt,
illiq. inimica sunt; pari ratione ex ijs non-
nulla extant, quæ suapte natura, teste Gal.
lib. 5. de simpl. cap. 24. & lib. de theriaca,
ad Pyl. cap. 4. membra nonnulla iuuant, ex
quo etiam iuuamine cognominationem su-

cur talia
scēpere adeo vt hæc caphalica, exempli gra-
tia dicantur, cardiaca illa . & sic de singu-
lis . & causam assignantes, medici, referunt
illam in cognationem, & similitudinem, quæ
inter medicamenta est, & partes nostri cor-
poris . His facultatibus non omnino spolia-
tum oleum chalcanthinum deprædicatur :
quando inter cæteras dotes, hæc vna tribui-
tur illi, vt cardiacum sit medicamentum .

*sensu Minder
q̃d sit cordia-
cum.*
Hoc insinuauit Minder. dum lib. de chalcân-
tho cap. 9. scribebat. hic est rubus ille Iudæus
cordis vires reparans, cuius dotes innumeræ,
ac facultates insignes nullo sunt volumine
compræhendendæ . & rursus eodem capite
sic de illo differit . cum syrupo florum bor-
raginis, ac buglossæ; item cum syrupo florum
runicæ, ac rubi Iudæi, vel violata ex folio-
lis cor recreat, & infirmas eius vires reparat.
Quinimo chalcantho ipso ea facultas dona-
tur, vt cordi, alijs medicamentis admixtum,
& super positum, pestem auertat, corporaq.
præcaueat. Quam sententiam secutus Heur.
*confusio
Heur.*
medicamen huic vsui accommodatum in
hunc modum conficit lib. de peste cap. 8. Ac-
M
cipe adipem serpentum, adde theriacam, &
parum vitrioli, & cum succo citriorum illi-
ne regioni cordis, & arteriarum . est sanè,
inquit

inquit ille, excelsum remedium.

Veruntamen veritati suus detur locus, nulla vi, nullaq. facultate adeò insignitum chalcanthinum oleum existimo, vt cardiacum sit medicamen. nam, si Gentili habenda fides est, hic f. 11. 3. t. 1. cap. 8. duo necessaria voluit ad efficiendum cardiacum medicamentum, scilicet vt peculiari dote cor roboret, & temperatæ, vel parum excedentis sit temperiei. Medicina, inquit ille, vere cordialis confortat cor, & æqualis est complexionis, vel parum excedentis. Itaque pari consensu Lud. Merc. tom. 1. lib. 3. par. 3. quæst. 213. art. 3. & Capiuac. lib. 2. meth. curan. human. corp. affect. cap. 8. in omni cordis morbo euitanda decreuerunt vehementer calefacientia, vel refrigerantia, & vehementer astringentia. eo quod calefacientibus virtutis substantia dissoluitur, refrigerantibus qualitas immutatur ad frigidū, astringentibus cohibentur excrementa; harum priores igitur facultates concurrunt ad constituendum cardiacum medicamentū, & posteriores reluctantur: hisce prioribus carere, & nonnullarum pollere ex posterioribus oleum chalcanthinum in confesso est. nam peculiaris illi non inest facultas roborandi

concurrit
series

p. a. f. 11. 3.

medicina
cordialis q.
lis.

2^a p. f. 11. 3.
3^a

2^a p. f. 11. 3.

p. a. f. 11. 3.

cor, cum potius aduersetur illi. proprium enim venenorum est, vt peculiari dote cordi detrimentum afferant. Venenum quippe est oleum chalcanthinum. quamobrem ex hoc capite rejicitur ab ordine cardiacorum medicaminum. Rursus quia causticum illud est medicamentum, summe quoque calidum est. & quoniam vehementer astringit, sequitur illud minime affecutum cardiaci medicamenti facultates: sed potius qua pollet venefica potentia cordi aduersari, nec, tanquam cardiacum medicamentum opitulari.

questo 2a

Reliquum est pauca addere de chalcátho: illud nimirum cordi suppositum alijs etiam medicaminibus admixtum non ita tueri cor, vt hominem præseruet à peste. pro qua euidentius definienda quæstione animaduertendum arbitror, arrisisse multis consilium ad præseruandū hominem à peste eiusq. contagio, vt arsenici crySTALLINI portio gestetur super cordis regionem, à quo tueri hominem à pestis labe fama est. qua in re exequenda monitum fuit à Vidio Seniore lib. 6. de feb. cap. 5. vt arsenicum inclusum gestiatur sericio lacculo: eo nempe consilio, ne partem nudam cōtingat, & fuit ab eodem adiectum, quo tempore gestetur illud, declinandas omnes

Aliquos
sentia de
arsenico

vidii ad
monitio-
nes pa

nes occasiones , quæ sudorem excitare possint : ne, rarefactis cutis poris , venenosi vapores cum vitæ discrimine cor infestent . at verò Augen. t. 1. epist. lib. 9. epist. 1. late disputat , nec pro curanda pestilenti febre , neque etiam pro homine præservando ab illius incurſu quicquā opus afferre crystallinum arsenicum gestatum . Pari quoque ratione de chalcantho affirmare auferim , neque manifestis , neque occultis qualitatibus cor ita munire , vt hominem tueatur à peste . quin imo venefica , atque eximiè calefacienti facultate cordi infensum esse , & inimicum . & tunc præcipuè , cum nudam carnem attingit : adeo vt detrimentum afferat cordi , alijs etiam medicaminibus admixtum , & illinitum , quam iuuamen , aut commodum . Vnde non mediocri carent culpa , qui calidissima medicamenta , inter quæ reponitur chalcanthum , cordi apponunt , cum febrem pestilentem curare dant operam : eoq. eximie hæc calefaciendo , febrem acuunt , calefacto cordi calorem addunt , & febrem ipsam adaugent . ex quo nullum iuuamen consequitur ex laudatissimo , & celebratissimo medicamento .

220

Augerii
contraria
serua

devisio
simili

corollariū

Oleum chalcantimum, an vesicæ lapidem frangat. Cap. XIII.

*Munda
sensa*

Non tatum Minder. cap. 10. lib. de chalcanto, verum etiam alij nonnulli sensere, oleum chalcantimum ea facultate præditum esse, vt, deuoratum, vesicæ lapidem confringat. quod an recta ratione traditum sit, assequi non est facile, nisi prius inquisi-

*qua facultas
posse potest
lapidem
genera*

uerimus qua facultate sint prædita medicamina, si quæ sunt, lapidem atterentia. horum facultates nos docuit Gal. 10. catatop.

Galienus

cap. 1. cum dixit quæ calculosis auxiliantur vnica facultate indigent, quæ secare, & abstergere cū manifesta caliditate possunt, sunt autem ferè omnia amara. Attamen caliditatis gradum non summum, sed valde remissum illa sortiri in confesso, est: quando Gal.

confirmat

lib. de renum affect. cap. 4. tepido calore prædita memoriæ mandauit, dum scribebat. Si post hæc omnia, quæ diximus, lapis adhuc firmiter resistat, vtendum est medicaminibus, quibus conteratur, quæ tepidam facultatem habent: Nam calida vrinam prouocantia indurant lapidem; quæ vero tepidam virtutem habet, paulatim comminuunt lapidem,

dēm, nec eum duriores reddunt. Non dubito quin hoc senserit Auic. f. 18. 3. tract. postremo cap. 19. cum non admodum calida esse voluit medicamina lapidem atterentia; & idipsum voluisse sibi Auerr. 5. coll. cap. 20. cum calorem in illis suauem optandum esse decreuit, nec admodum calida illa expetenda esse. siquidem, quæ valde calefaciunt, calculosis dari nullo modo conuenit Gal. teste 6. de tuen. valet. cap. 11. Itaq. (sæpe sæpius constituto chalcanthinum oleum summe calidum esse) decernendum est, non illum caloris gradum affectum; eamq. naturam facultatem, qua lapidem confringere quæat, quinimo, illo potato, ingens potius detrimentum consequi quod est commune omnibus summe calefacientibus: quemadmodum indicauit Fernel. lib. 5. meth. cap. 25. in hunc modum scribens. Solidiores verosq. calculos, quæ propriè comminuere traduntur, attenuant, inciduntq. nullo calore, nullaq. siccitate insigni: nimius enim calor concretum calculum magis excoquit, & obdurat, obiterq. quæcunque medijs vijs obhærescunt superuacanea secum in renes deducit, vnde vrina aliàs supprimitur, aliàs tenuis perlucida præterfluit.

conferma
alio

alio

alio

cardiacus
et sic præ
concordia

alio

Quinimo

2^a 204^o Quinimo pensitando quæ calculus effici-
 cientem causam habeat, inueniemus, oleum
 chalcanthinum non parum conducere ad il-
 lum efficiendum, & augendum. Quando-
 quidem Gal. calculi efficientem causam re-
 citando, illam opinatus est calorem esse, eun-
 demq. interdum non ignauum. hoc declara-
 uit ille 3. aphor. 26. vbi, inter cæteras causas,
 2^a 205^o quonobrem calculi fiunt pueris, caloris ve-
 hementiâ arbitratus est. vnde 3. de aliment.
 facult. cap. 17. in ijs corporibus calculos na-
 sci memoriæ mandauit, in quibus succorum
 crassities cum igneo calore coniuncta est.
 3^a hanc sententiam sequitur Auic. f. 18. 3. t. po-
 stremo cap. 17. cum vessicæ, ac renum cal-
 culi causam efficientem esse perhibuit cali-
 ditatem ab æqualitate sua, vt ille loquitur,
 egressam. Galeno famulatur Paul. lib. 3. c. 15.
 4^a 5^a & Aetius lib. 2. cap. 4. quorum prior igneam
 caliditatem, posterior ardorem esse in causa,
 quamobrè concreseat lapis, posteritati scri-
 ptum reliquere. Sed ante omnes Hipp. ipse
 ita de calculi efficiente causa locutus est, vt
 omnino consensendum videatur, calorem
 etiam non ignauum illius causam efficien-
 tem constituendum esse. Itaq. lib. 2. de nat.
 6^a hum. text. 2. pueris calculos in vessica fieri
 docuit,

docuit, & ob partis illius, & ob corporis totius caliditatem. hinc lib. 4. de morb. dum exarat qua de causa pueris concrecant lapides in veflica, comparat generationi ferri illorum procreationem; quod vi ignis ex lapidibus, ac terra separatur, agglutinaturque, qua pari ratione, inquit ille, quod est feculentum in veflica, ferri instar, densatur, solidumque fit. at vi ignea ferrum conficitur. ignea ergo caliditate calculus in veflica agglutinatur, densaturque. in veflicæ pariter caliditatem causam refert Hipp. lib. de aëre, aquis & locis, quare potatoribus aquarum magnorum fluminum, & pueris lac impurum sugentibus fiunt calculi. qua vnanimi classicorum auctorum sententia liquet, efficientem calculi causam decernendum esse calorem, eundemque interdum non igneum, siue partium proprius, siue ascititius fit.

Non ignoro, dubitari posse, an vere dictum sit, ab vrenti calore posse effici lapidē. Etenim Hier. Merc. lib. 2. variar. lect. cap. 11. & lib. 3. de curan. human. corp. malis c. 33. à caliditate satis moderata, quam teporem appellat, tanquam à causa efficiente, lapidem formari testatus est. Quinimo, & à frigida causa cogi lapidem, ex eo videtur probari,

7^a

8^a

Obiecto

p. 3. p. 4.

bari, quoniam idē Merc. loco allegato lib. 2.
 var. leſt. de Gal. ſententia ſubſtinet, quem
 inibi etiam repræhendit, lapidem veſicæ in
 pueris ob frigiditatem gigni. Card. etiam
 2^a 4. aphor. 79. frigus tanquam calculi efficien-
 tem cauſſam admittit, ſic perhibens. materia
 multa, craſſa, ac terrea cogitur in vnum in
 veſſica, primum quidem ad quantitatem ci-
 ceris, aut fabæ, cuius pars intima concreſcit:
 &, quoniam eiſci non poteſt, tandem calore,
 ac frigore parte tenui conſumpta, in lapillum
 coaleſcit. fauet huic ſententiæ Alex. 2. probl.
 3^a 45. dum expoſuit, ſenibus ideo calculos fie-
 ri quoniam frigidioreſ ſunt. & famulantur
 quæ in hunc modum ſcripſit Areth. lib. 2.
 4^a tard. paſſ. cap. 3. concretionis cauſſæ gemi-
 næ ſunt: in ſenibus frigidum corpus & craſ-
 ſus ſanguis. frigidum verò craſſas materias
 celerius cogit. indicio ſunt aquarum natura
 calidarum fontes: hæ namq. refrigeratæ in
 tophaceum lapidem condenſantur / ſed po-
 ſtremæ huius ſententiæ vanitatem, nempe
 calculum minime cogi à frigida cauſa cla-
 ram effecit Ariſt. 10. probl. 42. vbi querens
 cur nullum animal, niſi homo, calculum pa-
 tiatur, inter cæteras cauſſas loci caliditatem
 affert in qua fit calculus: annuens calorem
 ſolum

reſoluitur
 data 1770

90

solum illius esse causam . quæ eadem Alex.
fuit opinio primo probl. 110. cum affirmavit
calculum calorem consistere tum pueris, tum
senibus . At clarior multo Gal. sententia est
lib. de renum affect. cap. 2. affirmantis fie-
ri non posse, vt viuentē homine, tantum,
frigus augeatur, quo lapis cōcrescere valeat.
& Card. ipse contrariæ opinionis sectator
lib. de alim. lect. 41. renum, & vesicæ lapi-
dis non aliud agnoscit agens, præter calo-
rem. Itaq. Merc. Gal. sententiam non asse-
cutum affirmandum est, dum voluit, illum
constituere auctorem, vt senserit, à frigore
lapidem cōspissari, dum 3. in 6. epid. com. 15.
ob vesicæ frigiditatem lapidem concre-
dixit. Scitum enim sit oportet, vesicæ cal-
culum ab vrenti quidem calore coalescere.
veritati tamen non repugnare, effici illum
nonnunquam etiam à moderato. vt Gal. in-
sinuauit citato nuper commentario, cum tra-
didit, à calore etiam mediocri materiam la-
pidis conspissari: ex industria equidem ap-
posita est particula, etiam, scilicet vt indi-
caretur à vehementi etiam calore, vti & à
mediocri ad lapidem procreandum mate-
riam illius cogi. at clariora multo sunt ver-
ba illius lib. de renum affect. loco antea cita-
to,

2°

3°

4°

notatur
Mercurialis

ad Gal. laudat

causa

inexpugnabile

ca

to, vbi, cum asseuerasset, tantum frigoris in
 homine non existere, qui satis sit ad lapidem
 efficiendum, subiecit. à calore, vel vehemen-
 ti, vel tepido illum conspissari. ex hoc ergo
 compertum fit, amplectendam non esse eius-
 dem Merc. sententiam, qua constitutum voluit,
 à moderato tantum calore lapidem vesficæ
 effici, vehementiore reiecto. Siquidem præal-
 legata Gal. testimonia contrarium suadent:
 & Merc. ipse lib. 2. de morb. puer. cap. 21.
 dum lapidis vesficæ causam efficientem ca-
 loris magnitudinem constituere non dubita-
 uit: adeò vt, ex sententia illius, calor etiam
 vehemens minime reiiciendus sit ab efficien-
 te lapidis causa. Vnde dum Gal. vesficæ fri-
 giditatē materiam ad se transmissam cogere
 & conspissare protulit, frigiditatis nomine
 intelligenda minime venit ipsa frigiditas, sed
 imbecillis calor vesficæ, quem satis esse ar-
 bitratus est ad lapidem condensandū. Com-
 paratiue enim ad partes calidiores, vesficam,
 aut particulas nonnullas imbecilliore calore
 præditas, frigidas appellare consuevit Gal.
 facilis quoq. solutio est Alex. probl. vbi vi-
 sus est constituisse senes, eò quod frigidiores
 sunt, calculosos fieri solutio enim hæc est,
 inibi minime verba fieri de causa lapidem
 effi.

7.º ex ipso
 me Alex.

ad unum
 ad Gal.^m

ad Alex.^m
 9.º

efficiente. sed de causa quamobrem multa colligantur excrementa, ex quibus senibus lapides fiunt. perhibuit ergò, cur senes, & pueri magis, quam, qui ætate sunt firmiore, calculosi sunt? pueri ut ædaciores, senes ut frigidiore, & imbecilliores multa per cruditatem colligunt excrementa, quæ calculum colligunt. Arethei denique auctoritas, vel deferenda est, vel ita interpretanda, ut in senibus naturalis frigiditas in causa sit quamobrem crassiores humores procreentur, collectiq. inspissentur in lapidem adeo ut non de causa efficiente proxima, sed efficiente materiam sermo potissimum sit. & hanc constituat non positivam frigiditatem, sed frigidum corporis temperamentum, cuius calorem satis remissum, & debiliorem censeat conducere ad materiam procreandam, ex qua lapis fiat. Igitur, ut coeptum sermonem prosequar, quia iam satis constat, calorem etiam non ignaum velle lapidis efficientem causam esse, & hunc acui, augeriq. posse chalcantini olei usu, hinc sequitur, ut prorsus illud reiiciendum sit ad illius medellam.

ad Arethum
ad 4^m

concludas
2^a 2^a rationis

Dicet fortè quispiam, aciditate, ac tenuitate partium chalcantini oleum lapidem confringere,

instat

*conuallif
Lacur*

1^o

fringere, vel etiam propria sua dote, quæ à tota substantia pender. ex Auer. enim loco antea deducto satis compertum est, falsifraga nonnulla existere, quæ à proprietate, quam totam substantiam dicunt, hoc opus moluntur. Aciditate verò idipsum posse efficere oleum chalcanthinum, argumentum deduci facile potest ab aceto, quod Aetio

2^o

teste lib. & cap. 11. calculosis omnibus hac de causa exhibendum est. & confirmatur Vitruuij dissertatione cap. 3. lib. 8. comprobantis, acidas aquas similibus rationibus petitis ab aceto lapides confringere. quibus, oleum chalcanthinum, & si acre sit, aciditate potentiùs esse cum constet, efficaciori. potentia præditum cum sit, facilè rationi conuincimur, & illud lapidem vesiçæ atterere. Sed

3^o

his obuiam itur, sanationis exempla desiderare nos, vt fateamur oleum è chalcantho suapte natura vesiçæ lapidem confringere. Verum hac in parte ignorandum non est, detrimentum inferre posse illud; certis argumentis assequi nos. quod verò lapidem atterat probare velle; hoc opus hic labor est. Nos enim alio opere docuimus, vesiçæ lapidem grandiorè factum crudum esse morbum, hoc est curationi rebellem, & contumacem:

ppa pua

his obuiam itur, sanationis exempla desiderare nos, vt fateamur oleum è chalcantho suapte natura vesiçæ lapidem confringere. Verum hac in parte ignorandum non est, detrimentum inferre posse illud; certis argumentis assequi nos. quod verò lapidem atterat probare velle; hoc opus hic labor est. Nos enim alio opere docuimus, vesiçæ lapidem grandiorè factum crudum esse morbum, hoc est curationi rebellem, & contumacem:

macem: adeo ut nullis cedat remedijs. & idcirco omnem curationem ab illis expetitam temerariam esse, & inanem. Vnde est, ut rectè censeam dictum à Capiuac. lib. 3. meth. curan. morb. cap. 28. nescire se remedia, quæ calculū in vesica frangere quæant. Rationes ergo deductæ ex Viétruuio diluuntur; parem nullo modo sortiri efficaciam remedia exterius apposita, & usurpata, cum deuoratis ad contringendum lapidem. Etenim quo tempore optamus quidpiam aceto dissolui, atque conteri (à quo par ratio cæterorum acidorum desumitur) illud immergendo nullis rebus admixtum, acetoq. ipso nulla passo alteratione pro sua efficacia acētum operatur, & forte, quæ optamus, dissoluit: at non sic contingit, cum ingestum est ad lapidem conterendum, siquidem viarum longitudine, & concoctionibus immutatur, alteratur, ac penè corrumpitur antequam vesicam adeat: vnde est, ut suæ efficacix tantum amittat, ut votis non respondeat sanatio. quā rationi deductæ ex aquis acidis ^{+ quæquam} dici possit has sua potentia lapides vesicæ nullo modo confringere, siq. experimento acquiescendum est, hoc ipsum experimento comprobare non esset difficile. Sed de aquis

acidis differere, in magis opportunum locum relinquo.

Oleum vitrioli, an melancholicis conueniat: & utrum phlegma illius, illiusq. oleum morbis uteri dari possit.

Cap. XIV.

I Audō doctissimi viri conatum, dum aduersus Minder, operam dedit demonstrare, melancholiæ hippocondriacæ vitrioli spiritus non conducere: nec non phlegma vitrioli, illiusq. oleum aduersum. Sed deductas ad hæc probanda rationes satis inefficaces censeo. Siquidem melancholiæ, ideo oleum vitrioli, vel eius spiritus contrariari promulgatur, quoniam Hipp. 3. acut. 38. acetum melancholicis minime conuenire dixit, quia fermentat atrum humorem. Uterinis vero affectionibus phlegma vitrioli, vel oleum idcirco aduersari dicitur, quoniam Hipp. sententia est citati lib. 3. acut. 39. mulieribus longe magis quam viris aduersari acetum, eò quod uterum dolore afficit. Si ergo acetum, ita subiicitur, ut acidum utero aduersatur,

satur, vitrioli phlegma, vtpote in aciditate potentius, magis aduersabitur; maximè verò, & extremè vitrioli oleum acidissimum.

Quas ab aceto depromptas rationes non tanti faciendas existimo, vt illis persuasum habeam melancholicis, & vterinis affectionibus minime opem afferre oleum vitrioli, vel eius phlegma. Nam & si Hipp. quæ de aceto depradicata sunt, protulerit, non tamen testimonia defunt quibus demonstratur melancholicis (vt ab illis exordiar) opem afferre ipsum acetum. Pro qua re euidentius declaranda ignorandum non est, ea de causa aceti commoda, & detrimenta præcipuè exarasse Hipp. citato lib. 3. acut. vt quibus obesse, vel prodesse possit oximel depræhendamus, ex cuius admixtione illud conficitur. Quare, vti ex aceti cognitione, & viribus illius, oximelitis facultates intelligimus, prout aceti admixtio patitur, pari ratione ex oximelitis viribus de aceto philosophamur. Cæterum oximel melancholicis cum iuuamine propinari indicasse visus est Oribas. lib. 5. coll. cap. 24. vbi oximel omni ætati, & naturæ ad tuendam valetudinem vtilissimum esse promulgauit. At melancholicos eos dicimus, qui vel natura sunt melancholici, vel

*inferma
illius
nos*

occurrit

*phlegma
est
pro
pauca
p. 1*

morbo ex melancholia exorto laborant. Ergo, quoniam oximel conducit omni naturæ, melancholicis etiam prodesse cōsensiendum est. Cæterum melancholicis nonnunquam oximel, vel acetum ipsum conducere duo satis insignes affectiones exprimunt, melancholicus scilicet morbus, & quartana febris: quibus in curandis affectionibus, quas ab humore melancholico effici communis opinio tuetur, nonnunquam acetum alias oximel, siue syrupum acetosum proponunt medici, eaq. suadent propinanda.

2^a Pro quartana febre curāda nonnunquam acetum, vel medicamina ex aceto confata usurpare medicos testem laudare est Celsum lib. 3. cap. 16. qui in quartana duplici calefacientia ante accessionem sorbenda mandavit, vel aceti cyatos duos. Sanè Gal. 1. ad Glauç. cap. 5. admonuit, non rarò quartanam splene male affecto gigni: quo patiente viscere, curationem illius nullo pacto negligendam ratio suadet, vt quartana rite curetur: lieni vero acetum, vel acetum multum satis accommodatū Gal. ipse perhibuit lib. 9. de compos. med. sec. loc. cap. 2. adeo vt hanc saltē ob causam, dum viscus illud patitur quod melancholici succi est receptaculum,

3^a

4^a

lum,

lum, acetum à quartanæ febris curatione minime rejiciendum videatur. Hanc evidenti-
tius, confirmat conclusionem Auerr. 7. coll. 52
cap. 14. quo loco, documenta traditurus ad
febrem quartanam exactè curandam, ea me-
dicamenta præcipuè commendavit, quæ sple-
ni consulunt: eaq. propinanda dixit cum sy-
rupo squizibin, vel (vt alij legunt) squingi-
bin facto ex vuis passis. Et enucleatius locu-
tus est Halliab. lib. 3. præct. cap. 14. vbi non 63
raro quartanarij squinzibin proponit exhi-
bendum. Est autem squinzibin apud Ara-
bes (vti Simeon Ianuensis interpretatus est
in suo libro inscripto clavis sanationis, ver-
bo oximel) vox, quæ apud illos syrupum
acetosum ex melle, vel ex saccharo comple-
ctitur. hoc est, vox ista squinzibin apud Ara-
bes tam syrupum acetosum, quam oximel
exprimit. Hinc Auëzoarris Interpretes lib. 2.
tract. 4. cap. 1. vocem, squinzibin, oximel
vertunt: & Andreas Beluensis in sua Arabi-
corum nominum interpretatione, dictionem
illam, squinzibin, fasaufeli syrupum vertit
acetosum de cidonijs. Quo perspicuum fit
hac, vna voce, squinzibin, syrupum aceto-
sum completi Arabes. Distinguunt verò
nonnunquam hæc compositiones, quod sy-

7^a
8^a
9^a
10^a
11^a
12^a
 rupum acetosum squinzibin saccari appel-
 lant, oximel verò, squinzibin mellis: vt vi-
 dere est apud Halliab. lib. 10. pract. cap. 20. ⁺
 ad febrem quãrtanam curandam præscripsis-
 se exhibendum esse. squinzibin (quæ vox ex-
 primit, vel syrupum acetosum, vel oximel)
 medicamina ex aceto conflata non abhor-
 ruisse visi sunt. Quare non immeritò Auic.
 f. 1. 3. t. 1. cap. 29. acetum commune dige-
 stium esse dixit omnibus materijs. Qua in
 ratione humorem etiam melancholicum cõ-
 plexum inibi testatur Gentilis. adeò vt ne-
 que à quartanæ febris medela, neque in mor-
 bi ipsius melancholici reiiciendum, quin po-
 tius vsurpandum videatur. Hinc factum cen-
 seo, vt Petrus Apponen. conciliatoris sui dif-
 fer. 170. & Iacob. de part. f. 1. 4. t. 2. cap. 9.
 in fine, syrupum acetosum omni materiæ cõ-
 ducere affirmarunt, tametsi melancholicus
 succus illa sit. Ex quibus non ignobilis etiam
 ratio deducitur, melancholico morbo op-
 pressis syrupo acetoso, vel aceto ipso opitu-
 lari interdum. Quod clarius confirmauit
 Paul. lib. 3. cap. 14. cum, melancholico, di-
 xit, aceti quam acerrimi modicum sorbitio-
 ni datur somnum inituro. His consentanea
 locutus est Aetius lib. 6. cap. 10. apud quem
 poste.

+
 vng. Apponen. conciliatoris sui
 differ. 170.

posteritati scriptum reperitur . placet præter hæc omnia (de melancholico quippe morbo illi sermo est) vt aceti acerrimi, quantum est cocleare , post cenam bibat , vbi dormitum accedit. Forte fortuna hanc sententiam reijcere conatus est Auic.f. 1. 3. t. 4. cap. 20. dum recitauit, extitisse nonnullos, qui laudarunt, vt in qualibet nocte melancholici acetum, forbeant : quorum sententiam idcirco suspectam habuit, quoniam aceti malitia illi timorem dedit huic morbo aduersa . Quanquam in morbo genito ex cholera adusta ; vel male affecto liene , acetum conducere affirmare non dubitauit ; Et, cum alibi dixerit, vt paulo ante retulimus, acetum esse commune digestiui omnibus materijs, neque etiam in ipso morbo melancholico, à qua vis caussa genito, reijciendum videtur: vt nec reijciendum est acetum scylliticum, si Diosc. habenda fides est cap. 17. lib. 5. tradentis vtiliter melancholicis illud dari . Quibus ex omnibus colligo melancholicis non ita aduersum acetum , & medicamina ex illo concinnata , vt omnino veniat respuendum : quinimo salubriter interdum vsurpari .

In vterinis affectionibus (quod erat secundum disputationis caput) acetum, vel ex ace-

quæ
respirationi
Amicorum

17A

corollarium
& p^o p^o p^o

2^m p^o p^o

to pharmaca concinnata minimè reformi-
danda illa suadet ratio, quoniam Hipp. id-
circo mulieribus, magis quam viris, acetum
infensum dixit, quòd vteri dolores afferat:
& nihilominus idem Hipp. hac deposita for-
midine, acetum ipsum in vterum immittere
non dubitauit. quemadmodùm videre est apud
illum lib. de nat. mul. quando de vteri inflam-
matione sermone instituto, scribebat. Vte-
ros eluito pari mensura aceti ad aquam ad-
mixta. & de processu vteri ad coxam verba
faciens, aiebat. Post, fomento ad vteros adhi-
bito ex vino, medicamenta cum lauro præ-
parata immittito, & apponito, quæ non mor-
dent admixto aceto. Et rursus edisserens de
acetabulis pituita plenis, hæc memoriæ man-
dabat. post subditicia apposita, pari mensu-
ra aceti ad aquam admixta eluito. Quibus
addo Auenzo. loco præallegato, qui perbel-
le disputat, vterum ab aceto ledi, & oxime-
lite: modica tamen in quantitate illa se vsur-
pare, affirmare non dubitauit. Et Gal. 9. de
compos. med. fec. loc. cap. 10. cui consensit
Auic. f. 21. 3. t. 4. cap. 18. in vteri strangu-
latu acetum scylliticum ad sorbendum dan-
dum esse censuere. Ab hac sententia lon-
ginqua non sunt, quæ nonnulli ex proba-
tis

sis auctoribus tradidere. Siquidem Aetius
lib. 16. cap. 66. nimium fluentibus mensibus 7^a
poscam propinat. & Paul. lib. 3. cap. 62. in 8^a
eadem affectione sesamum in aceto macera-
tum edendum suadet. Hinc Auic. f. proxi- 9^a
mè citata, r. & cap. 3. in eadem affectione,
curanda, præterquam quod citrij acredinem
commendauit, quoddam suum medicamen-
tum cum aceto forti, & acuto (vt verbis illius
vtar) conficiendum mandauit: & cibaria ex
lentibus aceto condiri decreuit. Vnde liqui- cordiliani
dò apparet non adeò reformidandum ace-
tū, quæque aceto admixto conficiuntur phar-
maca, in muliebribus morbis, vt interdum
etiam vsurpanda non sint.

Quæ tamen omnia non eo consilio attuli,
quasi velim contra Hipp. decreta sentire, &
illius opinionem insectari. Enimuero isthæc
omnia illius sententiæ maximè consona cen-
seo. Is enim dum acetum, oximel, & alia
his similia muliebribus infensa, & noxia ef-
se testatus est; de aceto, & alijs eiusdem or- respond
dinis locutus est quo tempore ijs solis potio- Hipp.
nis loco nutriuntur mulieres: vel etiam dum
in maxima assumuntur quantitate. non au-
tem dum in moderata, vel parca quantita-
te sorbentur medicamento loco. Illæq. alijs
etiam

etiam medicamentis sunt enutritæ. Hoc sibi voluisse Hipp. inter cæteros satis appositè indicauit Trincauel. suis comment. lib. 1. ad Glauc. cap. 14. lect. 96. qui, hac, de qua *conferre*
no agitur, proposita sibi quæstione, multisq. allatis rationibus, quibus demonstratur, acetum, vel oximel non omnino interdicendum foem. inis, illam in hunc modum diluit. Considerandum est quòd alia ratio oximelitis est, cum eo solo utimur loco alimenti, & potus, ut consueuerant antiqui medici in peracutis morbis, in quibus solo potu alebant ægrotantes. Potus autem erat, aut oximel, aut mulsæ, aut apomeli. alia vero est, cum usus eius est in morbis minus acutis, ubi, præter potum, utebantur, & sorbitione. ut hordei cremore, aut ptissana. alia etiam ratio, cum eo dumtaxat tanquam medicamento utimur, ut cum eo, vel cum alijs medicinalibus decoctis, vel syrupis utimur. Nam cum eo solo sine alia sorbitione utimur, magis acetum imprimit, & in intestina, & alias nervosas partes; cum nudas eas, aut nullo munimento defensas, inueniat. At, si alius præcesserit cibus, vel sorbitio, illiniuntur interim illo partes, per quas est illi transitus: ut neque deinde illis infringi, & eas abradere, ita faci-

facile possit: & quoquo modo obtunditur eius acrimonia . & quo longinquior est via, eò magis obtunditur . Hoc autem loco, si rem rectè perpendas, de eius vsu sermo est, quando eo solo, tam cibi, quam potus vice utimur: neque tamen tollitur, quo minus possimus tanquã medicamento vbi & cum alijs mixto; vt illis addat vim maiorem secandi, & detergendi . Cui etiam accedit, quod, si oximel parum acre fuerit, nempe ex modico aceto, parum admodum habet (vt ibidem ambo docuere) quod possit nocere, plurimum verò quod prodesse . haftenus Trincauelli .

Hæc eadem solutio locum sortitur, cum de melancholicis sermo est, & illam loco prius citato indicauit Iacob. de part. scilicet acetum noxium melancholicis, vel oximel loco cibi, aut potus exhibita: non autem medicamento loco, moderata etiam in quantitate propinata, & alijs admixta . Quamquã Pauli locum & Aetij aliter conciliare operam dederunt ex Neotericis viri doctissimi: quorum sententias non tanquam recõditas, sed vniuerso orbi patentes audire libeat proprijs de melancholia disputationibus exartatas . Et prior Donato ab Altomari detur locus in hunc modum scribenti . Ab Aetio, & Paulo

amphiac.
pordione
ad melanc
oliam
compone

ad paulum
& Aetium

per respo
alimbo

Paulo extollitur aceti sorbitio quam acerri-
mi post omnem cibum, vbi iam dormire ve-
lit æger: idq. modicum esse debet, & voluit
Paulus, & cochleari mensura, vt placuit
Aetio. fortè quoniam attenuat, ac melan-
cholicum succū discutit: vel quod assumpto-
rum ciborum vapores humidos confestim ad
caput deferat, somnumq. propterea conci-
liet, illud probarunt. Qua de re, siue iam,
dictis rationibus promoti, siue alijs fuerint,
absonum non erit eo vti, cum & tanti viri
ipsum approbarint. Hanc Altimari rationem,
ni fallor, castigauit Lud. Mercat. & suam in
medium attulit, sic perhibens. Ab aliqui-
bus in melancholia morbo post cœnam eius
potio commendatur, id tamen non vt atte-
nuet humores, quia erroneum esset à cibo
ipsum porrigere, neque vt somnum conciliet,
vt alij falso autumant, sed vt melancholiæ
vapores, & fuligines cerebrum ascendere
prohibeat. Hæc enim omnia coërcet. & suam
hanc opinionem alibi repetijt, de quartana
febre disputatione suscepta. Excogitauit etiā
Mercur. quandam solutionem. quam in hunc
modum edisserens expressit. Paulus velle
videtur quod detur acetum bibendum post
assumptionem succi absinthij, deinde dor-
miatur:

miatur : quia absinthium, quod est remedium melancholiæ accommodatissimum, vt magis penetret, attenuet, & euacuet, opus habet vehiculo, cuiusmodi est acetum. Secundò dico, acetum posse concedi in melancholia ex adustione non in naturali. quo in casu etiam laudat Auic. vel vbi causa morbi sit lienis vitium. est enim sententia Auerr. 7. coll. 31. acetum in liene maxime conuenire : quoniam morbi lienis à crassis humoribus oriuntur : vnde opus habent extenuatione. Accedit etiam quòd, vt dicit Auerr. eodem loco, viscus hoc proprietate quadam naturæ delectatur aceto propter saporem acidum similem melancholiæ, qua nutritur. Has & simillimas tradunt Medici dubij solutiones. qui tamen si in ratione assignanda non consentiant, conuenit nihilominus inter eos opinio, iurè optimò à Paulo melancholicis acetum propinari. ad quam eliminandam opinionem (melancholicis nempe acetum non exhibendum) laborauit vir doctissimus. Itaq. vt cœptum sermonem prosequar, ratio ab aceto deprompta inutilis est ad declarandum, pari ratione oleum vitrioli, seu spiritus illius melancholicis noxios, vt phlegma, & oleum, in morbis muliebribus.

Quo.

*conclusio
dicitur*

uero, qui parem cum aceto efficaciam oleum vitrioli sortitum arbitrantur, memores sint oportet memoriae traditum à Gal. 1. de simpl. cap. 29. in calce, ab aceto epoto interim sedari, interim verò augeri sitim. Cui si parem contendunt oleum vitrioli sortitum efficaciam omnino concedant oportet, quandoque illud augere sitim: neque rectè pronunciatum, absque vlla distinctione, chalcantii oleum sitim mulcere. Sed rem ipsam intimius perscrutemur. Sitis, de Gal. sententia 1. de simpl. cap. 30. 6. de loc. affect. cap. 3. 4. aphor. 19. & 1. de sympto. caus. cap. 7. quem, paucis exceptis, sequuntur, omnes, ex in- temperie proficietur, vel calida, vel sicca, vel etiam calida & sicca simul copulatis: quas sanari par est ab ijs potionibus, quæ potentia frigida sunt, & humida. Quibus contrarijs oleum vitrioli pollere facultatibus sæpius indicaui eo quod istud exiccat, & calefacit. Quibus facultatibus ineptum redditur ad sitim tollendam: cum potius illam augeat.

At argumenti solutio est, non solum propinari oleum è chalcantio, sed alijs admixtum solum enim ineptum est ad potandum: & liquor iste solus exhibitus ventriculo noceret,

impugnatio

alij causæ

*deservium
possit adu-
erari
sa ratio*

alij respo

ceret, vt Querc. est auctor lib. de med. miner.
spagyr. prepar. cap. 9. quare spagyricam
 sectantes doctrinam varios excogitarunt
 modos, variasque potiones, quibus oleum
 è chalcanto admixtum sitim sedare conten-
 dunt. Et exemplum, & rationem adiecit vir
 doctissimus, inquiens. Quod autem sitim
 sedet posca mineralis (quippe qui oleum è
 chalcanto aquæ mixtum sedare sitim profite-
 tur) vti vegetabilis, vel etiam à calido, &
 sicco, experientia ipsa docet chalcanthoma-
 stygicis haud nota. Et quidem utile oleum
 vitrioli non purum, quia siccissimum, sed cum
 aqua frigida, & actu humida, à quâ olei sic-
 citas retunditur, frigiditasque combinatur:
 & ita sitis sedatur, quæ postulat non poten-
 tia frigida; & humida, sed actu talia. In qua
 dissertatione notabam primo loco latè exara-
 tam, olei vitrioli siccitatem retundi ab aquæ
 humiditate; alibi verò acriter disputatum,
 inter aquam, & oleum vitrioli vti econuerso
 actionem non consequi, qua sublata, neces-
 sario inferitur, vitrioli olei siccitatem non
 retundi ab aquæ humiditate. si quæ retundi
 dicatur, admittenda omnino est inter eos
 actio, & reactio.

2^a 2^{us} Notabam secundo loco, oleum vitrioli
 suapte

suapte natura sitim non tollere, cum opus habeat aqua frigida, quæ sua humiditate olei siccitatem retundat, aliàs ineptum esset ad tollendam sitim. Quamquam non hac sola ratione aqua oleo chalcanthi admixta, sitim mulcet, verum etiam, quia illius summam infringit calefaciendi potentiam. Neque ex eo, quod sitim extinguat aquæ admixtum, illud calidum non esse, affirmandum est: vt alibi visus est indicasse vir doctissimus, quando dictabat, Aquæ mixtum refrigerat, & sitim tollit potum, ad extra cuti impositum ante dilutū nullum producit calorem. vbi est igitur hæc caliditas olei vitrioli? namque multa libet afferre exempla eorum, quæ, licet calida sint, nihilominus aquæ, vel alijs liquoribus, quæ sitim mulcere valeant, admixta sitim mulcent. Vinum equidem calidum est. & nihilosecius aqua dilutum, aqua ipsa efficacius sitim tollere hisce verbis demonstrauit, Gal. lib. 1. de simpl. cap. 29. si cum vino bibatur aqua sitim efficacius extinguit. vino scilicet ipsam ad distributionem promouente: itaq. refrigerationem sitisq. sedationem ab aqua prouenire, vt quæ frigida naturæ sit, & humidæ cæterum adminiculo esse, ac velut alas illi ad

omnes corporis partes permeandas addere
tum vinum, tum acetum, quæ ipsa nequa-
quam frigida sunt, & humida, hæc Gal. fœ-
niculum tam vehementer excalfacere lib. 7.

de simpl. memoriæ mandauit Gal. vt tertij
ordinis calefacientium censerî possit. & ta-
men ex aqua frigida potum sthomiachi fer-
uorem sedare scripsit Diosc. lib. 3. cap. 67.

anîsum quoque excalfacit testibus Gal. lib. 6.

de simpl. & Diosc. præallegato lib. 3. cap. 56.

& nihilominus potum, subiicit Diosc. sitim
extinguit. Eruum calfacere, affirmare non
dubitauit Gal. lib. 8. de simpl. & nihilosecius
ad conficiendam refrigerantem potionem,
quæque sitim exinguat, illo vtimur. Hipp.
lib. 3. de morb. apud quem sic notatum re-

peritur. Eruum in aqua præcoquito, dein-
de ollam nouam in maiorem ollam aqua ple-
nam ponito, & alia aqua eruo affusa ad mo-
dicum tempus coquito. Postea, vbi coctum
fuerit eruum, tertiam aquæ partem reliquam
excolatam bibendam dato: ita vt ad singu-
los cyatos, & cucumeris, & erui pollinem
inspergas, hoc constanter sitim sedat. sic il-
le. pari igitur ratione, quamuis donetur ad-

das manus
uersarijs, oleum chalcanthinum aquæ mixtū,
& potum sitim tollere, non hinc sequitur, il-

lud frigidum esse ; dum alijs etiam argumen-
tis calidum esse compertum habetur .

Notabam tertio loco , audacter pronun-
ciatum , postulare sitim , vt sedetur , non po-
tentia frigida , & humida , sed actu talia .
Vnde etiam subiicitur , quandoque purum
vinum non dilutum , quod actu frigidum , &
humidum fuerit , sitim sedauit : quamuis po-
tentia calidum , siccumq. Qua in parte , si
Gal. sequi velimus auctorem , falsum reperie-
mus , vinum non dilutum sitim sedare : cum
potius illam augeat . Apparet (inquit ille
præallegato cap. 29. lib. 1. de simpl.) à vino
homini semper sitim incrementum . vnde 4. acut.
comm. 1. in hunc sensum scribebat . Scio equi-
dem , me , aliquando ex æstiuo itinere siticu-
losum redditum , bibisse vini veteris paulò
sincerioris calicem vnum , atque ex eo sitim
magis auxisse non placasse . itaq. Hipp. lib.
de salub. dicta tex. 31. vinum dilutum po-
tandum esse voluit , non sincerum , ad tol-
lendam sitim , quando dictabat . Quos sitis
infestat , cibos hi , & labores minuant , & vi-
num dilutum bibant , idq. quam frigidissi-
mum . licet si de morbosa siti loqui velimus
(de qua præcipuè disputatio est) non omni-
no veritati respondet , vt ad sedandam sitim

sufficiant actu frigida, & humida: nec requirantur potentia talia. Quandoquidem pro causarum diuersitate aliàs actu frigidis, aliàs calidis actu opus est ad tollendam sitim. Audiamus Auic.f. 13.3.t.4. cap. 21. in hunc modum scribentem. In sthomaco quidem calido, & sicco addit aqua frigida sitim: similiter in sthomaco falsi humoris: & aqua calida sedat sitim eius multotiens. & famulatur Ioannes Valescus lib. 4. cap. 10. vbi Auic. hac recitata sententia, quæ ille memorat, experientia se compertum habuisse testatus est. Sed enucleatius viri doctissimi opinionem explosit Arculanus lib. 9. ad Almans. cap. 90. cum tradebat, in mala complexione calida, & sicca (sic ille loquitur) ebibita debent esse frigida actu, & potentia. Sed, vbi adsit materia colerica, & falsa, aut alterius generis, potius conuenire actu calida. Sed de his plus satis. quanquam vtilius

*quale fuisse
questionem.*
resp.
pa. 240.
2a meo

fuisset quæsitum, an potu, qui admixtum habeat oleum chalcanthinum tolleranda veniat sitis, præsertim morbosa. quod ipse prorsus improbo: tum ob qualitates, quas ipsum oleum habet ad sitim tollendam prorsus contrarias, tum verò ob veneficam, noxiamq. facultatem, qua præditum est. quibus

bus quoniam obest, non est cur illius cum admixtione conficiendus sit potus ad tollendam sitim.

Oleum chalcanthinum, an morbis internis deuoratum conducatur.

Cap. XVI.

I Nutilis prima fronte videtur inquisitio, an chalcanti oleum deuoratum morbis internis opem afferat, conscijs patronos illius syderū tenus vsum eius extulisse, imo, quod fortè admiratione non caret, morbis tam calidis, quam frigidis affirmasse conducere. In quam sententiam apertè locutus est inter cæteros Vidius lib.8. de med.cap.postremo, apud quem hæc notata reperiuntur. oleum vitrioli valens est ad apoplexiam, paralytim, epylepsiam, febres ardentes, ac pestilentes: ad hæc ad sitim, ad sthomacum bile æstuantem, ad morbos vterinos, aliosq. innumeros ex humore idoneo epotum. Adest insuper Minder. dissertatio cap.9.& 10. lib. de chalcanto; vbi cathalogum efficit morborum, quibus adiumento esse istud oleum deprædicauit: & pari passu, morbis quàm multis, tametsi à diuersa, & contraria causa oriundis,

*Aduersaria
scilicet*

Vidius

Minder

efficaci potentia prodesse, affirmare non du-
 bitauit. Vulgata sententia hæc rationem
 suscipere posse videtur ex eo, quod non con-
 temnendæ famæ, & auctoritatis scriptores
 chalcanthum ipsum porrigere pro debellan-
 dis morbis non dubitarunt. Astipulatur Plin.
 & post illū Diosc. auctorem eundem sequuti,
 vt opinor, quorum prior lib. 34. cap. 12. sic
 memoriæ mandauit, sumitur ad pellenda
 ventris animalia drachmæ pondere cū mel-
 le. Diosc. verò lib. 5. cap. 74. hæc verba tra-
 dantur. latas ventris tineas necat drachmæ
 pondere deuoratum, aut cum melle linctum.
 quibus adiecit vomitus ciet. aduersus hausta
 fungorum venena ex aqua potum auxilia-
 tur. hæc spagyricorum rationes, quæ mea
 sententia (eorum venia dictum sit) nullius
 momenti existunt. Etenim iactum istud fun-
 damentum, vt veteres chalcanthum ipsum
 deuorandum dare non dubitauerint, ex eo
 corrui, quod Gal. & cæterorum admodum
 quam multi auctorum, inter quos spagyrici
 ipsi accesserunt, vsum illius prorsus reproba-
 runt. Gal. vulgata sententia est 13. meth.
cap. 20. in hunc modum scribentis. neque
 absolute, si astringere incipientem flegmo-
 nem est opus, quodlibet astringens, in ijs,
 quæ

confirmatio

pa

2a

contra sententiam

p. functiones

pa

quæ deuoranda sunt, adhibemus: sed ea, quibus nulla corruptrix admixta vis est. Nam chalcanthus inter præcipua astringit: uti etiã & mysi, sory, & chalcitis, & dyphrynges, & æs vstum, & squama eius, & flos. Verum hæc medicamenta deuorata noxia sunt. Quo circa sthomaticis ea admiscere tutum non est: defluit namq. interdum ex his aliquid in ventriculum. Quare auctorum nonnulli animaduertentes in theriacæ compositione calciditis loco vitriolum vstum apponi, illud tanquam noxium reijciendum censuere: inter quos Plantius apud Fernel. sic edisserit. 2A
quod de calcitide, idest vitriolo vsto huic compositioni non admiscendo Valerij Cordi imitatione monet, id quidem in primis consentaneum videtur. cum enim medicamentum id, præsertim vstum, summè causticum sit, excharoticum, & internis visceribus insensissimum, nihilq. ad vllum interiore affectum conferre proditum sit, non est cur tâto incommodo, & saporis insuauitate in hanc compositionem admitti debeat. Si, ut quibusdam videtur, compositionem totam nigriorem reddit, non debet in vnam coloris gratiam sapore, & viribus tantopere corpori incommodare. eo substracto, compositio

tota vtilior, minus acris, & calida, & suavior
 euadet. Quinimò Mercur. Heur. & Querc.
 qui à chalcanthini olei vsu non omnino ab-
 horruerunt, chalcanthum ipsum deuoran-
 dum porrigere potius recusarunt. Querc. er-
 go libro de pharmacopea dogmatica restitu-
 ta, occasionem nactus de theriaca dicere, in
 qua conficienda cum explanasset chalcant-
 thum loco chalcitidis apponi, subiecit, dein-
 cept, non mereri illud, vt in ea compositio-
 ne admisceatur. quandoquidem plus detri-
 menti, quam inde boni proficiscitur. Sed de
exusto vitriolo hæc dicta accipienda sunt ex
 Querc. & Plantio. Crudum verò atramen-
tum sutorium nullo pacto deuorandum pro
 sanandis morbis; Querc. ipse astipulatur li-
 bro inscripto pestis alexicacus loco antea de-
 ducto. vbi cum retulisset Dioscor. vitriolum
 deuorandum porrigere (de crudo quippe
 Dioscor. sermo est) hoc à me Deus auertat,
 adiecit ille, vt aliquando tale remedium sine
 vlla præparatione adhibeam: tunc enim,
 præter quod plurimum lædit sthomacum, vt
 vomitus indicat, quem nedum ad pondus
 drachmæ, sed etiam in paucis granis datum
 excitat, atque producit, adeo gustui est in-
 gratum, vt nunquam à medico quouis in ea
 senten-

sententia præscribatur, sicut nullum præterea infirmum esse mihi persuadeo, qui tam infesta uti velit potione. hæc ille. Accedit insuper Mercur. testimonium lib. 1. de morb. cusan. cap. 6. sic tradentis. Scribit Rasis 25. continent. cap. 24. se babuisse amicum quendam, qui potata chalcantii, siue vitrioli drachma, vna prope nocte abiecit omnes pillos albos. Scio hoc genus remedij maxime apud multos esse commendatum: sed semper mihi Gal. consilium placuit, qui in medicamentis, quæ per os assumuntur, damnat chalcantii vsum. hoc sibi voluit Heur. cap. 4. lib. de morb. capitis, cum protulit. Galenus chalcantii vsum per os damnat. nos etiam. & ita damnat Petrus Forest. lib. 3. observat. schol. ad cap. 40. ut affirmare non dubitauerit in exilium eos mittendos, qui eiusmodi venenum pro salutari medicamento miseris ægrotis obtrudunt. Ex quo compertum fit deductam à vitriolo rationem prorsus corrumpere, quandoquidem illud præbere suspectum est, & noxium.

Cæterum prædicta omnia libentissime asseuerantes spagyrici subterfugium accipiunt, asseuerantes oleum vitrioli propinare se ita concinnatum, ut mitius sit ipso vitriolo, &

inno-

confuta
m. 1^o

exuritur
hanc hanc
argum ex
reuerentia
exsupp
none

innoxium. Quorum ratio duplici argumen-
to refellitur; quorum est primum deductum
ex Minder. asserente, vitriolum non exure-
re nisi exustum: chalcanthi vero oleum om-
nino causticum esse, & ex consequenti vi-
triolo ipso potentius, & nocentius: vnde re-
probantes auctores chalcanthi crudi vsum,
& ipsius oleum reijcere coguntur, quod vi-
triolo ipso nocentius est. Sed argumentum
istud dirigitur ad hominem, vt dici solet,
quoniam falsa est illius propositio, vt vitrio-
lum non exurat nisi exustum, quando & cru-
dum exurere compertum est de Gal. senten-
tia 5. meth. cap. 4. & confirmat Diosc. lib. 5.
cap. 74. affirmando à vitriolo crustam effici.
60 Altera verò ratio, quæ luculentius demon-
strat assumendum non esse, neque porrigen-
dum à Medico deuorandum oleum chalcan-
thinum, hinc liquet, quoniam qui ausi sunt
chalcanthū ipsum porrigere, drachmæ vnus
pondere illud dederunt. oleum verò chal-
canthinum non plus scrupulo. Quo constat
hoc violentius esse atramento sutorio, quod
cum reijciendum sit ab vsu medicamento-
rum, quæ deuorantur, & ipsum oleum chal-
canthinum reprobandum est, quod ipso chal-
cantho potentius, & nocentius est.

Illa parui momenti ratio est ab experientia *ad contrarium*
petita, cum dicunt, multos conualuisse olei *in*
chalcantini usu: qua de causa illud præbere *ad*
deuorandum nullo modo improbandum vi-
detur. Istud enim argumentum retorqueri *respondimus*
facile potest. oleum è chalcanto noxium est,
idque docet experientia. enimvero ex ijs,
qui illud deuorauit, diem suum obiere multi.
Sig: addant futurum vt perijissent *in se* *plures*,
nisi ex illo oleo iuuamen suscepissent,
voces eorum reddendo illis subijcere possu-
mus. Ita contigisset vt *respo* *multo* *plures* *seruati*
fuissent, nisi olei vitrioli usu in deterius lapsi
fuissent. Sed hæc missa faciamus, & cæteras
ponderemus rationes.

Quarum hæc spagyricis videtur non con- *Adversus*
temnenda. Vitriolum, & si inter metallica *ratio alia*
locum sortitur, nihilominus alijs illi simili-
bus vsi sunt medici, & interdum nonnullis
alijs, quæ venena sunt. Idque comprobatur *comprobatur*
exemplo anthimonij, hydargiri, & cantari-
dum, quorum vsus fælici experientia saluta-
ris comprobatus est: pari ergo ratione atra-
menti sutorij, oleique illius vsus minime vi-
detur aspernendus. Qua in re, *exemplum* *pro exemplo*
ab anthimo-
nio dicendi exordium faciendo, parem ratio-
nem fortè futuram fateor, si vitriolum purgā-
di gra-

di gratia assumeretur, vel oleum illius, non alterandi studio, conscijs, anthimonium ad expurganda corpora deuorari, cum nostra quaestio solummodo querat, an vitriolum, & oleum illius deuoratum conducat alterandi gratia. Ad hæc, militaret aliquo modo ratio quando citra controuersiam vsu receptū esset stybium porrigere pro expurgandis corporibus, cuius sanè administratio contentionibus plena est. Quanquam, si æquo animo ea spectare velimus, quæ de anthymonio ab auctoribus memoriæ committuntur, rem perniciosam, & periculi plenam esse certum

habebimus. vt ex parte indicauit Ioānes Crato in sua epistola ad Iacobum scutellarium, & Alexander Petron. lib. 4. de victu Romanorum cap. 13. & enucleatius Mercur. lib. 2. de compos. med. cap. 8. in hunc modum scribens.

tempore nostro Teophrastus Paracel. (de anthimonio illi sermo est) primus cepit vti hoc diabolico medicamento, non ad purganda corpora, sed ad iugulādos homines. Dosis, qua vtitur, est à gran. duobus vsque ad quatuor. sed consulo vobis vt omnino abstinatis ab hoc medicamento quia, tametsi videatur per aliquod tempus prodesse, tamē rarissimi sunt, qui vtentes hoc medicamento

perue-

perueniant ad primam senectam: & hoc non
 solum Eraſtus, qui contra Paracellſum ſcribit,
 quam plurimis exemplis demonſtrauit: ve-
 rum ego aliquot exempla habeo eorum, qui
 immature perierunt uſi hoc medicamento.
 Sed, quæ ſit anthimonij exitialis potentia, *anthimonij
 uſu exitalis* in compendium redegit Schenck. lib. 7. ob-
 ſeruat. 219. apud quem notatum reperitur,
 illud tanto impetu euacuationem ciere, ut
 vaſa frangat, hæmorrhagiam concitet, quam
 deinceps phthiſis ſequitur. alias illiud incom-
 modi afferre, ut, qui illud deuorant, in
 morbos incidunt, à quibus ſe nunquam ex-
 tricare potuerunt: alias illud effeciſſe, ut, qui
 eo uſi ſunt, vomitiones vehementiſſimas paſ-
 ſi ſint, colicos dolores, diarrheas, conuul-
 ſiones, & cardiacas ſyncopas. quodque
 magis eſt, è veſtigio fatalem diem induxerit.
 Et denique ea attulerit ſymptomata, quæ
 ſublimatum, & præcipitatum parit. *corroſiuum*
Iure er-
 go in Matthiol. inuehitur Heur. lib. de feb.
 cap. 19. cum cenſuit, anthimonium peſtis
 eſſe anthydotum. Et iure meritò Parieſiſ *aliud*
 ſcholæ decreto anthymonium damnatū eſt,
 uti de peſte edifferens recitat Paræus lib. 21.
 cap. 25. Liqueſcit ergo argumentum deductum
 ex anthimonio nullam ſortiri efficaciam.
 cum

cum potius ratio ex illo deducta sit, ignotum probare per ignotius.

2^m excomp. hunc excutitur. Multo minoris ponderis est ratio deducta ab argento viuo : de quo non ignoro, ab eruditis viris valde probari vsum illius ad excu-

impugn. tiendos morbos ore sumptum. Sed manifesta res est, eorum sententias Gal. refragari,

qui hydrargiri potionem prorsus reiecit pro sanandis morbis : eo quod neque ægris, neque rectè valentibus hominibus opem affert.

po Hoc sibi voluit ille dū 6. in 6. Epid. comm. 5.

scribebat. ea de causa mihi plura medicamenta non vocare mortifera medici videntur,

quod ipsorum temporibus quibusdam, utilitas necessaria sit : ea verò appellare deleteria, idest pernicioſa, quæ nullo vnquam

tempore, neque ægrotis hominibus, neque valentibus opem ferunt. neque enim aconitum,

neque argentum viuum, neque argenti spuma, neque marinus lepus intra corpus

accepta vllum nobis afferunt emolumentum, quemadmodum alia pleraq. &c. Hinc lib. 5.

2^o. de simpl. cap. 19. inter ea medicamina, quæ

tota substantia nobis inimica sunt, argentum viuum locauit, ea de causa, quod eius vel

minimum assumptum omnino lædit. Quæ eo consilio ille tradidit, vt indicaret, argentum

viuum assumptum nihil opis afferre, & dele-
terium esse venenum. In quam sententiam
locutus est Fernel. lib. de lue venerea cap. 7.
vbi cumulatâ oratione hydrargirum nullo
modo tuto ori porrigi posse demonstraui.
Vnde illa argumentatio ex hoc confingitur,
vt qua ratione argentum viuum deuorari po-
test, eadem, & chalcantum, oleumque il-
lius assumi possit morbos discutiendi gratia.

3^o

Sed oritur dubitatio, quam excitauit Mer-
cur. lib. 2. variar. lect. in cap. 14. quo in lo-
co argentum viuum toxici venenum debel-
lare testatus est, Ausonij testimonio fultus,
exemplo vxoris cupientis maritum interir-
mere venusto epigramate hoc exarâtis. Qua-
re ex hoc videtur ea reijci opinio vt hydrar-
giro morbi debellari nequeant. Mercur. ipse
lib. 1. de venen. cap. 4. hanc eandem afferens
dubitationem in hunc modum illam propo-
nendo diluit. Difficultas est, inquit ille, quo-
niam Gal. loco illo 6. Epid. tradens exem-
plum deleteriorum, quæ nunquam iuuant,
adnumerat leporem marinum hydrargirum,
seu argentum viuum, & aconitum. Cate-
rum Plin. lib. 27. cap. 2. scribit aconitum
maxime prodesse homini aduersus complu-
ra venena, & de argento viuo habetur apud
Auson.

obiciens

Auson. manifesta historia illius scelestæ mulieris, quæ, cum vellet enecare maritum, dedit ei primò toxicum; quod cum mortem tardaret, vt eam acceleraret, dedit argentum viuum. Sed, quod illa putabat mortem acceleraturum, vitæ potius misero illi marito auctor extitit: quandoquidem argentum viuum fuit veluti remedium toxici. *respo* Verum profectò est, subiecit ille, immo verissimum est, neque aconitum vnquam prodesse, nec sanis hominibus, nec ægris simpliciter, sed si quando iuuat, id contingit quotiescunque aliquod venenum est in corpore, quod sit ipsi aconito, vel ipsi hydrargiro inimicum: tunc enim, vt præclarissimè dixit Plin. duo venena inimica in corpore inter se pugnant, vt homo seruetur. quapropter verissimum est, huiusmodi venena conferre homini per accidens, hoc est quando contingit in ipso esse aliud quodpiam sibi inimicū, hucusque Mercur. Cui assentior ex accidenti hydrargirum prodesse potato veneno, non quidem quia illud contrarietate discutiat: sed quòd pondere citata aluo educat. *nonandum* Hoc vero contingit, cum & argentum viuum, & ingestum venenum ad actum redacta minime sunt à nativo calore. at, si contingat diu ambo

ambo contineri, & à calore natiuo actuari,
tunc illa maxima afferunt nocumenta. Ad *responsalia*
hæc non valet argumentari, prodesse argen-
tum viuum, cum non lædit, quòd contingit,
si reiiciatur antequam actuetur. Nam si con-
tingat ad actum redigi, semper obest.

Ratio ex cantharidibus petita ab aduer- *3^{ta} exenat*
sarijs sic reiiceretur. Comparatio ab animā- *exenat*
tibus ad mineralia non procedit. & ob id ar- *improbat*
gumentum à cantharidibus deductum prob- *resp^o*
abile non efficit, quod de chalcantio, eiusq.
oleo inferitur: quamquam peculiaris ratio *peculiaris*
est, quæ efficit, cantharidas deuorandas *hæc cum ca*
præberi posse, quæ de chalcantio afferri non *rehabilitat*
potest, siquidem cantharides anthidotum, *intra corpus*
secum ferunt. quemadmodum Plin. testatus *sumi potest*
est lib. 11. cap. 35. cum protulit, venenum *plur^o*
hoc remedia secum habet. alæ medentur:
quibus demptis lathale est. & confirmant *confirmat*
eiusmodi illius verba lib. 29. cap. 4. traden- *resp^o*
tis. cantharidum venenum in qua parte sit
non constat inter auctores: alij in pedibus,
& capite existimant esse, alij negant. Con-
uenit tamen, pennas earum auxiliari in
quacunque parte sit venenum, & Dioscor.
sententiam eandem retulit lib. 2. cap. 55. à *alio*
quo (ni fallor) ne latum vnguem recessit Ae-

aba tius lib. 13. cap. 49. cum voluit, affectioni
 quam cantharides efficiunt, eorum alas, ac
alia pedes contrariari. Vnde Matthiol. ad lo-
cum Dioscor. citatum fusè comprobatur ex
 Gal. integras cantharidas exhibendas esse,
 quo tempore ijs opus est: eo quod, ablatis
 extremitatibus, anthidoto exuuntur, quo
 natura sunt præditæ in proprij veneni reme-
 dium. Hæc ergo ratio efficit cur canthari-
 dæ exhiberi possint, cum secum anthido-
 tum habeant. Quæ par ratio excogitari non
 potest de chalcantio, oleoq. illius. *con-*
clusio cludamus ergo, chalcanthinum oleum nul-
 lis argumentis probari deoratum mor-
 bis internis opem afferre, & ideo iustis de
 causis rejiciendum à medico usu.

Faucium vlcerebus, an oleum chalcant-
 thinum conducat. Cap. XVII.

questio **N**on omnium vlcerebus fauces affligen-
 tium questio est, an illis chalcant-
 thinum oleum conducat; sed malignorum dun-
de qd taxat, quibus putrilago adiuncta est, cachoë-
est tica, dicta. de quibus questio est, an chalcant-
 thino oleo illis succurrendum sit. planè, si
 generalem vlcera curandi methodum consu-
 lamus,

lamus, istud oleum illis opem afferre statuen-
dum erit, conscijs decreuisse Gal. 2. ad Glauc.

cap. 2. maligniora vlcera, ac putrescentia,

acriora medicamenta expetere, quæ ignis
vires habeant. In quorum numero chalcant-
thinum oleum reponi in confesso est. Etenim
apud illum hæc leguntur. Summatim hæc
cognoscere oportet, quod omne vlcus, si-
ue sponte, siue ex accidenti, siue ex vulne-
re factum fuerit, exiccari desiderat medica-
mento, vt inquit Hipp. non aspero, hoc est
mordente, neque vehementer irritante.

præterquam vbi malignum cum putrilagine
fuerit: talia enim acriora expetunt medica-
menta, & quæ ignis vires habeant: quale est
myfi, & chalcitis, & arsenicum, & calx, &
sandaraca. Etenim non aliter quam ignis
adurunt medicamenta huiusmodi. Sæpius
verò, vbi ista cesserint, ipsum ignem adhi-
bemus. Qua eadem methodo faucium vlce-
ra curanda esse, vbi maligniora fuerint, adeo
vt ad acriora deueniendum sit medicamina,
appositè declarauit Aret. lib. 1. acut. pass.

curan. cap. 9. vbi de pestilentibus faucium

ulceribus sermone instituto sic loquitur. Por-
rò igne vitium adurere, cum in superiori par-
te sit, imprudentis esse propter isthmum in-

*decisio
pag. 163*

2^a

dico. Sed medicamentis ignis similibus. quò & depastio coerceatur, & crustæ decidant, vtendum præcipio. ea verò sunt alumen cum melle, galla, balaustrum arida cum mulla. hæc eadem calamo, aut penna, aut crasso, & oblongo caulæ, quo medicamina ad vlcera perueniant inspiranda sunt. Optime sanè est chalcitis vsta cum trita cadmia, & rhei radix cum aliquo humore. sic ille. ab hac sententia minime discessisse Iuniores admodum quam multos persuasum habeo, qui in oris fauciumque vlceribus acrioribus hisce medicamentis vsti sunt. Vidius ergo Iunior lib. 4. de morb. memb. cap. 19. vlcera oris depascentia curaturus caustica isthæc medicamina comprobatur, cuiusmodi est chalcanthum, chalcitis, misy; vel etiam vlcera ipsa tangenda præcepit sulphuris oleo, & chalcanti. Et Vidius Senior part. 2. de morb. gener. lib. 10. cap. 16. oris vlcera ex morbo gallico contracta attingi voluit gossipio madefacto in aqua plantaginis, in qua tabuerint alumen, & arsenicum: seu in aqua aluminis, quam Fallop. componebat ad rebellia vlcera exiccanda, aut oleo sulphuris, atramenti futorij, & stibij. & Massar. lib. 1. pract. cap. 36. & 37. in crustosis oris vlceribus,

bus, aphthisq. malignis fortioribus hisce medicaminibus utitur, quale est, misy, sory, chalcitis, atramentum sutorium, aqua erodens, oleum sulphuris, vitrioli, vnguentum ægyptiacum: & alia classis eiusdem. At de vlceribus faucium clarius est locutus Amat. 6^a

Lusit. centur. prima curatione 74. dum vlcus fauces depascens aqua forti tangendum mandauit, & gargarismate utendum, in quo ægyptiacum vnguentum admixtum sit, & hanc opinionem disertè confirmat Lud. Merc. 7^a

lib. 2. de morbo gallico cap. 8. vbi ad fortiora medicamenta cum deueniendum est, quibus faucium, & palati vlcera curanda sunt ex morbo gallico contracta, hæc esse commemorauit, aquam argentariorum, vnguentum ægyptiacum, oleum sulphuris, & puluerem mercurij. quibus ex omnibus varia parat, pharmaca hisce vlceribus accommodata. Quare, licet idem auctor alibi in faucium vlceribus curandis oleum vitrioli reprobasse visus sit, nihilominus illius opinio refellitur ex ijs, quæ ex eodem auctore mox retulimus, & tanquam ratum decernitur malignioribus faucium vlceribus chalcantium oleum prodesse posse.

*deducit hoc
verum in
conclusionem*

Dysentericis an atramentum futorium
cum clystere iniiciendum sit .

Cap. XVIII.

p. parte
affirmare
po
SVnt, inquit Vidius lib. 9. de morb. memb.
cap. 24. qui auri pigmentum, sandara-
cam, chalcanthum, aliaq. eius generis me-
dicamenta diligenter prius vsta, permiscet
(cum enematibus scilicet pro dysenteria cu-
randa, de qua illi sermo est) ad crustam in
vulceribus excitandam: praesertim, cum ti-
ment ne ea depascantur intestina, & in dies
maius spatium occupent; quæ, quoniam ve-
terum fuit opinio, idcirco mordicus illam
2º tueretur Massar. lib. 3. pract. cap. 22. quam ne-
que ipse prorsus damnare auferim opinio-
nem. Notandum tamen volui Massar. huius
sententiæ patronum aperte fateri, neminem
reperiri hodie, qui huius medendi methodi
imitator esse voluerit, quibus aperte confes-
sus est, à medentium vsu recessisse penitus
methodum vsurpandi chalcanthum, aliaq.
eius generis medicamenta, eaq. admiscere
in dysentericorum clysteribus. quamquam,
contra
2º
affirmare
neque ipsum Massar. censeo remedia hæc
vsurpasse vnquam, alioquin sanationis exē-
pla non prætermisisset, quæ desideramus nos

ad

ad hanc subſtinendam opinionem. Quando-
quidem nocumenta afferre, quæ ex his pro-
deunt medicaminibus, difficillimum non eſt,
ſanationis verò exempla non tã promptum.

Aetius ergo lib. 9. cap. 49. dysentericorũ hæc ^{2^a}

recenſendo medicamēta, vniuerſè de omni-
bus perhibuit, quæ cruſtas inducunt, ſi infun-
dantur, & ſtomachum & caput offendere cõ-
ſueuerunt. &, quamuis huic incommodo oc-
curendum velit, ſi hora vna ante ſtomachus
oleo mirtino, & vino veteri irrigetur, itemq.
caput largo oleo, nihilominus probare, iſtud
cum effectũ contingere, adeò vt nulla conſe-
quatur noxa, hoc opus hic labor eſt. Ad hæc ^{3^a}

Gal. lib. qui dicitur medicus, cap. 13. apertè
teſtatus eſt, cũ huiuſcemodi generis medica-
menta ſanas inteſtinorum partes cõtینگunt,
perniciem afferre. Attamen inteſtinorum
partes nonnullas ſanas eſſe, vel ex Cælio col-
ligitur, qui in omnibus inteſtiniſ eodem tẽ-
pore vlcerationem minime poſſe fieri tradi-
dit lib. 4. tard. paſſ. cap. 6. Itaq. inteſtino-
rum partes eò quod non omnes exulceran-
tur in dysenteria, ſequitur vt uſu horum me-
dicaminum ineuitabile conſequatur detri-
mentum: & ſpe dubiæ ſanationis exulcera-
tarum partium, ſanæ ledantur, & morbo
morbus

corollarium morbus addatur. Hinc factum censeo, vt
 Juniores Medici complures, quibus in locis
 de his præsijs orationem aggrediuntur, po-
 rius recitatores sint veteris opinionis, quam
 illius consultores. Quamquam non defuit
 42 Rondel. qui hanc opinionem penitus dam-
 nauit lib. 3. meth. cap. 20. cum dixit. non
 imitandi veteres, qui sandaracam, auripig-
 mentum, calcem viuam, & alia eiusmodi
 iniiciebant in reliquas intestinorum partes
 omnes æquè agentia, ac ea, quæ exulcera-
 ta est. Hæc omnia eo consilio commemora-
 re volui, vt liqueat, fortè melius consultum
 dysentericis, si, his prætermisissis medicami-
 nibus, curationem illorum aliter prosequa-
 tur Medicus, quam illis cum clystere infusis.

E R R A T A.

Pagina 11 versu 18. *addendum est*, calidam, & humidam. 23. 19. ne-
 que illis orationibus, *lege* neque vllis rationibus. 48. 6. dicitur, *l. dum.*
 & versu 11. tract. *l. romo.* & vers. 16 vi, *l. vim.* 49. 15. qui, *l. quod.*
 50. 18. vstiora, *l. vstoria.* & vers. 26. vstiora, *l. vstoria.* 51. 7. excessus
 sunt, *addendum*, quiddam hic. 57. 23. summa, *l. summam.* 67. 8. per-
 ficam, *l. perficam.* 73. 26. initio, *l. intro.* 73. 3. cenissz, *l. cerussæ* & vers.
 24. refrigerendi, *l. refrigerendi.* 80. 21. reactis, *l. redactis.* 85. 14. reme-
 dium, *l. remedijs.* & vers. 18. xirodinis, *l. oxirrhodinis.* 124. supra, de- 102
~~lenda hac particula.~~ *addendum* sic 1. prob. 12. bile dixit recale-
 scente febres acutæ inuadunt 103. 6. quos, *l. quod.* 104. 21. 2. meth.
 1. 11. meth. 109. 23. tatem, *l. tabem.* 115. 3. sanguine, *l. sanguinem.*
 119. 8. gestatur, *l. gestatum.* 122. 19. lib. 2. *l. 11.* & vers. 27. text. 2.
 text. 11. 125. 5. calorem, *l. calore.* 126. 16. frigiditate, *l. frigiditatem.*
 128. 9. cap. 2. *l. cap. 11.* 129. 21. quam, *l. quamquam.* 133. 11. quarta-
 narij, *l. quartanarij.* 134. 3. cap. 20. *addendum*, itaq. proponentes
 Auer. & Halliab. 138. 5. gitur, *l. agitur.* 142. 17. chalcantii, *l. chal-*
 cantio & vers. 26. potius, *l. sed potius.* 146. 8. sedare, *l. sedare.*
 153. 5. curan. *l. curan.* 156. 19. nostri, *l. nostro.*